




Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CMAJL 1.7.393/a





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.393/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINAAGL 1.7.393/a



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CMAAGL 1.7.393/a

2. D. B. V.
ANTIQVITATES
ARCHIEPISCOPATVS
MAGDEBVRGENSIS

quampluribus nunquam antea editis

OTTONIS I.
Diplomatis, Bullisque Pontificiis
distinctas

SVB PRAESIDIO
CASPARIS SAGITTARII, D.
HISTOR. P. P.

DIE SEPTEMBRIS

Publico examini exponet

JOH. CHRISTOPH. Schillinge/
HADMERSLEBIO-MAGDEBVRGICVS.

J E N A E
T T P I S N I S I A N I S.
ANNO MDCC LXXXIV.

V I R O
PERILLVSTRI AC GENEROSISSIMO
DOMINO
GVSTAVO ADOLPHO
A SCHVLENBURG
Hæreditario Domino in Embden

Bezendorf & Schadeleben

SERENISSIMO AC POTENTISSIMO
ELECTORI BRANDENBURGENSI
*a Consiliis intimis, Camera Halla-Magde-
burgicæ Præsidi, Prætori in Gibichenstein &*

Moritzburg

MAECENATI AC PATRONO SVO
GRATIOSISSIMO

Has Archiepiscopatus Magdeburgici Antiquitates

*in devotissimi obsequii pignus
humillime dedicat*

JOH. CHRISTOPH. Schillingf.

407
Differe Parthenopes quæ sint cu-
nabula: Sic, quid
De te sperandum sit, docu-
menta dabis.

Maacte his! deque tua patria sic perge
mereri,
Tunc meritis reddet præmia digna
tuis.

*Præximo Dno SCHILLINGIO
gratulabundus adpos.*

Rudolf Wilhelmus Krauß/

Phil. & Med. D. P. P.

h. t.

ACAD. RECTOR.

F*elix qui studiis erectis sedulus in-
stat.*

*Tu te felicem per documenta pro-
bas.*

amico animo testando scr.

Jo. Philippus Slevogtius,

D. & Prof. Iuris ac Philosophiæ
ordinarius.

) (z

Ipsa

Ipsa quidem *Magdurga* suo splendo-
re coruscat,
Dotibus & variis tollit ad astra ca-
put:
Et quoque metropolin statuit qui *Ma-*
ximus Otto,
Auxit & ornavit pluribus atque
bonis;
Laudibus egregiis celebrabitur: attamen ista,
Haectenus in tenebris quæ latuere
nigris
Ottonum in lucem diplomata si referen-
tur,
Majorem lucem metropolis ca-
piet.
Hunc igitur mecum, *Juvenis præclare*,
laborem
Quod

121
Quod suscepisti, mens mea gaudet
ovans.
Et bene quo cedat studiorum cura,
tuorum,
Supplicibus votis sollicitabo De-
um.

*In gratiam Nobilissimi Doctissimique
Dn. Respondentis, Convictoris & Amici
gratissimi
Imq. scribeb.*


P R A E S E S.

EX his, quod patriæ monumenta ve-
tusta revolvis,
Laus studiumq. Tuum, doctaque Mu-
sa micat.
Est labor excellens, priscos qui rumpit
in annos,
Atque in se multum commoditatis ha-
bet.
MAGDE-

MAGDEBURGIACÆ manet & TE
gloria laudis,
Et TIBI se facilem patria grata da-
bit.
Pauca quidem scribis, sed quæ dignissima
cedro,
Dum patrii reſeras luſtra vetuſta
ſoli.
Laudamus ſtudium; ſic perge extendere
famam,
Et patriæ laudes amplificare tuæ.
Sic patriæ ſurgens in Te quoque gloria
ſurget,
Et capies ſtudii digna brabæa
tui.

Nobilisſimo Domino Reſpondenti
Amicoſiſſimo gratulantur

CONVICTORES SAGITTARIANI







§. I.

Archiepiscopus Magdeburgensis, in cuius antiquitates præsentis dissertatione penitus inquirere animus est, nomen habet a clarissima amplissimaq; sua metropoli M A G-DEBURGO: quæ urbs jampridem Saxoniae inferiori adscripta, olim septentrionalis, sive Nort-Thuringiae, fuit portio.

§. II. Enimvero florentibus Regum Thuringicorum rebus tam late patuit Thuringia, ut supra hanc, quæ pridem id nominis obtinuit, provinciam, vicinas plures complecteretur terras: quarum tamen bona pars jampridem in Saxonum potestatem concessit.

§. III. Scilicet jam factum id est sæculo a nato Servatore sexto, quo Hermenfridus Rex Thuringiae a Theodorico Francorum Austrasiorum Rege victus, ac postea occisus est: ipso regno Thuringico in duas partes secto, quarum alteram retinuerunt Franci, altera Saxonibus pro præstita Francis in hoc bello singulari ope cessit.

§. IV. Hæc ne disertius hoc loco memoremus, Epistola nostra *de antiquo statu Thuringiae* sub auspiciis Historici in hac Salana muneris, ac quæ nunc sub torculari typographico calent, *Regni Thuringici Antiquitates* faciunt: ex quibus pristinam universæ Thuringiae per hæc tempora faciem lector benevolus haut difficulter cognoscer.

§. V. Etsi autem Regum Thuringicorum potestas

A

&

& auctoritas tum plane expiravit, Thuringiæ tamen nomen non omnino exuisse terras illas, quæ in manus Saxonum pervenire, frequens Nort-Thuringiæ facit mentio, quam in diplomatis variorum Germaniæ Regum, in primis autem Ortonum sæculo decimo reperimus.

§. VI. Excerpta horum diplomatum in *Antiquitatibus Regni Thuringici* lib. II. cap. XII. dedimus: perinde ac ante nos id fecerunt Marcus Wagnerus libello germanico, quo regnum Thuringiæ in pagos olim fuisse distributum asserit, & insignis Polyhistor Henricus Meibomius in eleganti de *Pagis Saxonie* commentatione. Integra vero diplomata hanc ad rem facientia repræsentarunt laudatus Meibomius in calce Annalium Witichindi monachi Corbejensis, & Benjamin Leuberus, in *Disquisitione planaria Stapule Saxonice* Budissinæ anno præsentis sæculi LVIII. edita. Nec pauca huc pertinentia diplomata Magdeburgensia Mss. nobiscum communicavit Vir plurimum reverendus ac clarissimus, Johannes Gotfrid Olearius, Ecclesiastes Hallensis de Ecclesia sua optime, nec non de bonis literis insignite meritis: quem, quia in hac ipsa Magdeburgensium Antiquitatum tractatione non parum nos per diplomatum illorum communicationem juvit, ut honoris causa nominaremus, ac singularem ejus benevolentiam celebraremus, nostri omnino erat officii.

§. VII. Exreigitur & vero illustris quondam Præceptor noster Hermannus Conringius, in *de antiquissimo statu Helmstedii & Viciniæ conjecturis* scripsit: *Regnum Thuringorum hoc etiam nostrum Helmstadium viciniamque Magdeburgensem, ut & ipsum Magdeburgum comprehendisse, extra omnem est dubitationis aleam collocandum.* Etsi vero idem Conringius nomen Thuringicum in Magdebur-

deburgicis cum sæculo decimo obsolevisse opinatur; in ipso tamen adhuc XI. sæculo memoriam Nort-Thuringiæ & in diplomatis & in scriptis quibusdam historicis superare novimus, ac alibi etiam id jam cœpimus ostendere.

§. VIII. Ceterum prius ad ipsius Magdeburgici Archiepiscopatus origines quam abeamus, de ipso nomine, ac simul de primordiis Magdeburgi nonnulla præmittere decrevimus.

§. IX. Quæ pridem contracte Magdeburg fuit appellata civitas, olim *Magatburg*, *Magadoburg*, *Magadaburg*, & *Magadeburg* frequenter scribebatur: id quod quamplura, quæ a nobis visa, lecta & descripta sunt diplomata commonstrant: quin & ipsa Regum Francorum Capitularia ejusmodi scriptionem præferunt.

§. X. Voces autem *Magad*, *Maged* & *Magd* apud majores nostros non speciatim *ancillam* aliis servientem, sed generali nomine *Virginem* denotasse, notius est, quam ut multa explicatione indigeat. Atq; hinc est, quod S. Virginem Mariam sic passim B. noster Lutherus tam in N. Testamenti versione, quam in sacris quibusdam cantilenis salutaverit. Quod tamen pleraque servarum ex virginibus sint sumtæ olim, ac etiamnum id fiat, cur iisdem hoc nomen adhæserit, facile apparet. In hanc rem Goropius Becanus in fine *Hermathene* sic scribit: *Nobis Macht vel Magd virginem significat, & pro famula etiam ponitur, quia virgines fere loco ancillarum habeantur.*

§. XI. Neque vero dubitaverim, quin ex hac voce burgo Magdeburgensi nomen adhæserit. Atque hoc ipsum omnes illi videntur confirmare, qui huic civitati græcum nomen *Parthenopolios* attribuerunt. Id quod jam sæculo XII. fecit Sigebertus Gemblacensis in *Chronographia*. Nec aliter sensisse visus est Johannes Reuchlinus, live

Capnio, qui *Dmoadum Pyrgum* dixit, teste Francisco Ire-
nico, cuius verba huc pertinentia ex libro XII. *Exegeſeos*
Germanie afferam: *Magdenburgum Saxonia metropolis*
eſt, a Joanne Capnione, viro undecunque doctiſſimo
Dmoadum Pirgum dictum, in epiſtola ad Joannem ex Lupis
de Hermesgrun. Dicitur autem a græca dictione. Dmoa-
des enim puellas ancillares græci ferunt, quaſi per aphare-
ſim ſeu endiam (quid hæc vox ſibi velit, non capio) prima
litera ſublata Maid dicimus, & πύργον pyrgum Burgum, ut
πύργος buxus. Hæc ille. Addit Irenicus: Ecce quam pul-
cherrima utriusque lingvæ convenientia in illo nomine,
δμωή, δμωής ancilla dicitur, vel δμωίς, δμωίδος, καὶ δμωά-
δες miniſtræ ſunt. Aneas Sylviuſ eandem ob cauſam vo-
ce latino-græca Virginopolin vocavit: ad quem denuo
provocans Irenicus, ita pergit: Aneas Syl. Magdenburgen-
ſem vocat & Virginopolim metropolicam inſignem urbem,
inter Saxones, opibus & authoritate memorabilem ſcribit.
Guntheruſ, Poeta ſpirituſ & ingenii haut ſpernendi, imo
ut in illo ævo mirandus, quod proprium nomen difficul-
ter admitteret ligatuſ ſermo, Virginæ urbem indigitavit
lib. I. Ligurini

Huc quoque Virginea (modo dicere faſ ſit) ab urbe
(Nam neque barbaricum recipit mea pagina nomen,
Nec melius dici ſine nomine poſſe videtur)
Electo partes gemino de Præſule litem
Pertulerant.

Ac iterum lib. VI.

Denique virgineam ſe præſentaret in urbem.

Quid, quod ipſa hanc ſententiam confirmet vetuſta
urbis Magdeburgenſis inſignia, utpote virginem cum cul-
tu virgineo præferentia?

§. XII.

§. XII. At vero quæ ac qualis virgo, vel una plures fuerint virgines, a qua, vel quibus Magdeburgum illustre acceperit nomen, de eo mirum in modum dissentiunt Scriptores varii.

§. XIII. Svavis est, & Poeta digno conjectura, a Magdeburgensibus formæ non quotidianæ, plebejo quantumvis sanguine prognatis puellis hoc nominis derivans. Ut adeo facile ignoscas Petro Lotichio canenti:

*Qua vetus hoc merito (quam præterit herbifer Al-
bis)*

Urbs de virginibus nomen adeptæ gerit.

Tot quoniam facie præstantes, Marce, puellas

Quamlibet e media sanguine plebis habet.

§. XIV. A Venere igitur famosa Romanorum Dea Magdeburgi religiose quondam culta nonnulli denominationem repetunt. Facit id Hartmannus Schedelius in Chronicis Norimbergæ anno MDCCCXCIII. excusis. *Magdeburga*, inquit, olim *Parthenopolis a Venere parthenia* appellata, quæ ibi colebatur. Et *urbs Virginum dicta*. Item Adrianus Romanus, in parvo *Urbium Theatro* scribens: *Magdeburgum ad fluvium Elbam, a Venere Parthenia quæ ibi colebatur, appellata, Parthenopolis sive Castrum puellarum*. Verum huic sententiæ fortiter reluctatur Petrus Bertius lib. III. *Commentarii Rerum Germanicarum*, cujus verba hæc sunt. *Qui Venerem illic cultam a Romanis dicunt, atque inde nomen Magdeburgo datum, nescio unde Venerem didicerint esse virginem, aut Romanos hoc loco Veneri, aut omnino Deæ alicui delubrum posuisse, Certe Venus tantum abest, ut virgo sit, ut potius omnis impudicitia & spurciici sit mater. Romani vero nunquam hisce*

locis sedes fixerunt : nec, si voluissent, permisissent illud Germani.

§. XV. Alii Charitum trigam jungunt Veneri, earundemque simulacrum Magdeburgi antiquissimis temporibus constitutum, a Carolo Magno volunt comminutum ac subversum. Georgius Bruin in Poligraphia: *Veneris simulacrum in curru stantis cum tribus Gratiis hic colebatur, unde nomen natum est loco, ut Parthenopolis, id est, puellarum urbs diceretur, quod & Magdeborg vox Germanica sonat.* Mattheus Dresserus Itagoges Historicae parte V. de praecipuis Germaniae Urbibus: *Magdeburga compositum nomen habet a burgo sive arce, & a puellis, quae erant tres Charites seu Gratia, Veneris, quae illic colebatur aureo curru insidens, filia. Quod idolum postea Carolus Magnus destruxit.* Latius autem haec explicat Albertus Krantzius Saxoniae lib. II. cap. XII. cuius integram narrationem afferemus. *Rex (Carolus Magnus) in Saxoniam iteravit expeditionem, & ad Albim fluvium in castello Megedeboch phanum subvertit, quod illi loco nomen dedit. Has ego reliquias crediderim Romanae olim religionis, verius superstitionis, quum Drusus Nero, & deinde filius ejus Germanicus sub Augusto Casare praessent provinciae. Simulacrum tale fuit: Stabat in curru nuda femina, myrtea caput cincta corona, ardentem faculam in pectore, in dextera mundi figuram, in sinistra vero aurea malatria praeferebat. Post eam tres puella (Charites Graeci, Latini Grantias dixere) nexis manibus nuda singula poma gestabant, aversis invicem vultibus dona porrigentes. Fugales quadrigae erant gemini cycni, totidemque columbae. Venerem hac imagine figurabat gentilitas, quae in omni mundo dominatur. Grantias illa comites habet, quae alternis obsequiis junguntur: hoc vult nexus ille*

ille manuum. Vultus avertunt, quia beneficia non impro-
perant. Sed bono mysterio vana suberat religio: quam Ka-
rolus subvertit, instaurans in locum ecclesiam S. Stephani.
Ac iterum Metropoliis lib. I. cap. III. Ibi (Magdeburgi)
Veneris simulacrum in curru stantis, cum tribus Gratiis co-
lebatur: unde nomen natum est loco, ut Parthenopolis, hoc
est, puellarum urbs diceretur, cum cycni & columbae alites
Veneri dicata juga ducerent ad temonem. Sed rex cor-
datisimus, non passus durare superstitionem, subvertit si-
mulacrum.

§. XVI. Neque tamen hanc idoli delineationem,
primus commentus est Krantzius, sed procul dubio in eo
secutus est vetus Chronicon Saxonicum vernacula conscrip-
tum lingua, ex quo postea expresserunt Johannes Poma-
rius Pastor Magdeburgensis in *Summa Chronicorum Magde-
burgensium* anno MDCLXXXVII. edita, & Erpoldus Lin-
denbrogius in *Chronicis de Carolo Magno*, quæ Hamburgi
MDLXXXIII. prodierunt. Videantur etiam Sebastianus
Münsterus *Cosmographia lib. III. cap. CCCXXXI.* & Petrus
Albinus in *Chronico Misnico Tit. XI.*

§. XVII. Quod si autem quæras, quo tempore
primum hoc Veneris simulacrum repositum Magdeburgi,
quidam ad Julii Cæsaris, alii ad Drusi tempora confugient.
Et in Cæsare quidem acquiescent illi, qui ab eo in honorem
septem planetarum totidem per Germaniam exstructa ca-
stra existimant.

§. XVIII. Verum quia Julius Cæsar suis in Germa-
nos bellis eo usque non pervenit, sed potius Svevorum
metu, postquam Rhenum bis transmiserat, necessum ha-
buit regredi, merito hoc commentum explodimus. Ac
bene est, quod id jam pridem fecerint Krantzius lib. I. *SA-*
xonia

xonia cap. XXV. Pomarius initio *Chronicorum Magde-*
burgensium, Johannes Justus Winckelmannus in *Notitia*
Historico Politica veteris Saxo-Westphaliae lib. II. cap. I.
§. IX. & nonnulli alii.

§. XIX. Quo ipso simul cadit illorum assertio, qui
Magdeburgum jam Julii Caesaris aëvo, dimidio fere ante na-
tum CHRISTVM sæculo floruisse, imo pro *Metropoli Ro-*
mana ac castrensi urbe putant habitam: in qua confutanda
Leuberus num. CCCLXXI. & sequentibus sollicitè est
occupatus.

§. XX. Quæ de *Paribena* Julii Caesaris concubina
Andreas Wernerus in *Chronico Magdeburgensi*, & si qui
sunt alii, afferunt, ac si ejus honori urbs dedicata *Parthe-*
nopoleos nomen invenerit, omnino sunt conficta. Qui
enim nunquam heic locorum devenit, nec concubinæ no-
men novæ urbi dare potuit: ut taceam inter Caesaris ama-
sias nullum Parthenæ locum esse, ac urbi in Germania Ro-
manæ nomen Græcum male convenire.

§. XXI. Præ Cæsare igitur Krantzio (quod vidi-
mus) placet Drusus Nero, Tiberii Claudii Neronis filius,
frater Tiberii Neronis, pater Germanici: quippe quem
aliqui Magdeburgum in *limitaneam Romanorum urbem*
(zu einer Römischen Mauer und Grenzhaus) extulisse per-
hibent. His propius accedit Krantzius, qui de primordiis
Magdeburgi ita scribit in *Metropoli* lib. I. cap. III. *In*
Magdeburg propè ripam Albis fluminis arx ab olim præci-
pua, quam ego limitaneis Romanorum ducibus extitisse cre-
diderim, cum jubente Augusto Cæsare Trans-Albianos Roma-
ni non attingerent: ne tamen illos viderentur formidasse,
in ripa fluminis ad hostes versa præsidium constituerunt.

§. XXII. Verum quam hæc quoque opinio infir-
ma

monitatur tibi cine, haut difficulter liceret demonstrare, nisi jam tum a laudato Leubero a num. CCCLXXXIV. usque ad CCCCX. summo factum fuisset studio.

§. XXIII. Scio quidem Bilibaldum Pirckheimerum in perbreui Germania ex variis scriptoribus explicatione, quem postea secuti sunt alii, & in his Johannes Angelius Werdenhagen *Syntagmate de Rebus publ. Hanseaticis parte III.* augurari, *Mesuvium* illud, cujus mentionem facit Ptolemaeus Alexandrinus, idem plane esse cum Magdeburgo nostro. Verum trophæa illa Drusi, quibus annumeratur *Mesuvium*, ubinam fuerint posita,

Historici certant, & adhuc sub iudice lis est.

Alii enim sedem illis assignant non ad Albim, sed ad Vifurgim; alii vero aliorum referunt: de quo nunc accuratius dispicere, nostri non est propositi. Videatur interea Petrus Bertius *lib. I. Commentarii rerum Germanicarum cap. XXI.*

§. XXIV. Sed ut ad nomen urbis redeamus, sunt qui putant, non male illud derivari ab Editha Ottonis Magni conjuge, ut pote quæ a marito suo impetrarit, ut nova urbs hoc loco conderetur, cum antea tantum vicus, aut sola arx ibidem habuerit, aut etiam eversa pridem, per Editham fuerit restaurata.

§. XXV. Ad hanc sententiam referre possis illa Krantzii *Metropol. lib. I. cap. III.* *Hunc locum Otto Magnus postea insignivit ad instantiam Editte regina: celebrem ex oppidulo urbem fecit. Ac ista lib. III. cap. X. Cum rex Otto, deprecante uxore Editte, Angliæ regis filia, quæ Albi flumine delectaretur, ut in loco Magdeburg urbem exedificaret, nundinis donaret ad invitandos mercatores: ubi rex annuit, ipsa jussit aratrum duci, valla & muros designari.*

gnari. Concurrentibus ad novam immunitatem plurimis, incredibile est dictu, quam brevi coaluerit. Idem Saxoniæ lib. III. cap. XXIV. scribit: Per quæ tempora Editha regina postulavit, & impetravit ab Ottone rege, ut ad Albim fluvium veterem urbem, sed diu desolatam ab incursione Wandalorum, Magdeburgum instauraret, & ipsi reginæ mansionem ibi permetteret. Designatis autem terminis iussit reginæ vallum circumduci. Rex forum indixit, & profecit urbs nova vehementer, ut fieret non contemnenda civitas. Sequuntur recentiores magno numero, ex quibus nunc succurrunt Henricus Buntingius & Sethus Calvisius in *Operibus Chronologicis*, Dresserus de *Germania Urbibus*, Stephanus Ritterus in *Cosmographia Prosometrica*, Michael Sachs in *Chronico Casareo*, Petrus Bertius lib. III. *Comm. Rer. German.* cuius verba non indigna censeo, quæ adscribantur. Ego ad Editham Othonis I. conjugem, filiam Ecbmundi Anglorum Regis hoc totum referre malim. Hæc enim locum istum, quod esset dotalitiu, quodque ipsa amœnitate & commoditate ejus delectaretur, dilexit. Precibus ergo contendit ab Imperatore marito, ut sibi urbem illic condere liceret; neque id difficulter impetravit. Mulier ergo in agro dotali urbem conditura, unde potuit nomen commodius petere, quam a suo sexu, & quidem sui sexus flore? Vocavit igitur Magdeburgum, plane ac si dicas μαρτυρομαλιν, & signum urbi dedit virginem in arce stantem cum serto virginali.

§. XXVI. Quia tamen alii (uti patebit inferius) id ipsi Ottoni marito Casari adscribunt; facile hæc licuerit conciliare, si, quod illo favente ac consentiente ab Editha factum, ipsimet tribuatur. Edithæ sane studium in eo fuisse magnum, vel ex ipso Ditmaro Mersburgensi apparet, cujus

cujus verba postea afferemus. At enim quia jam Caroli Magni ævo Magdeburgi nomen inclaruit, non utique ab Editha primum id licuerit arcessere.

§. XXVII. Rem autem se non habere aliter, ex Caroli Magni Capitularibus demonstrabimus. Sic enim legas in Capitulari II. anni 1000 v. tit. VII. De negociatoribus quousque procedant. *De negociatoribus, qui partibus Sclavorum & Avarorum pergunt, quousque procedere cum suis negotiis debeant, id est, partibus Saxonia usque ad Bardenwiche, ubi praevideat Hredi, & ad Schesla, ubi praevideat Madalgoz. Ad MAG ADOBURG praevideat Hatto. Ad Erpifurt praevideat Madalgandus.* Eadem repetuntur in Capitulari Carolino ejusdem anni III. tit. IX. in editione novissima Stephani Baluzii. Repetit eadem, sed decurtata paulum, Ansegisus lib. III. Capitularium, cap. VI.

§. XXVIII. Minimum igitur ipse ille locus, ubi situm est Magdeburgum, jam id nominis habuit, ac quadamtenus inclaruit Carolino ævo, incunte sæculo IX. nec id demum sæculo decimo ab Editha Ottonis Magni conjugis impetravit. Quo autem rerum statu tum temporis fuerit Magdeburgum, nemo fortassis liquido ostenderit. Id scimus, locorum ab Imperatore Carolo designatorum curam certis quibusdam Missis, hoc est, legatis, sed plerumque extra ordinem cum certo imperio missis, commissam esse. Et illorum quidem unus fuit Hatto, cui Magdeburgi & provinciae finitimae procuratio, & *provisio* credita.

§. XXIX. Quandoquidem vero tales Missi, si statarum foret, ac diuturnior procuratio, multo magis autem ordinarii Comites, opus haberent certa ac stabili nominatione; ac Hattonis quidem, quem ipse nominat Carolus,

tum temporis fuisse Magdeburgi, vero simile sit; parum abest quin quodammodo munitum crediderim hujus loci burgum, idque ob vicinos Slavos Saxonibus & Francis Saxonum dominis infestos. Quo ipso caderet Conringiana conjectura, *Exercitatione de Urbibus Germanicis §. LXXXIV. proposita, vicum tantummodo nullis licet mœnibus, sed commerciis celebrem, fuisse Magdeburgum.* Enimvero licet ætate Caroli Magni Saxonia vel nullas, vel rarissimas habuerit urbes; *burgos* tamen, hoc est, castella, præcipue in montibus & collibus munita ibidem non defuisse, certo certius est.

§. XXX. Non igitur mirum, aliquos in eam venisse opinionem, ac si Burggraviorum Magdeburgensium origo ad ipsa tempora Carolina possit ac debeat referri. Sane ante Ottonis M. ævum Burggravium ibidem agnoscit Krantzius, in cujus jura successerit Editha regina. *Quæ de eo affert Saxonix lib. III. cap. XXIV. subjicio: Erat in eo loci ab olim arx non contemnenda, cui præerat Burggravius: sed eo tum mortuo pervenit illud præsidium ad reginam, brevique coaluit, ut haberet in donationem ab rege propter nuptias.* Et lib. IV. cap. VII. *Erat etiam Burggravius de Magdeburgo, qui regi permisit, ut eam arcem prima conjugii donaret titulo propter nuptias.* Item Metrop. lib. III. cap. X. *Antiquissima memoria in Magdeburgo erat munitissimum arcis receptaculum, circumpositis casalibus piscatorum in morem vici, aut oppidi non clausi. Arci præerat nobilitas Burggraviorum.* Dubitat tamen ibidem Krantzius, an hi Burggravii Saxonica, an Vandallica (rectius dixisset *Wendica*) fuerint originis. Sic enim pergit: *Qui (Burggravii) origine Saxones an Wandali fuerint, incompertum est.* Magis tamen inclinat in Saxones

nes. Saxones fuisse, ait, libet credere, qui circumpositis *Wandalis* imperarent. Ceterum de Burggraviis Magdeburgensibus alibi forte paulo accuratius agendi erit locus.

§. XXXI. Jam ubi Missi vel etiam Comites Francorum ordinarii egerunt, dubium non est, quin ibidem suahabuerint oratoria, quæ mox in ædes modicas, postea crescente pietate ac liberalitate Regum, Ducum, Comitum, subjectorum, in magnifica templa surrexerint. Atque hinc forte est, quod aliqui scripserint, a Carolo Magno Magdeburgi fundatam ædem S. Stephano sacram, quæ anno 1000. a Wendis, Hunis & Bohemis excisa: ac cum restaurata esset paululum, sæculi sequentis anno XXIII. ab Hunis denuo fuerit vastata. Reperias hac de re nonnulla apud Dreslerum, item Auctorem *Topographiæ inferioris Saxonie*, qui sua procul dubio debent antiquioribus.

§. XXXII. Verum quia ante annum quintum supra octingentesimum nulla Magdeburgi certa exstat memoria, sive de ædícula, sive de templo sæculo VII. ibidem condito, certi nihil affirmaveris. Ac multo minorem verisimilitudinis habet speciem, jam a Carolo Magno Magdeburgi Episcopatus cujusdam jacta fuisse fundamenta.

§. XXXIII. Reperias quidem aliquos, qui non in ipso oppido Magdeburgensi, sed Schidrà in Westphalia (hodie *Schier*, in Comitatu Lippiensi inter Steinhemium & Ludam) a Carolo Magno conditum tradunt Episcopatum, qui a Brunone & Tanquardo fratribus Saxonie Ducibus Vallerylebiis, deinde ab Henrico Aucepe Frosam (oppidulum Magdeburgensis diocesis) demum ab Ottone Magno Magdeburgum sit translatus. Hujus sententiæ quis primus sit auctor ambigo: eam tamen reperias in-

Chronico Mindenſi ab Henrico Meibomio edito verbis ſequentibus conceptam. *Septimam Sciderenſem* (Carolus M. fundavit Eccleſiam) *quæ eſt villa ſub caſtro Schwalenberg/ in dominio Domini de Lippia. Quæ tamen poſt translata eſt in Vallerſleve/ poſt in Broſe/ tandem in Magdeburg per Ottonem Magnum, anno Domini DCCCCLXVII. transfertur, & Parthenopolis S. Mauritiĩ nuncupatur.* Idem aſſerunt Wernerus Rolevinck *de Weſtphalorum ſitu, moribus, virtutibus & laudibus parte II. cap. VIII.* Krantzius *Metropol. lib. III. cap. XXVIII. & Saxonie lib. IV. cap. VII.* & plures alii a Celliſſimo Auctore Monumentorum Paderbornenſium laudati pag. CCII. Verum quia apud antiquiores hac de re nihil certi definitur, de hac toties repetita translatione merito dubitamus.

§. XXXIV. Quoniam autem ex iis, quæ jam paulo ante in medium ſunt allata, ſatis patet, jam ſub auſpicia ſæculi a nato Servatore noni non modo nomen habuiſſe, ſed quodammodo floruiſſe Magdeburgum, revertimur ad quæſtionem priſtinam de nominis huius origine.

§. XXXV. Et primo quidem hic certi nihil licuerit definire in tanta antiquitatum Saxonicarum caligine. Si quid tamen dandum conjecturis, a vero non adeo aberraverimus, ſi Krantzii ſententiam a fabulis, quibus involuta ac incruſtata, vindicantes, idolum quoddam fœmineum, ſub Veneris imagine ibidem cultum Magdeburgo nomen dediſſe aſſeruerimus. Enimvero Saxones, & geminæ cum iisdem originis, Angli Deam quandam *Aſtar*, ſeu *Oſtar* ſumma veneratione coluerunt, ſub Veneris, ut exiſtimo, nomine. Manent certe ejus rei in præſentem diem veſtigia, ſed pluribus ignota, cur Aprilis menſis Carolo Magno Germanisque omnibus *Oſtermonat* ſit dictus: & quid cauſæ

causa sit, ut festum Paschatos Osteri dicamus. Nam quod multi patiarum antiquitatum periti eandem vocem a resurrectione Domini, hoc est, Urstand / derivare nituntur, nimis longe videtur petum. Rem omnem Venerabilis Bedæ absolvam verbis, qui libro *de Temporum ratione* cap. XIII. *Aprilis Eosturmonath*, inquit, *qui nunc Paschalis mensis interpretatur, quondam a Dea illorum, quæ Eostre vocabatur, & cui in illa festa celebrant, nomen habuit, a cujus nomine nunc Paschale tempus cognominatur, consveto antiquæ observationis vocabulo gaudia nova solennitatis vocantes.*

§. XXXVI. Si quis tamen in Eliæ Schedii sententiam, Magdeburgum ab Amazonibus, bellicosis Germanorum foeminis ita dictam, concesserit; equidem non multum repugnaverim. Videatur ejus Syngramma *de Dis Germanis quartum cap. VI.*

§. XXXVII. At de ipsius urbis originibus si quisquam est sollicitus, is sibi persvadeat velim, jam Carolino illo ævo sive a Saxonibus conditum, & a Carolo Magno aut ejus Ducum aliquo occupatum, vel recenter a Francis constructum, fuisse castrum; quod procedente tempore, auctis circa illud domibus & vicis in justam creverit civitatem. Hoc tamen quia quam maxime factum temporibus Ottonis Magni, eidem cum instauratio vel amplificatio debeatur, mirum non est ipsam quoque urbis structuram tribui.

§. XXXVIII. Neque heri aut nudius tertius opinio de condita ab Ottone M. Magdeburgo urbe nata est; sed jam ipso illo, quo Otto Magnus vixit, tempore, id testatus est Johannes XIII. Papa in aliquot bullis inferius adducendis: deinde sæculo XI. auctorem habet Ditmarum Mersburgensem Episcopum, cujus verba ex lib. II. Chronicorum

rum

rum quæ adscribantur, sunt dignissima. *Cujus* (Edithæ contectalis) *instinctu* Magdeburgensem edificare capit civitatem, ad quam reliquias Christi Martyris Innocentii cum magno adduxit honore. Nam hanc urbem ob æterna remunerationis gratiam, patrieque communis salutem & acquisivit atque construxit. Nec alia sub finem ejusdem sæculi mens est Adamo Bremensi Canonico, lib. II. *Historia Ecclesiastica* cap. VII. scribenti: *Ipsò tempore Magnus Otto, subjugatis Christianaque fidei copulatis Slavorum gentibus, inclitam urbem Magdeburg super ripas Albis fluminis condidit.* Adamum hunc sequuntur & exscribunt Helmoldus *Chronici Slavorum lib. I. cap. XI.* & Albertus Abbas Stadenfis in *Chronico ad annum 1000CLXXI.*

§. XXXIX. Quid? quod Sigebertus Gemblacensis, qui itidem sæculo XI. ac parte duodecimi floruit, ipsum annum conditi Magdeburgi numeret nongentesimum nonum & trigesimum (939): ad quem inter alia hæc annotavit in *Chronographia* sua: *Rex Otto construit urbem Magdeburg, quæ & Parthenopolis, id est, virginum civitas dicitur.* Pro hoc tamen anno aliis placet rotundus sequentis anni quadragesimi (940) numerus: ex quibus nunc habemus laudare Paulum Constantinum Phrygionem in *Chronico Regum rerumque*, Basileæ edito anno CIOIOXXXIV. & Abrahamum Bucholcerum in *Isagoge Chronologica.*

§. XL. Forte igitur circa hunc annum præcipue inclauit novus, aut potius renovatus Magdeburgi splendor, ut ob id ipsa urbis structura in tempus illud referatur.

§. XLI. De renovato Magdeburgensis civitatis splendore dixi. Nimirum eo ipso fateor, me illorum accedere opinioni, qui Magdeburgum nequaquam ab Ottone conditam, sed tantum instauratam volunt. Et sic diserte

Kran-

Krantzius *Wandalia* lib. II. cap. XXX. *Subactis autem & Christianæ fidei adactis Wandalorum gentibus, Magnus Otto inclitæ urbem Magdeburgum super ripam Albis fluminis instauravit.* Quo forte referas, quod Otto Frisingensis scribit, Ottonem Magnum metropolin Magdeburgensem pluribus ornamentis decorasse.

§. XLII. Quandoquidem autem ab aliquibus ad Editham conjugem Ottonis id referri, supra ostenderimus, sciendum est, recte Krantzius ac juniores alios scribere, Magdeburgum hujus Edithæ fuisse dotalitium. Hoc enim designant verba sequentia in pluribus Ottonis Magni privilegiis: *Ob remedium animæ --- conjugis nostræ, cujus & prædictus locus dos fuit.*

§. XLIII. Paulo ante diximus, circa annum nongentesimum quadragesimum Magdeburgum videri ab Ottone restauratum. At pugnant cum hac sententia versiculi in *Chronico Mindensi*, quod una cum Hermannii Lerbecii *Chronico Comitum Schauenburgensium* edidit Henricus Meibomius: utpote qui Magdeburgensi structuræ annum assignant Ottoniani regni secundum, qui in annum hujus sæculi septimum & trigessimum (937) incidit. Sic autem habent illi:

*Dum nongentenus ter denus ducitur annus
Exstitit a Christo tunc Rex Magnus pius Otto
Magdeburg anno fuit hujus structa secundo.*

§. XLIV. Hoc quidem negari nequit, Ottoni Magdeburgum suum jam a primis regni initiis curæ cordique fuisse: siquidem ibidem Ecclesiam novam in honorem S. Petri Apostoli, & sanctorum Martyrum Mauricii & Innocentii sociorumque Ecclesiam construxit, eandemque miris modis auxit, ac ornavit. Testantur hoc varia Otto-

C nis

nīs diplomata: quorum quæ sunt ab Henrico Meibomio in calce *Annalium Witichindi* Corbejenſis, & a Benjamine Leubero in *Diſquiſitione planaria de Stapula Magdeburgenſi* edita, ſummam, alia vero quæ nondum in publicam lucem prodierunt, integra cum benevolo lectore communicabimus.

937.

§. XLV. Sic igitur Otto Rex diplomate anno MCCCXXXVII. menſe Septembri conſcripto, teſtatur, *qualiter ob amorem Dei omniumque ſanctorum in loco Magdeburg nominato Eccleſiam conſtruere ſtuduerit, ſanctorum, martyrum Mauriti, Innocenti ſociorumque eorum patrociniis intereſſe, illorumque obſequia, quantum ſuppetit humanitas, inibi ut agantur cupiens; ad eosdem vero ſanctos & ad uſum nutrimentumque congregationis illic eis ſervientis, ob memoriam Patris ſui, & pro remedio animæ ipſius, venerandæque matris ſuæ ſuique & conjugis ſuæ, cujus & prædictus locus dos fuerit, & proliſ ſuæ, omniumque debitorum ſuorum, nec non & Rudolſi Regis, qui ipſi Sanctum tradiderit Innocentium, conſiliantibus ipſi Episcopis, qui tunc in præſenti fuerint, Friderico videlicet (Moguntino) & Adaldago (Hamburgeni) Archiepiſcopis, itemq; Balدارico, Thietbar-do, Ebergiſo, Amalrico, Burchardo, Bernardo & Amelungo (hi forte Comites fuere) ſequentia ſua proprietatis bona in proprium dederit. In pago Northuringia in Comitatu Thietmari in Magdeburg curtem ſuam cum adificio, & territorio illuc pertinens, cum omnibus locis ex Occidentali parte Albæ fluminis, ad eandem Civitatem pertinentibus vel ſervientibus, cujuſcunque ſint beneficia, hoc eſt: Fridermaresleba, Pretalize, Buchavi, Froſe, Rothardesdorp, Lie-windesdorp, Tiettherisdorp, Otteresleba, Oſſerwettinga, Sul-dorp, Imenwettinga, Iſtatesdorp, Dudulon, Watenesweg,*
Man-

Mantesleba, Wytherichsdorp, Vnundiscumburg, Bizzunci,
Lieboldesdorp, Trumfitze. Quatuor hobas in Valcdorp,
Et quicquid ad presatum locum pertinens habuerit ex aqui-
lonari parte Horaba fluminis in locis ita nominatis, Mosano,
(Mose) Pelnusi, (Pelnitz) Dudisi, Zuobaro, (Wizoboro)
Welbuchi, Zelici, Et in Comitatu Geronis in Bigeratres fami-
lias litonum, Et in Comitatu Christiani in Grimberesleba
XV. familias Slavorum, Et omnem censum ac venationis ac-
quisitionisque decimam in Mortfani Et Ligzice Et Helveldu
presata congregationi concedit, Et liceat ut in eis ligna Et
herba in usus sint, Et porci saginentur: praterea omnes pra-
fatorum locorum familias cum cunctis ad hac jure pertinen-
tibus, mancipiis, edificis, agris, pratis, pascuis, silvis, aquis
aquarumve discursibus, molendinis, piscationibus, exitibus
Et redditibus, questis Et inquirendis, jure perbenni in pro-
prium dat: Et condonat eidem congregationi, ut familie
eorum coram nullo nisi Advocato eorum justitiam
secularem cogantur exercere, Et nulli nisi eidem
congregationi servire, Et illa, nisi Deo Et sanctis
ejus, nisi tantum singulis annis unum cavallum, scu-
tumque Et lanceam, vel duas crufinas (pallii seu vestis ge-
nus; forte eine Krause) dent, ut sciant in mundiburdio (tu-
tela) Regis se esse. Electionem quoque eis concessit Abba-
tem inter se eligendi, Et Advocatum, quemcunque velint,
Abbatem tamen dignum. Et ut hac suae traditionis aucto-
ritas plena vigeat firmitate, jussit hoc praeceptum conscribi,
per quod sanxerit, ut nullus successorum vel heredum suo-
rum temere illud presumat infringere. Et si ullus homo
in iisdem rebus aliquid injurie facere presumerit, summi
Judicis vindicta subiaceat, iramque praedictorum Marty-
rum incurrat. Et ut hoc a fidelibus suis verius credatur,

mann sua subtus illud firmavit, & annulo suo signari præcepit. Data XI. Kalend. Octobr. anno (uti dixi) Dominica incarnationis DCCCCXXXVII. Indiæ. XI. anno vero Ottonis piissimi Regis II. Actum in Magdeburg civitate in Dei nomine feliciter Amen. Poppo Cancellarius ad vicem FridERICI recognovit.

§. XLVI. Atque hoc primum est illorum diplomatum, quod Ecclesiæ in Magdeburg in honorem sanctorum Martyrum Mauricii & Innocentii structæ meminit. Primus cum Witichindi Annalibus id edidit Henricus Meibomius, (påg 117.118.) ac habetur quoq; in ejusdem Meibomii *Chronico Bergensi* ab Henrico Meibomio Henrici nepote τῷ πρῶτο edito. Meibomianum exemplar secutus est Leuberrus: (num. 1182.) sed apud utrumque mensis excidit, quem ex ms. perinde ac nonnulla alia restituimus. Et semel hic necessum habeo monere, quod locorum nomina in excussis & mss. non raro variant: quas varietates nonnunquam, annotavero.

§. XLVII. Summam autem hujus diplomatis, ipsis illis, quibus conscriptum verbis, paulo fusius visum est repetere; quod non modo amplissimam exhibeat Ecclesiæ Magdeburgensi factam donationem, sed & de aliis illorum temporum, ac laudatæ Ecclesiæ antiquitatibus nos certiores faciat. Inter has omnino meretur observari, quod Otto Rex tam electionem ipsius Abbatis, quam Advocati (id quod forte suæ antea servarat potestati) per hoc privilegium collegio monastico resignaverit. Habetur quidem hoc ipsum diploma pro institutione sive fundatione Cœnobii Bergensis. Verum quia non alius ecclesiæ, quam de qua in aliis egit scripturis, mentionem facit, & discrete inter sanctos locum occupat Mauritius, merito hac de re dubito; certe amplius inquirendum existimo.

XLVIII.

§. XLVIII. Paucis diebus post, nempe V. Kalend. Octobris, Otto Rex Magdeburgensi Ecclesie telonium, omne, quod in Magdeburg constitutum est, vel constituetur, in proprium dat, & concedit eidem congregationi, quod familia eorum coram nullo, nisi Advocato eorum, iustitiam secularem cogatur agere. Integrum diploma iterum habent Meibomius (pag. 117.) & Leuberus. (num. 1181.)

§. XLIX. Mense Octobri ejusdem anni complures familias tam libertinorum (sic enim liceat interpretari *litos*, quorum præ servis potior erat conditio) quam colonorum, ut & servorum seu Slavorum in variis pagis & villis eidem Magdeburgensi Ecclesie donavit ac dicavit. Integrum diploma Dorenburgi datum ita habet.

In Nomine Sanctæ & Individuæ Trinitatis. Otto divina favente clementia Rex. Noverint omnes fideles nostri, presentes & futuri, qualiter nos ad Ecclesiam, quam in Magdeburg construximus, & ad nutrimentum plebis inibi Deo servientis res, quæ subnotantur, in proprium damus, h. e. in pago Norturinga in comitatu Crisani in Germersleve XII. familias colonorum & in Wolmersleve LXIII. familias inter servos & litos, & occidentalem simul cum ista orientali Wilmesleve. Damus in eod. pago in Comitatu Dithmari XII. familias Sclavorum, in villa Buchow & in Magdeburg una curtis & territorium, & tres familias colonorum & curtem nostram cum adificio in ea stante, & in Knobartesdorp familias litorum II. & in Ottersleve familias III. & in Suldorp IIII. familias colonorum, & in Magdeb. IV. familias servorum, & quicquid in australi Tudulon habuimus, & totam marcā in altera Tudulon & in pago Vnivoti in comitatu Wigmarī in duo loca Vrlaba & Ottingha, cum omnibus ad hæc pertinentibus, & decimam de eisdem locis ab

rus, (num. 1590.) & in eodem repetitur concessio de electione digni Abbatis, ut & Advocati.

§. LI. Anno 10000CXLI. Magdeburgensi Ecclesiæ 941.
non modo jam pridem dicatos vectigalium reditus confirmavit, sed & quæ ex censu monetæ ad Regis commoda spectabant, eidem addixit. Verba diplomatis huc pertinentia apud Meibomium (pag. 119.) & Leuberum (num. 1184.) ita sunt concepta. *Pro Dei amore ac pro salute animæ Domini genitoris nostri Heinrichi Regis caterorumque nobis junctorum affinitate consanguinitatis, regnique nostri statu, & conjugis prolisque nostræ incolumitate fratribus in loco Magdeburg nominato, ad servitium Dei sanctorumque Martyrum Mauricii atque Innocentii a nobis congregatis, totum quod a Vectigali & telonio, vel moneta ejusdem loci venire potuit, ex hoc in antea ad usus illorum hoc Imperiali regie autoritatis præscripto, jure perenni proprium concessimus.* Per scriptum hoc est diploma Magdeburgi V. Kalend. April.

§. LII. Porro eodem anno, præcipue in usum pauperiorum hospitum in monasterio liberalius tractandorum donavit eidem Ecclesiæ propria sua bona in villis Vplingen, Roesheim & Nottorp. Diploma hac de re confectum, subjicimus. 942.

In Nomine Sanctæ & Individuæ Trinitatis. Otto divina favente clementia Rex. Si quibuslibet donis loca Dedicata dixerimus, non solum ad temporalem vitam feliciter transigendam, verum & ad æterni tripudii palmam promerendam nobis profuturum veraciter credamus. Quocirca noverit omnium fidelium nostrorum tam presentium, quam & futurorum industria, qualiter nos pro Dei amore animæque nostræ remedio, nostri etiam sospitate regnique stabilitate, ad monasterium, quod Deo sanctisque martyribus Mauritio atque

atque Innocentio construximus, quicquid infra marcam hic nominatarum villarum Vplingi, Roresheim & Netthor proprietas habuimus in pago Hardaga in comitatu Ditmari in hospitales recipiendorum usus pauperum jure perhenni in proprium donavimus, cum omnibus adjacentiis & appenditiis suis illuc legaliter aspicientibus, quantum nostri inde fuit, mancipiis, agris, pratis, pascuis, silvis, aquis, aquarumve decursibus, molendinis, piscationibus, viis & invias, mobilibus, & immobilibus, omnia ad cœnobium Deo pro veneratione prelibatorum Martyrum Mauricii videlicet & Innocentii, in loco qui dicitur Magdeburg a nobis fundatum, in predictos usus hospitalitatis pauperum contulimus. Jussimus quoque hoc preceptum inde conscribi, per quod regia potestate sancimus, ut nullus successorum nostrorum ullam habeat potestatem nostrum donum infringendi. Et ut inviolabilis hac traditio per succedentium temporum curricula observetur, manu nostra subtus illud firmavimus, & annuli nostri impressione corroborari precepimus. Dat. VIII. Idus Augusti Anno Incarnationis Dominice DCCCCXLI. Indictione XIV. Anno Domini Ottonis Serenissimi Regis VI. Actum in Magdeburg in Dei nomine, amen. Signum Domini Ottonis invictissimi Regis, Brun Cancellarius ad vicem Frederici Archiepiscopi recognovi.

§. LIII. In iisdem villis Eberhardus quidam Ottonis vassallus certa habebat bona. His quoque ut Magdeburgensis ornaretur Ecclesia, Rex per cambium effecit, actum donationem suam sequenti scriptura confirmavit anno

944. DCCCCXLIV.

In Nomine Sanctæ & Individuæ Trinitatis. Otto Dei gratia Rex. Noverit omnium fidelium nostrorum tam presentium, quam & futurorum industria, quod nos pro salute anime

anima nostra, fratribus monasterii in honorem Sancti Petri
Apostolorum Principis, beati quoque Innocentii Martyris in
civitate Magdeburg nuncupata a nobis constructa pradium
omne quod ab Eberhardo quondam nostro Vasallo concambii
jure obtinuimus, videlicet quicquid idem ipse in subnotatis
hactenus villis habebat proprietatis, Netbitorp (Nebedorff)
Roreshem, Vppelinga, hoc regali praecepto donamus in pro-
prium cum omnibus suis illuc jure pertinentibus adificiis,
mancipiis, agris, pratis, pascuis, silvis, aquis, aquarumque
decursibus, molendinis, piscationibus, exitibus & redditibus,
quasitis & inquirendis, manu nostra signata annuli nostri
impressione roborato. Acta II. Idus Febr. Anno Incarna-
tionis Domini DCCCCXLIV. Indictione II. Anno Domini Ot-
tonis VIII. in loco qui dicitur Botfelda. Signum Domini
Otonis Serenissimi Regis. Brun Cancellarius ad vicem
Friderici Archicappellani recognovi.

Inter diplomata a Cl. Oleario mecum commu- 946.
nicata aliud itidem habetur de iisdem villis, anno
1000CCXLII. datum: sed quia cum hoc ipso in plerisque
convenit, nisi quod matris Eberhardi Helmburg in eo fiat
mentio, a descriptione ejus abstinui.

§. LIV. Anno 1000CCXLVI. quicquid proprii in vil-
lis Hundesburg, Brunnen, Bischoffstorp, Macksted, Trut-
lingen, & Adestanstede Rex Otto habuit, monasterio Ma-
gdeburgensi resignavit per sequens diploma.

In Nomine Sanctae & Individuae Trinitatis. Otto di-
vina favente Clementia Rex. Qua locis Dei dedicatis no-
mini religionis gratia contulerimus, nobis nostrisque pro
quibus hoc agitur debitoribus aeterna recompensari palma
incunctanter confidimus. Proinde in clemosina Domini ac
genitoris nostri Heinrichi Regis & nostra, nec non pro anima

D dile

dilectissima conjugis nostra Edgdis, usui fratrum Magdeburgensium, quod in honorem Beati Petri principis Apostolorum, sanctorum Martyrum Mauricii atque Innocentii construximus, quidque hactenus nostra proprietatis in subus nominatis habuimus locis, Vnesburg, Brunnen, Biscopstorp, Mackstede, Trullinge, Adestansede, in pago Northuringi nuncupato, in comitatu Geronis, sancientes anniversarium ejus venientibus inde redditibus jugiter elemosinis agi perpetualiter in proprium donavimus cum mancipiis omnibusque appendiciis suis, hoc precepto manu nostra signato & annuli nostri impressione roborato. Dat. IV. Kal. Februarii, Anno Incarnationis Dominice DCCCCXLVI. Indictione IV. Anno X. regni Ottonis Serenissimi Regis. Actum in Godeburg, (forte Madeburg) palatio regio in Dei nomine feliciter amen. Signum Domini Ottonis invictissimi Regis. Bruno Cancellarius ad vicem Friderici Archicapellani recognovit.

§. LV. Eodem anno Otto Rex a Bernhardo Halberstadeni Episcopo bona quadam impetrat aliis bonis redempta, quæ mox adscribit Magdeburgensi suo monasterio. De eo docemur ex privilegio Leuberiano: (num. 1593.) ex quo scilicet patet, quod Otto Ecclesiæ Magdeburgensi donaverit infra scripta bona, quæ a Bernhardo Episcopo Halberstadeni cum consensu cleri, & advocati ejus traditione, consentiente etiam Friderico Archiepiscopo (Moguntino) pro decem mansis in Widenebuseno marco (Winedelhusono marchio) & VII. in Westerivaltinga, quos restituerit Ecclesiæ Halberstadeni, acceperit. Videlicet in pago Northuringia in Comitatu Geronis quicquid in Magdaburgara-marco pertinet habuit ecclesia ad S. Stephanum in Halverstad in territoriis, & mancipiis, omni re, & decimam de hominibus

nibus ejusdem Magdeburgensis ecclesie in locis sic nominatis
Magdeburg, Frofa, Mantesleba (forte Wantesleba) Harta-
radesdorp, Dudulon : item (aliud) Dudulon, Istatesdorp,
Imewattinga, Osterwattinga, Suldorp, Ottoreseleba, Apen-
dorp, item (aliud) Apendorp, Ruodhardesdorp, Buchwi,
Predalize, Fridumaresleba, Trumfice, Witirichesdorp, Lio-
boltesdorp, insuper & popularem Ecclesiam in Magdeburg.
Sequitur subscriptio: Brun Cancellarius ad vicem Fridu-
rici Archicappellani recognovi. Data IV. Kl. Aug. Anno in-
carnat. Domini DCCCCXLVI. Indict. III. Anno Domini
Ottonis X. Actum in Magdeburg. Sed apud Meibomium
pag. 119. & in codice ms. Olearii longe aliter habet illa sub-
scriptio; nempe hoc modo; Dat. IX. Kal. Maji. Anno
Dominica Incarnationis DCCCCXLI. Indict. XIV. Anno
Ottonis Regis V. Actum in Magdeburg amen. Signum Do-
mini Ottonis Invictissimi Regis. Poppo ad vicem Friderici
recognovi. Quia igitur duo diversa diplomata de eadem
donatione sunt concepta, forte jam anno primo & quadra-
gesimo ea de re actum, sed demum quinquennio post
confectum fuit negotium. Singulariter quoque est no-
tandum, hic ab Ottone Rege laudari *popularem Ecclesiam*
in Magdeburg: quæ quo loco fuerit sita, ac quibus dicata
Sanctis, mallet ab aliquo antiquitatum Magdeburgica-
rum gnaro doceri.

§. LVI. Succedit annus DCCCCXLVII. quo Edi-
tha conjux Ottonis supremum diem obiit, ac Magdeburgi
sepulta est. De eo Auctor continuati Chronici Reginonis:
Domina Edgid regina obiit, quæ maximo Regis omniumque
suorum planctu Magdeburg sepelitur. Et Ditmarus Episco-
pus Mersburgensis lib. II. Fuit hæc (Edith beata memoria)
cum viro suo X. & IX. annos, & ordinationis suæ obiit XI.

D 2

anno,

anno, VII. Kal. Febr. unicum relinquens filium nomine Luidulfum, cunctis virtutibus fulgentem: sepultaque est in civitate prefata (Magdeburgensi) in majori Ecclesia in oratorio aquilonari.

948.

§. VII. Sequenti anno Otto Rex bona quædam hætenus ad monasterium Herolvesfeldense (*Hirschfeldense* postea nominari coepit) pertinentia, ab Haganone Abbate per cambium accepta Magdeburgensi monasterio attribuit. Scilicet (ut habent ipsa diplomatis verba in Leuberianis num. 1594.) *Omne pradium hætenus ad monasterium beati Wicberti confessoris Christi in loco Herolvesfeld dicto pertinens, in villa Furmaresleva, ecclesiamque inibi constructam in pago Hosgowe: aliam quoque in villa Widerstet inuncupata cum omnibus ad eas pertinentibus decimis, que sunt in septentrionali parte rivuli, qui dicitur Vulderbach, concambii jure ab Haganone venerabili ejusdem monasterii Abbate pro pradio ei collato: In orientali Francia in villis Buochweride, Riezestat, Karoldesbach, Swarzaba, Stillaha, nominatis: Et in occidentali Francia Erlibach, Bommaresheim, Suliburg, Furbach, Hurnassa: In Thuringia Huechtricheshus (procul dubio est Ichtershusum) Anglendorph, Amalungesdorph, Stuchesfurst, ad Sanctum Petrum principem Apostolorum & ad Sanctum Innocentium atque Mauritium, ad stipendia fratrum in loco Magideburg Deo illisque sanctis fervientium concessit. Facta est hæc scriptura Magdeburgi III. Kl. Aprilis. In Leuberianis quidem & ms. nostro hoc diploma ad annum præcedentem, refertur: sed perperam id fieri, ex adscripta Indictione VI. & anno regni Ottoniani XIII. apparet.*

§. LVIII. Ex eo quod Otto in Italica expeditione externis potissimum rebus distentus esset, in augenda Magde-

❧ (29) ❧

Magdeburgensi Ecclesia aliquamdiu nobis videtur quievisse. Certe ad annum 1000 nullum ab eo in gratiam 952
Magdeburgensium perscriptum reperio privilegium. Ce-
terum quod hoc ipso anno prodit, quo varias villas Slavi-
cas & Thuringicas monasterio Magdeburgico assignat,
quia Meibomius & Leuberus valde multum ediderunt,
nos ex ms. cod. dabimus integrum.

*In Nomine Sanctæ & Individuæ Trinitatis. Otto d-
vina favente gratia Rex. Noverint omnes fideles nostri,
presentes sicut & futuri, quod nos pro remedio animæ
nostræ, nec non dilectæ conjugis Adelbeide, prædium,
quod Bilingus quidam noster miles nobis tradidit pro-
prietate nostra, quam illi donavimus in patria Scla-
vorum, & in Thuringia, ad monasterium nominatum
Magdeburg, quod construximus in honorem Domini no-
stri Iesu Christi, & Sancti Petri principis Apostolorum,
nec non & sanctorum Martyrum Mauritii atque In-
nocentii, ad usum monachorum inibi Deo famulantium in
locis subnominatis, id est, Hildeshusen cum tota marca &
Helisungen, Herisle (Ms. & L. Herisci) Dasingaroth, Gelethe,
(Gelrichi) Winlibenhusen (Willenhufum) Agestorp, Gut-
zingi, cum omnibus ad eandem proprietatem pertinentibus,
pratis, pascuis, agris, sylvis, aquis, piscationibus, molendi-
nis, vis & inuis, exitibus & redditibus, cultis & incultis,
mancipiis, adificiis, curtilibus, jure pœrenni donavimus.
Quæ omnia hoc scripto ad præfatum monasterium firmavi-
mus, & manu propria corroboravimus, ac annulo signari jus-
simus. Acta anno Incarnationis Dominica DCCCCLIII.
Anno Domini Ottonis Serenissimi Regis XVIII. Actum Kbi-
dilingaburg. (Quedlinburg) Signum Domini Ottonis
Serenissimi Regis. Brun Cancellarius ad vicem Friderici
Archicæpellani recognovi. D 3 S. LIX.*

Aventinus *Annal. Bojorum lib. V.* Andreas Bruinnerus *Historia Bavarica lib. VIII.*

§. LXI. Neque vero fas erat in antiqua Magdeburgensi historia prætermittere hoc ipsum prælium: siquidem multorum mentibus inhæret opinio, ac si demum post hanc pugnam Magdeburgensis Abbatia ab Ottone fuerit fundata. Et sane præluxit huic sententiæ illustris, ac istis temporibus vicinus scriptor Ditmarus Mersburgensis Præsul, qui historiæ illius prælii illico ista subjicit: *Interim Rex Saxoniam revisens latus patriam, a cunctis Principibus a longe sibi obviantibus summis excipitur studiis, diuque expectatus a venerabili suimet genetrice profusus præ gaudio latrymis, amplectitur. Quibus suum illico aperiens promissum, qualiter hoc ad unguem perduceret, eorundem ad hoc consilium enixe petiit & suffragium. His tandem id colaudantibus, piaque petitioni aspirantibus, statuit Rex Abbatiam in Magdeburgensi civitate, incipiens Ecclesiam mirum in modum in loco, ubi sancta requiescit Edith, & iuxta quam post obitum suimet pausare desideraverat ipse. Ditmarum sequuntur recentiorum nonnulli, adduntque Ottonem cum Vngaris congressurum Deo & S. Mauritio vovisse, si victor evaderet, Ecclesiam se conditurum Magdeburgi, sanctoque Mauritio consecraturum, utpote quem milites, absente Imperatore, in Italia offendissent, violata quadam æde S. Mauriti. Videatur Dresserius *Isagoges Historica parte IV.* Atque idem *parte V. de præcipuis Germania Urbibus* sic scribit: *Anno 950. (reponne annum 955.) ante conflictum cum Vngaris ad Lechum sponsione sese Deo obligavit Otbo, se parta victoria templum splendidissimum Magdeburgi conditurum esse S. Mauritio. Cujus quidem**

dem voti compos factus animus statim ad erigendum templum cathedrale in urbe Magdeburga appulit.

§. LXII. At enim si demum post acerrimum cum Vngaris conflictum hanc Abbatiam Magdeburgicam fundavit Otto, quid facies tot diplomatis antea in medium allatis, in quibus jam fundata ac constructa Abbatia sit mentio? ut taceam diu ante inter alios Sanctos Mauritio dicatam hanc fuisse Ecclesiam, quam vel de hoc praelio Otto cogitaverit, ne dum illud confecerit.

§. LXIII. Discrepantes igitur scriptorum sententia conciliari non incommode posse videntur Meibomio in *Monasterii Bergensis Chronicis*, si credamus, Ottonem Augustum mature de condendo monasterio consilium cepisse, aliquid etiam conatum, sed bellis civilibus, aliisque impedimentis intervenientibus ante victoriam contra Vngaros pium negotium conficere non potuisse. Quam viri celeberrimi conjecturam uti non plane improbo; ita una cum æde sacra monasterio & Abbatia locum jam fuisse, sed post hanc pugnam novis accessionibus aucta, imo novæ prisca longa præstantioris atque splendidioris ædis fundamenta fuisse collocata censeo.

§. LXIV. Quid? quod non Abbatia modo pridem fuerit Magdeburgi, sed & Abbas ipse nominetur Anno, honesta apud Catos familia natus, vir spectata doctrinæ atque integritatis. Hunc enim ex antiquissimo S. Maximini ad perverusam Trevirorum urbem familiæ Benedictinæ cœnobio cum illustribus quibusdam sodalibus in Saxoniam vocatum comiter Otto Cæsar excepit, benigne tractavit, multisque affecit beneficiis, traditis ei regie stirpis procerum filiis, moribus & pietate instruendis. Sequimur iterum hac in re Meibonii *Bergense Chronicon*, ubi etiam Tritthemium

secta-

festatus adventum Abbatis collocat in annum 100000XL.
eundemque ex ms. Chronico Magdeburgensi quatuorde-
cim annis gregi præsuisse commonstrat. Interca quia
jam anno hujus sæculi septimo & trigesimo collegium mo-
nasticum ab Ottone Rege potestatem novum Abbatem
eligendi acceperat (id quod superius fuit ostensum)
aut ante Annonem alius fuisset Abbas , aut ejus voca-
tio ac adventus diuturna conperendinatione fuissent ex-
tracta.

§. LXV. Post illam autem pugnam Vngaricam non
modo de novo ac magnifico Magdeburgensis Ecclesiæ ac
monasterii ædificio sollicitus fuit Otto Magnus: verum
id etiam perquam studiose egit, ut Magdeburgensem Eccle-
siam in cathedralem sive Episcopalem efferret. Ac pro-
cul dubio suo satisfecisset desiderio, nisi, qui tum Halber-
stadensem agebat Episcopum, BERNHARDVS, Sigismun-
di successor, in cujus diocesi erat Magdeburgum, magna
cum animi contentione Ottoni fuisset adversatus. Denuo
hanc noticiam Ditmaro debemus Præsuli, qui verbis paulo
ante adductis hæc subjungit: *Ibi etiam Episcopatum facere
conatus apud Bernhardum sanctæ Halberstadiensis Ecclesiæ
Antistitem, in cujus diocesi urbs præfata jacuit, quamdiu
ille vixit, impetrare non potuit.* Nec aliter Chronicon
Magdeb. ms. *Otto partem parochiæ Halberstadiensis, ad
quam civitas illa cum suis adjacentiis pertinuit, a Bernhar-
do ejusdem Ecclesiæ Episcopo septimo, quoad vixit, impetrare
non valuit.* Gobelini etiam audiamus Cosmodromium
ærate VI. cap. XLVIII. *Otto Rex volens in Magdeburg Epi-
scopatum instituere, apud Bernhardum Episcopum Halber-
stadiensem, in cujus diocesi erat Magdeburg constituta, mul-
tum instabat, ut ad hoc consensum suum sponte adhiberet:*

E

sed

sed Rex non potuit ejus consensum obtinere. Ut & Pauli Langii chronicon Citizense: Videns (Otto Imp.) diocesim seu Ecclesiam Halberstadensem valde amplam & opulentam, ita ut in quatuor competenter partiri posset episcopatus, consilio prudentum & religiosorum, aliquot episcopatus in ea decrevit proposuitque instituere. At resistente ei ac contradicente Bernbarde Halberstatensi episcopo, venerabili valde viro & sancto, cujus in diocesi locus ipse situs erat, perficere eo vivente non potuit, quandoquidem eo tempore tota erga Magdeburg pariter & Merseburg vicinia ad Halberstadensem pertinuit diocesim. Videns ergo Imperator constantiam praesulis, quod nec minis, neque blandimentis in divisionem sui induci potuit episcopii, patienter & longanimiter tempus praestolabatur opportunum. Quin in tanta hujus Episcopi fuit pervicacia, ut nec propositis praemiis, nec precibus, nec minis a sententia potuerit revocari. Neque carcerem propterea reformidavit subire Quedlinburgi, ac in ipsis vinculis non modo restitit Ottoni, sed & pontificali habitu indutus non dubitavit anathemate ferire Regem: qui primum cachinno virum excipiens, re amplius pensitata, libertatem ei indulgens, suo uti permisit ingenio.

§. LXVI. Teriginus hoc jam pridem in *Episcoporum Halberstadensum historia*: nunc vero Krantzianam hac de re narrationem asseremus ex Metropol. lib. III. cap. X. Tum Rex prosperatum videns nova molitionis opus, de religione cogitavit: episcopum ibi, imo metropolim designare constituit, Vandalis ad finem Christi multiplicatis. De erat territorium, quod e vicino totum Halberstadenfis episcopatus implevit. Egit Rex primum placide cum Bernbarde Episcopo, ut cederet partem ditionis novo episcopatu. Ille renititur, ecclesiam suam multiplicare, non attenuare, sibi esse

esse praeceptum impositum. Quid multa? ubi non svasioni-
bus, non precibus profecit, vi pro more regum agere conten-
dit: iussit captum episcopum incarcerari. Ille patienter
omnia suffert, priusquam iura sua attenuari patiatur eccle-
sia. Rex moram interponit, ut mansvescat ex tempore: sed
in eo nihil mutatur. Aderat sacra Jovis Dominica coena:
quasi chrisma consecraturus, iussit in carcerem dari pontifi-
calia ornamenta; quibus indutus regem jubet acciri. Cre-
dens jam emollitum & malis perdomitum venit. Vbi asti-
tit, episcopus inchoat. In nomine, inquit, supremæ Tri-
nitatis, anathematizo te Rex, cum omnibus, qui te non
deserendum putant, quod manum injeceris, & detines
Christum Domini. Rex cachinno excipiens, digreditur:
altius tamen deinde descendit in pectus ejus pontificalis im-
precatio. Et intra se reversus, misit qui episcopum laxa-
rent, impetrata venia. Ita obtinuit episcopalis severitas, ne
se vivo aliquid ecclesiae detraberetur. Eandem historiam
graphice describit *Saxonia lib. IV. cap. VII.*

§. LXVII. Quandoquidem igitur ipse Otto consti-
tutionem Episcopæ Magdeburgensis necessum habuit dif-
ferre; nostrum quoque erit hanc tractationem in sequen-
tia differre tempora; contemplaturi interim alia privile-
gia, quibus Otto Rex Magdeb. Ecclesiam beavit. Iplis 956.
igitur anni 1000CLVI. Kl. Jan. (sic habuit codex noster ms.
nam apud Leuberum num. 1605. reperias annum sextum
& sexagesimum) Schartau, Grabau & Buchau (*Sirtawa*,
Grabawa, *Buchoe*) cum omnibus ad eas pertinentibus fami-
liis earundemq; possessionibus perenni jure Magd. mona-
sterio dicavit. Diploma exaratum est *Dalabemii*: loco for-
san eo tempore sive in Magdeburgensi, sive Brunswicen-
si terra non ignobili. Non indigna lectu est Leuberiana
de hujus donationis præcepto censura.

§. LXVIII. Hanc mense Junio excepit alia donatio, triginta scilicet *casarum*, sive domuum in urbe Daventria, & undecim mansorum circa urbem in comitatu Wicmannitorum, & aliorum octo in villa Tongern (*in villa que vocatur Tunegurum*) in comitatu Eberhardi. Privilegium Daventria scriptum exhibet Leuberus. (num. 1596.) Extrema computum annorum exhibentia subijcio. *Data. VII. (repono VI.) Non. Julii. Anno incarnationis Domini DCCCCLVI. Indictione XIII. regnante pio rege Ottone anno XXI. Actum in Daventria feliciter.*

959.

§. LXIX. Anno DCCCCLIX. ab Ottone aucta, est Magdeburgensis Ecclesia diversis bonis, in pagis Helingen & Mosde (forte *Mortzan*: de quo videatur Meibomius in *de Pagis Saxonie*) sitis. Ipsum diploma hac conceptum est formula.

In nomine Sanctæ & individue Trinitatis. Otto divina favente clementia Rex. Noverint omnes fideles nostri, presentes scilicet & futuri, qualiter nos ad Ecclesiam quam in Magdeburg construximus, in honorem sancti Mauritii & ad nutrimentum plebis inibi Deo famulantis, quasdam res nostre proprietatis, hoc est, in pago qui vocatur Helinge & Mosde, in locis sic nominatis Buckstadin & Rinckburst, in comitatu & legatione Henrici Comitis, omnem justitiam ac censum, qui Saxonice Mal vocatur, nec non & omnibus appenditiis, ibidem jure pertinentibus, adificiis, curtibus, campis, pratis, pascuis, silvis, aquis, aquarumque decursibus, piscationibus, molendinis, viis & inviis, questis & inquirendis, cultis & incultis, mancipiis utriusque sexus, in proprium damus, & perpetuo jure possidendos: & hoc presens in dictum jussimus exinde conscribi, annulique nostri impressione muniri, subtusque manu propria firmavimus

mus, ut fidelibus nostris traditio nostra largitatis firma & immutabilis crederetur. Data Anno Incarnationis Domini DCCCCLVIII. Indictione II. Regnante Ottone piissimo Rege XXIV. anno, VI. Non. Julii. Actum Magdeburg. Signum Domini Ottonis Inuictissimi Regis. Ludolfus Cancellarius ad vicem Wilhelmi Archicapellani recognovi.

§. LXX. In eundem annum referri deberet Leuberianum diploma XI. (num. 1397.) quo Otto quasdam res suae proprietatis, quae ipsi tradiderunt pro concambio quidam fideles ejus Reding & Duodicho nominati, hoc est, omne praedium quod habere videbantur in locis sic nominatis, Brunon & Vnnesburg, Rodunfuordi & Butbunesdorp (Buchsdorph) cum curtibus, edificiis, & terris salericis (pro salicis) hoc verbum procul dubio positum) campis, pratis &c. Præterea quandam villulam, quae vocatur Gramaningerod cum omnibus appendiciis ad predictam villulam pertinentibus, & in foveis, in quibus solebant fodere operimentum ferri, inconvulsam arbitrium quicquid ejusdem monasterii (Magdeburgensis) rectoribus libuerit fodiendi atque operiendi, seu in ipso beremoporcis saginandi. Enim vero tam apud laudatum Leuberum, quam in ms. cod. Cl. Olearii hoc diploma præfert annum jamjam laudatum. At huic anno neque convenit, quæ additur, Indictio III. multo minus annus regni Ottoniani XXVI. Sicuti enim Indictioni III. respondet annus sequens sexagesimus, ita regiminis Ottoniani annus XXVI. anno Christi primo & sexagesimo.

§. LXXI. Anno DCCCCCLXI. octavo Kl. Maji Otto 961. Rex Magdeburgensi monasterio donavit decimas a Slavis quotannis Mageburgi solvendas, nec non alias Slavorum decimas ad civitates Frofa, Barby & Calba pertinentes. Vide diploma Leuberianum XII. Walahufa (Wolohufin.)

perscriptum: (num. 1598.) ex cujus capite ac calce colligit Leuberus, laudato anno conscriptum, sed demum post plures annos confirmatum esse.

§. LXXII. Et sane miror, sequenti statim die aliud diploma fuisse conscriptum, quo eadem Slavorum, sed & indigenarum decimæ in proxime laudatis civitatibus solvendæ, exceptis tamen illis, quæ Halberstadenfi Episcopo debentur, cryptæ Martyrum noviter fundatæ addicuntur. Integrum diploma ex Ms. afferemus.

In Nomine sanctæ & Individuæ Trinitatis. Otto Dei gratia Rex. Noverint omnes sanctæ Dei Ecclesiæ fideles nostrique presentes & futuri, qualiter nos ob amorem Dei, regni que æterni mansionem, insuper etiam pro salute nostræ ac stabilitate regni nostri remedioque animæ nostræ dilectæque conjugis nostræ Adalbeide, atque amantissimæ prolis & equivoci nostri Ottonis, ad dotem criptæ Magdeb. in honorem sanctorum Mauritiî martyris, Valentini, Agapiti & Abundii sacratæ, donavimus atque tradidimus, illa decimatione excepta, quæ Episcopo Halberstad. usque huc data est, omnem alteram decimationem, quam Theutoni vel Sclavi ad eandem urbem Magdeburg pertinentem persolvere debent, nec non etiam omnium Theutonicorum vel Sclavorum decimam ad civitatem Frosæ pertinentium, & illam quam Teutonici & Sclavi persolvere debent ad civitatem Barbie pertinentem, & illam decimationem Teutonicorum & Sclavorum ad illam civitatem quæ dicitur Calva pertinentium, illa decima excepta, quæ usque huc in præfatis locis finibusque illorum, Magdeburgo burgowarde & Froseri burgowarde, Barburgeri burgowarde, Calveri burgowarde, reliquam omnem decimationem præfatorum locorum, sicut Wilhelmus Moguntinensis Ecclesiæ venerabilis Archiepiscopus in nostri præsen-

tia

tia noſtrorumque fidelium ad preſatam criptam determina-
vit, eidem cripta in perpetuam dotem conceſſimus. Et ut
hec noſtra auctoritatis traditio per ſuccedentium curricula
temporum inconcuſſa permaneat, juſſimus hoc preſens pre-
ceptum conſcribi, annuli noſtri impreſſione roborari, manuq;
propria ſubtus firmavimus. Datum IX. Kl. Maji, Anno
Dominica Incarnationis DCCCCLXI. Indictione IV. Anno
vero Regni Sereniſſimi Domini Ottonis XXVI. Actum Wala-
buſen in Dei nomine, amen. Signum Domini Ottonis invi-
ſiſſimi Regis. Ludolphus Cancellarius ad vicem Brunonis
Archicapelłani recognovi.

§. LXIII. Paulo poſt Otto Magnus ad res Italiae or-
dinandas Romam profecturus, urbem Sputinesburg (nunc
Rodemburg: ſic habet inſcriptio) in pago Nulicenſi ſitam
monaſterio Magdeburgenſi dedicavit. Ipſum diploma
hujus donationis inſigne teſtimonium ſubjicimus: in quo
tamen nondum me capere fateor, quod Otto memorat ſe
monaſterium in Magdeburg conſtruere velle: quod ta-
men poſt pugnam Vngaricam conſtructum diximus. Sed
forte jam coeptum opus non multum invaluit, adeoque
hec verba non tam ad initia, quam complementum ædi-
ficii referenda.

In Nomine Sanctæ & Individuæ Trinitatis. Noverit
omnium fidelium noſtrorum preſentium & futurorum indu-
ſtria, qualiter nos modo ituri in Italiam cogitantes, pro ſtatu
& incolumitate Regni noſtri dilectæque conjugis Adelbeidis
Regina, noſtrique dilectiſſimi filii Ottonis, inſtinctu quoque
& monitu Wilhelmi ſanctæ Moguntinenſis Eccleſiæ venera-
bilis Archiepiſcopi, urbem Sputinesburg ſitam in pago Nu-
dicxi, quam Wichart in beneficium habet, ex integro
cum omnibus appendiciis ad eandem urbem pertinentibus,
mari-

mancipiis utriusque sexus, adificiis, campis, pratis, pascuis, silvis, aquis, aquarumque decursibus, exitibus & reditibus, quasitis & inquirendis, & quicquid beneficii ceteri fideles nostri in eodem burgiwardo habere visi sunt, ad monasterium, quod nos construere volumus, in civitate qua dicitur Magdeburg, in honorem sancti Petri Apostolorum Principis, nec non sanctorum Martyrum Mauricii & Innocentii, jure perenni in proprium donamus. Et ut hac nostra traditionis autoritas plena vigeat firmitate, jussimus hoc preceptum conscribi, & annuli nostri impressione roborari: quam & subtus firmavimus manu propria. Datum VIII. Kal. Augusti Anno Dominice Incarnationis DCCCCLXI. Indictione IV. Anno Regni Domini Ottonis Serenissimi Regis XXVI. Actum Ordorff feliciter. Signum Domini Ottonis Magni & Invictissimi Regis. Ludolfus Cancellarius ad vicem Brunonis Archicapellani notavit.

§. LXXIV. Hoc privilegium ab Ottone Ordorpii datum esse, commonstrat subscriptio. Eodem loco uti ex Leuberiano apographo apparet, (num. 1599.) IV. Kal. Augusti aliud perscribi fecit de variis variarum civitatum decimis Magdeburgensi monasterio dicandis. In regionibus videlicet & urbibus ita nominatis: Netelici in qua est civitas que Guncanston (in Ms. habetur: que Givikenstein:) nuncupatur: altera regio Netelici, ubi est Vurcine civitas; (Wurgen) Queszici, in qua est civitas Ilburg: Siufle, in qua est civitas Holm nominata: Zitici, que habet civitatem Zurbici: Nudzici (in Leubero conjunctim scribitur: Zurbicinudzici:) ubi est Wittin civitas, & civitas Liulubum (Ms. Liubichün) vocata, & Sputinesburg, Lopotoh civitas, & Trebonizi, & civitas que dicitur Brandunburg; donavit atque tradidit omnem decimam in prænominatis regionibus

ac

ac arribus, de fructibus ac omnibus utilitatibus, ex quibus Christiani decimam dare videntur, & ipsi persolvere debent, quandocunque per Dei gratiam Christiani effecti fuerint. Insuper hac videlicet donavit atque tradidit ad pramemoratos martyres Mauritium & Innocentium in prænominato loco (Magdeburg) in terra Kufici, Selpoli, Chozimi (ms. Thozim) decimam de omni censu & acquisitione vel sua vel Comitum, vel cujuscunque, ex sua regia potestate adquisitum fiat.

§. LXXV. Eodem anno & die præter Gibichensteinium & Spuitnesburg, plures alias ac luculentas possessiones Magdeburgensi monasterio liberaliter attribuit diplomate sequenti. Nam integrum adscribemus, quod apud Meibonium (pag. 121. 122.) & Leuberum (num. 1187.) valde est mutilum.

In Nomine Sanctæ & Individuæ Trinitatis. Otto Dei gratia Rex. Noverint omnes fideles Dei nostrique, presentes scilicet & futuri, qualiter nos pro remedio anime beate memorie Domini patris nostri Henrici Regis, & pro incolumitate Domine matris nostre Machildæ Regine, nec non pro statu & incolumitate regni nostri, nostrique dilectæque conjugis nostre Adalheide regine, nostrique dilecti filii Ottonis, jam primo anno Regis, instinctu & monitu Wihelmi sanctæ Moguntinæ sedis venerabilis Archiepiscopi, omnem regionem pagumque vocatum Nelctice, omnemque utilitatem in eo manentem, urbem scilicet Givickanstein cum falsugine ejus, ceterasque urbes cum omnibus ad eas pertinentibus, aquis falsis & insulsis, terris cultis & incultis, mancipiis Teutonicis & Sclavanicis, taleque pradium quale Winchart in beneficium habet, urbem Spitnesburg sitam in pago Nudifci, cum omnibus quæ ipse in beneficium habet, & per petitionem Domine matris nostre Machilde Regine, taleque pradium quale

Huodo in beneficium habet in pago Helmingowe in Comitatu
Wilhelmi Comitis in loco Breitinga & Bernhardesrotha, cum
omnibus ad ea pertinentibus, taleque pradium, quale Adal-
bertus Comes in beneficium habet in Comitatu ipsius, in pago
Northuringorum, in locis sic nominatis Tunningsteti, (in alio
dipl. Nannstede) Flagitungen (Flechtingen) Wasserdal, A-
dinga, cum omnibus ad ea pertinentibus ad victum Clerico-
rum monachorumque Magdeburg Deo servientium ad Eccle-
siam sancti Petri Principis Apostolorum, Sanctorum Marty-
rum Mauricii, Innocentii, reliquorum Sanctorum inibi con-
gregatorum in perpetuum proprium donavimus. Et ut
prædictus Abbas illius monasterii suiique successores &
Clerici & monachi inibi Deo servientes liberam potestatem
omnium prænominatorum locorum habeant utendi, recte
commutandi, in beneficium dandi, cum omnibus ad ea perti-
nentibus mancipiis, terris, cultis & incultis, aquis, aqua-
rumque decursibus, silvis, pratis, pascuis, agris, molendinis,
piscationibus, ædificiis, urbibus, Ecclesiis, exitibus & rediti-
bus. Insuper hoc præsens præceptum conscribi, annulique
nostri impressione corroborari. Signum Domini Ottonis in-
victissimi Regis. Ludolfus Cancellarius ad vicem, Brunonis
Archicamerlani recognovit & subscripsit. Data IIII. Kal. Au-
gusti, Anno Domini & Incarnationis DCCCCLXI. Indictione
IV. Anno videlicet regni Serenissimi Regis Ottonis XXVI. A-
ctum in Christi nomine feliciter. amen.

962. §. LXXVI. Anno 1000CLXII. Otto Magnus a Io-
hanne XII. Pontifice Romæ coronatus mansit in Italia in-
965. annum 1000CLXV. quo ordinatis Italiæ rebus in Germa-
niam revertitur, & pascha Ingelhemii prope Moguntiam
celebrat. In hoc palatio Ingelnhemiano V. Kal. April. Ec-
clesiæ Magdeburgensi donat Calbam, quod est oppidulum
in

in diocesi Magdeburgensi, & Rosburgum in Comitatu Barbyensi. Summa verborum hæc est in diplomate, quod Leuberus (num. 1600.) integrum, Meibomius (pag. 124.) mutilatum attulit. *Donavimus sancto Mauritio Martyri in Magdeburg duas curtes juris regni nostri, unam quæ vocatur Calva in pago Northuringorum sitam; alteram quæ vocatur Rosburg ultra Salam fluvium sitam in pago Sirimunti cum omnibus appendiciis tam in Ecclesiis, quam in ceteris adificiis.* Et digna porro sunt quæ observentur verba: *Ex integro sancto Mauritio Martyri donamus, atq. ex nostra jure & dominio in jus sancti Martyris Mauritii atque Venerabilium Archiepiscoporum qui pro tempore fuerint rectores ejusdem sanctæ Ecclesiæ almi Martyris Mauritii largimur atque transfundimus, ut eidem sanctissimo loco in perpetuum firmiter permaneat omnium hominum contradictione remota.* Hæc enim verba satis superque arguunt, firmiter jam decrevisse Ottonem, Ecclesiam Magdeburgensem in metropolitanam & archiepiscopalem efferre. Id quod mox ex alius quoque diplomatis patebit excerptis.

§. LXXVII. Exin Aprili mense in Wisbaden commemoratus Otto repetiit donationem illam de Gibichensteino & Sputinesburg ante paucos annos factam, & paulo ante a nobis recensitam. Subscriptio ita habet: *Datum II. Id. Aprilis Anno Dominice Incarnationis DCCCLXV. Indictione IV. Anno Imperii Magni Ottonis Augusti IV. Regni scilicet XXX. Actum Wisbadin (Wisbadun) in Christi nomine. amen. Liudolphus Cancellarius ad vicem Brunonis Archicapellani recognovi.*

§. LXXVIII. Eodem die Rosbach in pago Hassorum cum locis illuc pertinentibus Magdeburgensi Ecclesiæ donatur. Sic enim inquit Imperator in charta privilegii a

Leubero allata (num. 1606.) Per hujus nostri precepti paginam nostra imperiali auctoritate donavimus sancto Mauricio Martyri in Magadaburg quandam curie juris regni nostri, que vocatur Rosbach, sitam in pago Hassonum, in Comitatu Elli Comitum, & alia loca ad prefatam curtem pertinentia, ita nominata, Vfloum, & altera Vfloum, Horineshusum, Medriki, Elifungum, Goteredeshusun, Bunnungheim, una cum ecclesiis omnibusque eorum pertinentiis, que dici vel nominari possunt, ex integro sancto Mauricio Martyri in Magdeburg donavimus, atque ex nostro jure & dominio in jus sancti Mauricii Martyris, atque venerabilium Archiepiscoporum, qui pro tempore fuerint rectores ejusdem sancte ecclesie almi Martyris Mauricii largimur atque transfundimus. Ac iterum eodem die, ob amorem Dei regnique eterni mansionem, ob remedium anime Patris sui Henrici Regis, ac pro incolumitate matris sue Mathildis, ac pro statu & incolumitate regni vel Imperii, conjugis sue Adelheidis, ac filii sui Ottonis, instinctu & monitu Wilhelmi Archiepiscopi Moguntinae sedis, dedit ecclesie S. Mauricii martyris in Magdeburg omnem rem pagumque, nominatum Neledice, omnemque utilitatem cum omnibus ad eam pertinentibus, aquis salis & insulis, terris cultis & incultis, mancipiis Teutonicis & Slavonicis, munitionem etiam vel burgwardium urbis Spulteneburg in pago Nudhice sita, cum omnibus pertinentiis, taleque pradium, quale Huodo in beneficio habet in Comitatu ipsius, in pago Northuringorum in locis Cunusteti, Flabtungen, Wabharesdal, Adinge. Habet hoc diploma Meibomius in collectione toties laudata, (pag. 124.) ac jam ante in de pagis Saxoniae ejusdem dederat excerpta.

§. LXXIX. Deinceps mense Junio Dornburgi subsistens, toties laudato Magdeburgensi monasterio duas civita-

vitates Loburg & Tuchim (sic habet inscriptio apud Leube-
rum num. 1601. & in Ms. codice: quamvis in ipso textu sit
Luborn) donavit. Ita enim loquitur privilegium: Ob
spem divina remunerationis, nostrorumque criminum pro ab-
solutione in futuro magni iudicii die, pro statu quoque & in-
colunitate regni vel imperii nostri, pro sanitate etiam nostra
dilectaeque conjugis nostrae Athelbeidis, vel filii & equivoci
nostri carissimi Regis videlicet Ottonis, nec non & interven-
tu ac petitione ejusdem Adelbeidis nostrae conjugis, cetero-
rumque nostrorum fidelium, consilio Popponis etiam Wirci-
burgensis ecclesiae episcopi atque Geronis Marchionis, duas ci-
vitates nostrae regiae vel Imperatoris proprietatis, Luborn &
Tuchime nominatas, in occidentali parte Albia fluminis, &
in pago Moroszanorum (Meibomius in de Pagis Saxonia
habet Morasovorum) sitas, atque in Comitatu praedicti Mar-
chionis Geronis cum omnibus appendiciis suis tam in manci-
piis utriusque sexus, quam aedificiis — Deo sanctoque Mar-
tyri Mauritio nostro scilicet Patrono in Magdeburg liberali-
ter in perpetuam proprietatem transfundimus & donamus.
Subscriptio haec est: Data XV. Kal. Iulii anno dominice in-
carnationis DCCCCLXV. Indict. VIII. Anno Imperii Domni
Ottonis III. regni autem XXX. Actum vero Thornburcb feli-
citer, amen. Ludolphus Cancellarius ad vicem Brunonis
Archicapellani notari & recognovi.

§. LXXX. Eodem mense exeunte, quicquid Otto
Rex & Imp. in castellis Pechou & Gummeren habuit pro-
prij, monasterio Magdeburgensi legavit. Scripturam de
eo confectam affero.

In Nomine Sanctae & Individuae Trinitatis. Otto di-
vina favente clementia Imperator Augustus. Cum Impera-
toria largitatis munere loca Deo & Sanctis ejusdem data per

omnes Imperii nostri partes prædiis & possessionibus ampliatæ sive stabilitæ esse noscuntur, & Sanctorum amplificatio Ecclesiarum salus & prosperitas creditur esse regnorum. Idcirco nos pro statu & incolumitate regni vel Imperii nostri, ob spem retributionis æternæ, pro remedio quoque & absoluti-
ne nostra in futuro magni iudicii die dilectæque conjugis no-
stræ Adelheidis, vel filii nostri Ottonis, quicquid proprietatis
in locis vel castellis subnotatis, videlicet Pechouwe & Gum-
bere ad ius regium sive Imperatorum pertinere videbatur,
cum omni integritate universisque appendiciis aut utilitati-
bus vel acquisitis vel acquirendis Deo Sanctoque Maurício
in Magdeburg transfundimus atque donamus, & ad usum vel
opus fratrum ibidem Deo servientium deputamus. Et ut
hoc autoritatis nostræ præceptum firmum & stabile perma-
neat, hanc cartam conscribi, & annuli nostri impressione si-
gnari iussimus, quam & propria manu subtus firmavimus.
Data V. Kl. Julii Anno Dominice Incarnationis DCCCCLXV.
Indictione VIII. Anno Imperii Domini Ottonis IV. regni au-
tem XXX. Actum Magdeburg feliciter. amen. Signum Do-
mini Ottonis Magni & invictissimi Imperatoris Augusti. Lu-
dolfus Cancellarius ad vicem Brunonis Archicapellani re-
cognovi.

§. LXXXI. Mense Julio Magdeburgum regressus,
ius mercatus, monetæ, & telonii Magdeburgici transcribit
Magdeburgensi monasterio, iis, quæ sequuntur, verbis: Mer-
catum Magdeburg & monetam, omnesque teloniæ fructus
vel usuras, quoquomodo vel a navigiis advectis, plaustris, vel
carrucis, vel quibuscunque vehiculis adductis, sive ab equiti-
bus vel peditibus vel cujuscunque modi aut conditionis homi-
nibus supervenientibus allatis mercibus acquirendas, vel ac-
cipiendas, seu quicquid hætenus utilitatis ad nostrum publi-
cum

cum jus pertinere videbatur, totum ex integro Deo Sanctoq;
Mauritio in Magdeburg transfundimus, offerimus atque do-
namus, ut servi Dei die noctuque ipsi sancto Mauritio ibidem
famulaturi pro nostra quoque Dominum salute deprecaturi,
absque illius semper contradictione teneant & possideant, &
suis, ut libuerit, usibus adjungant. Subscriptio talis est:
Data VII. Idus Iulii, anno Dom. Incarnat. DCCCCLXV. In-
dictione VIII. anno regni Domini Ottonis XXX. Imperii au-
tem IV. Actum Magdeburg Palatio in Domino feliciter. amen.
Et ita quidem recte apud Meibomium (pag. 125. seq.) &
Leuberum: (num. 1190.) sed in apographo meo numeri ali-
quoties fallunt.

§. LXXXII. Eopse die bannum regium in urbe Mag-
deburg & jus recipiendi Judæos Ecclesiæ Magdeburgensi
dono data sunt. Diplomatis quod apud Meibomium (pag.
126.) & Leuberum (num. 1191.) exstat, summa his fere ver-
bis absolvitur. Bannum nostræ regie vel Imperatoris di-
gnitatis in urbe ac circumjacentibus illarum partium incolis
nostro regio vel Imperatorio juri debitum, Ecclesiæ in eadem
civitate constructæ, sanctoque Mauritio in jus perpetuum li-
beraliter offerimus. Et ne vel Judæi, vel ceteri ibi manen-
tes negotiatores ullam aliunde, nisi ab illo qui eidem Ecclesiæ
præfuerit, distractionis aut disciplinæ sententiam vel regu-
lam sustineant, volumus & firmiter jubemus. Prescripti vero
banni, Deo sanctoque Mauritio a nobis oblatis, nullus vel Co-
mes, vel Vicarius, vel Judex, vel Tribunus, vel Exactor,
vel aliqua persona, in eadem civitate sibi usurpandi, aliquam
aliam in scriptis legem aut disciplinam exercendi potestatem
habeat, nisi ipse qui eidem loco vel Ecclesiæ præfuerit Advocatus,
quem nostro consensu sibi & eidem Ecclesiæ præficiendum
elegerit.

§. LXXXIII

§. LXXXIII. Eodem mense Iulio munificentiam, suam erga Magdeburgensem Ecclesiam testatus est, eidem dicendo varios mellis census atque decimas in pagis ac villis diversis. *Donavimus* (sic habetur in Diplomate Leuberiano num. 1604.) *ad ecclesiam S. Mauritii & cœnobio fratrum in eodem loco Deo sanctoque Mauritio devote famulantibus omnem censum mellis nostræ imperiali auctoritate pertinentem in pago Neletici in Comitatu Bilingi Comitis, & in pagis qui dicuntur Sinfilli & Plonim, totam decimam mellis, seu ad nostram manum illam habuissimus, sive alicui in beneficium concessum fuisset, similiter in pagis ita nuncupatis Nicciti & Sprezza, ex utraque fluminis parte, qui dicitur Sprezza, nec non & in Lusici atque Morcini, & ex utraque parte fluminis, quod dicitur Milda omnem decimam mellis nostræ Imperiali auctoritate pertinentem, seu ad nostram manum illam habuissimus, sive alicui in beneficium concessum fuisset, excepto quam nos pro remedio animæ nostræ sanctis, qui sunt in Brandenburg concessimus: insuper etiam de urbibus ita nuncupatis, Bridrri, Mocornic, Lirtuva, Burg, Grabowa, Tuchem, Bucounici. --- Data V. Kal. Aug. --- Actum Walslufon.*

§. LXXXIV. Anno huius sæculi quinto & sexagesimo ad finem vergente, Otto Imperator jus monetæ & mercatus indulgit villæ Getlide in Comitatu Lisgo, sed ea lege, ut omnes redditus Ecclesiæ Magdeburgensi reddantur. Meretur sane integrum diploma Magdeburgensibus Antiquitatibus inseri.

In nomine Sanctæ & Individuæ Trinitatis. Otto divina favente clementia Imperator Augustus. Noverit omnium fidelium nostrorum tam presentium, quam futurorum, industria qualiter nos interventu dilectæ conjugis nostræ Adel-

Adalbeidis, ob spem divina remunerationis, pro statu Regni
vel Imperii nostri, pro sanitate quoque nostra dilectique filii
nostri Ottonis, predictaeque nostrae carissimae conjugis Adal-
beidis, in villa Getlide, in Comitatu Lugo, cui Burchardus
Comes praesse videtur, publicam monetam esse concedimus,
omnesque ex eadem moneta redditus vel utilitates, quoquo ac-
quirendas ad Ecclesiam sancti Mauricii Magdeb. tradimus
& donamus: teloneum vero de mercatu, quod ibi fieri con-
cessimus in quibuscunque rebus vel mercimoniis accipien-
dum, praeibata Ecclesia sancti Mauricii munifica lar-
gitate offerimus, & quicquid inde fructuum utilita-
tum ad nostrum jus pertinere posse videbatur, totum &
ex integro eidem Ecclesiae vel fratribus Deo sanctoque Mau-
ritio famulantibus Magdeburg perpetualiter utendum con-
cedimus, ut teneant & possideant, & suis, ut libuerit,
usibus adjungant. Et ut hoc nostra auctoritatis preceptum
firmum & stabile permaneat, cartam hanc conscribi, & an-
nuli nostri impressione signari iussimus, quam & manu pro-
pria subtus firmavimus. Dat. II. Idus Decembris, Anno
Dominicae Incarnationis DCCCCLXV. Indictione IX. Impe-
rii vero IV. Actum Bruggheim in Dei nomine, amen. Signum
Domini Ottonis Magni & invictissimi Imperatoris Augusti.
Rudolphus Cancellarius ad vicem Wilhelmi Archiepiscopi
recognovi.

§. LXXXV. Succedit annus huius saeculi sextus & 969.
sexagesimus: quo iterum variis accessionibus ab Ottonem
Imp. aucta & ornata est Ecclesia Magdeburgensis. Et ve-
ro quia ante annos aliquot inter Ottonem Regem & Bilin-
gum Comitem bona quaedam per cambium in pago Nele-
tice erant commutata, jam sublato illo cambio haec bona
monasterio Magdeburgico sunt donata atque dedicata.

G

For-

Formula hac de re conscripta in hunc modum est concepta.

In Nomine sancte & Individue Trinitatis. Otto divina favente clementia Imperator Augustus Romanorum ac Francorum. Quoniam Regia vel Imperatoria dignitatis officium esse constat Deo Sanctisque ejus monasteria vel loca construere, & semper auctoritatibus augeri & roborari: idcirco notum esse volumus omnium Sancte Dei Ecclesia nostrorumque fidelium tam presentium scilicet quam & futurorum industria, qualiter nos monitu & interventu dilecte conjugis nostre Adalbeidis, pro statu etiam regni vel Imperii nostri, filiique nostri Regis scilicet Ottonis, quicquid pradii vel hereditatis aliquando Bilingo nostro Comiti jure concambii in Neletici concessimus, ipse vero e contra quicquid conjugis sue hereditarii juris habere videbatur, nobis donat, jam rupto concambio fratribus diu noctuque Deo sanctoque Mauritio in Magdeburg servientibus in proprium tradimus in locis subnotatis, videlicet Nova urbs & Brogom, Vppineng, & Brochstad, & omnia, quae istis supradictis urbibus juste & legaliter subjacere videntur, tam in villis, quam in curtilibus, Ecclesiis, mancipiis, terris cultis & incultis, viis & inviis, exitibus & redditibus, pratis, pascuis, silvis, aquis, aquarumve decursibus, piscationibus, molendinis, quasitis & inquirendis, & cum omni integritate seu cujuscunque modi utilitatem ad nostrum jus habere videbatur, pradietis fratribus die noctuque Deo sanctoque Mauritio in Magdeburg famulantibus concessimus, & sub perpetua immunitatis nostre tuitione esse volumus, ita ut nullus noster Comes vel Judex aut Vicarius, vel publicus fisci exactor audeat se intromittere ad exigendas vel paratas faciendas, aut hominibus ibi habitantibus, ullam molestiam ingerendi potestatem habeant,

beant, sed tantummodo illi idem concessum sit, quem Abbas
 & fratres voluerunt præesse, ea videlicet ratione tradimus,
 ut prædicti fratres teneant & possideant, & suis, ut libue-
 rit, usibus adjungant. Et ut hoc præsens præceptum fixum &
 immobile permaneat, cartam hanc conscribi & annuli nostri
 impressione iussimus insigniri, quam & manu propria subtus
 firmavimus. Dat. V. Kal. Augusti Anno Dominica Incarna-
 tionis DCCCCLXVI. Indictione IX. Anno Regni Domini Ot-
 tonis XXXI. Imperii vero V. Actum Walabusen in Dei nomi-
 ne feliciter. amen. Signum Domini Ottonis Magni & Invi-
 ctissimi Imperatoris Augusti. Ludolphus Cancellarius ad vi-
 cem Wilhelmi Archicapellani recognovi.

§. LXXXVI. Atque hic Bilingus Comes idem forte
 est cum Hermanno Bilingo, qui postea Dux Saxonie ab Ot-
 tone creatus, per huius absentiam in Italia, vicibus regiis
 paulo insolentius Magdeburgi functus est. Luculentam hac
 de re habemus narrationem Ditmari lib. II. quam, quod an-
 tiquam historiam Magdeburgensem quodammodo illu-
 stre, repetimus. Interim Herimannus Dux Saxoniam
 regebat, positaque ad Magdeburg concione susceptus est ab
 Archiepiscopo (Adelberto: de quo postea agemus:) ma-
 nuque deducitur ad Ecclesiam, accensis luminaribus, cum
 etis que sonantibus campanis. Ibi arum meimet Henricum,
 tanta resistentem superbia, dolo capere Dux nisus, non po-
 tuit: quia hunc militum magna caterva vallavit, præcepit
 tamen ei, ut Romam post Imperatorem pergeret. Quod li-
 bentissime complens, transscensis Alpibus, ut primum ad Im-
 peratorem venit, videns eum a longe, solotenus se prostravit,
 interrogatusque quid cause hoc esset, quod accusatus apud
 eum, gratiam suam pietatemque solitam perdidisse timeret, la-
 chrymabiliter respondit. Quem protinus elevatum Imper-

rator osculatur, singulaque sagaciter perquirens, & de susceptione Ducis, quomodoque in medio Episcoporum ad mensam loco Imperatoris sederet lectoque dormiret, perdidicit. Ob hoc Caesar Augustus masculine succensens Alberio per epistolam mandavit Episcopo, ut tot sibi equos mitteret, quot Duci campanas sonare, vel quot lucernas accendi praeceperat. Imperatoria Archipræsul peragens edicta quibuscunque valuit modis se per legatos suimet excusare contendit.

§. LXXXVII. Eodem anno, mense Augusto Otto Imp. privilegio Strasburgi dato Ecclesiam Magdeburgensem auget dominio monasterii Kesselnheimensis in Meinfeldensi pago siti. Habetur id in opere Leuberiano, (num. 1607.) ex quo præcipua excerpemus: *Noverit omnium fidelium nostrorum tam presentium quam futurorum industria, qualiter nos interventu dilectæ conjugis nostræ Adalbeidis, & fidelis archiepiscopi nostri Willibelmi, monasterium puellarum Kescelenheim nominatum, in pago & comitatu Meinfeldt situm, quod judicio optimatum Francorum, in nostrum Imperiale jus devenit, quum Conradus & Eberhardus, qui illud hætenus possidere visi sint, exheredes & inlegales sunt adjudicati, pro remedio & absolutione delictorum nostrorum --- cum omnibus suis appenditiis, vel utilitatibus --- Deo Sanctoque Mauricio Magadeburg perpetualiter servitutum nostra imperiali munificentia, liberaliter offerimus, & a nostro jure in perpetuum illius ecclesiæ jus transfundimus, & donavimus, ut Archiepiscopi ibi a nobis instituendis sui que successores omni contradictione remota inoffense teneant & possideant, & suis ut res ecclesiasticas juxta libitum usibus adjungant &c. Sequitur subscriptio: Signum Domini Ottonis Magni & invictissimi Imperatoris augusti. Lindolfus Cancellarius ad vicem Willibelmi archicapellani*
nota.

notari. Data VIII. Kal. Septemb. Anno Dom. incarnat.
DCCCLXVI. Indict. VIII. anno vero Imperii domni Ot-
tonis Imp. Aug. V. regni autem XXXI. actum Strasburgo in
Dei nomine. amen.

§. LXXXVIII. Ecce Conradum & Eberhardum par-
thenone exutos Kesselnheimiano. Nec minus iidem sunt
privati civitate Wisla, quam itidem accepit Magdeburgen-
sis Ecclesia. Diploma hujus donationis testimonium ad-
scribo integrum.

In Nomine Sanctæ & Individuæ Trinitatis. Otto di-
vina favente clementia Imperator Augustus. Notum sit o-
mnibus fidelibus, tam presentibus, quam futuris, qualiter
nos interventu dilectæ conjugis nostræ Adelheidis, & fidelis
Archiepiscopi nostri Wilhelmi civitatem Wisla nominatam,
qua judicio Optimatum Francorum in nostrum Imperiale
jus devenit, quam Conradus & Eberhardus, qui illam atte-
nus possidere visi sunt, exheredes & illegales sunt adjudica-
ti, pro remedio & absolutione delictorum nostrorum, pro sta-
tu quoque & incolumitate regni vel Imperii nostri filiique
& cognominis nostri carissimi Regis Ottonis, cum omnibus
appenditiis seu pertinentiis vel utilitatibus, tam in manci-
piis, quam in edificiis, vineis, pratis, pascuis, silvis, aquis, a-
quarumve decursibus, aucupis, piscationibus, molendinis,
mobilibus & immobilibus, terris cultis & incultis, viis & in-
viis, exitibus & reditibus, quasitis & inquirendis, Deo San-
ctoque Mauricio Magdeburg perpetualiter servitutum.
Imperiali nostra munificentia liberaliter offerimus, & nostro
jure in perpetuum illius Ecclesie jus transfundimus & dona-
mus, ut Archiepiscopus ibi a nobis instituendus sui que succes-
sores omni contradictione remota inoffense teneant, & possi-
deant, & suis, ut res Ecclesiasticas juxta libitum usibus ad-

jungant. Et ut hoc auctoritatis nostre donum eidem Ecclesia per successura tempora firmum & stabile permaneat, & a nostris sanctisque Dei Ecclesiis verius credatur fidelibus, chartam hanc conscribi & annuli nostri impressione signari iussimus, quam & manu propria subtus firmavimus. Data VIII. Calend. Septembris Anno Dominica Incarnationis DCCCCLXVI. Indictione IX. Anno vero Imperii Domini Ottonis Imperatoris Augusti V. Regni autem XXXI. Actum Straburgo in Dei nomine feliciter, amen. Signum Domini Ottonis Magni & Invictissimi Imperatoris Augusti. Rudolphus notarius in vicem Wilhelmi Archicapellani recognovi.

§. LXXXIX. Biduo post Ecclesia Magdeburgensis accepit dominium monasterii Hagemunster, quod itidem Conrado & Eberhardo in Wormaciensi procerum Germanicorum conventu abjudicatum fuit.

In Nomine Sanctae & Individuae Trinitatis. Otto divina favente clementia Imperator Augustus. Noverint omnes fideles & futuri, qualiter nos pro statu regni nostri, & pro remedio anime nostrae, dilectaeque conjugis nostrae Adelbeide, dilectique filii nostri Regis Ottonis, tale pradium, quale in nostrum jus iudicio procerum nostrorum Wormacie adjudicatum est, idcirco quia hic videlicet Conradus & Euerhardus, qui idem pradium habuerint antea, iudicio omnium Primatum Francorum non legitime esse probati sunt, sicque fisco nostro legaliter addictum demum per admonitionem filii nostri Wilhelmi Mogontiacensis Ecclesiae venerabilis Archiepiscopi partem illius pradii totum quesitum est in pago Nahgowe, scil. infra urbem Mogontiae monasterium, quod vocatur Hagemunster, cum omnibus ad id iure pertinentibus, Ecclesiis, territoriis, edificiis, arcibus, possessis & possidendis, servis regibus, servis censualibus, servis cotidie servientibus, terris

cultis & incultis, aquis, aquarumq; decursibus, navigiis, mor-
endinis, viis & inviis, exitibus & reditibus, pratis, pascuis,
silvis, piscationibus, similiter in prefato pago Nabgewe in
Comitatu Emichonis Comititis, in loco qui dicitur Gogenheim,
quicquid idem ibi insistit, visus habere, cum omnibus ad eun-
dem locum pertinentibus. Item in pago Spirichgeun in
Comitatu Gerungi Comititis, omne pradium, quod idem fra-
tres in villa, quae dicitur Spirdorff, visi sunt habere, ad Ec-
clesiam, quam nos in honorem beati Petri Principis Aposto-
lorum & Sancti Mauritii Martyris in Magdeburg construxi-
mus in perpetuum proprium donamus. Et ut hoc nostra aucto-
ritatis praeceptum firmum stabileque permaneat, hanc car-
tam conscribi, & annuli nostri impressione signari iussimus,
quam & propria manu subius firmavimus. Data VI. Kal.
Septembris Anno Dominice Incarnationis DCCCCLXVI. In-
dictione IX. Anno vero Regni piissimi Ottonis XXXI. Imperii
vero V. Actum Rintbach in Domino feliciter. amen. Si-
gnum Domini Ottonis Imperatoris Augusti. Ludolf notarius
ad vicem Willelmi Archicapellani recognovi.

§. XC. Anno DCCCCLXVII. Romae commora-
tus Otto, tantum abest, ut Ecclesiae Magdeburgensis fuerit
oblitus, ut potius proprium suum pradium Wulferstede in
pago Hardegou situm eidem dono dederit. Ipsum diplo-
ma sic habet.

In nomine Sanctae & Individuae Trinitatis. Otto di-
vina favente clementia Imperator Augustus. Si Sanctis Dei
& venerabilibus locis Ecclesiae quoque ibidem in Dei nomine
constructis & consecratis aliquid nostraeque proprietatis regia-
vel Imperiali nostra maiestate conferimus, id procul dubio
ad praesentis vitae statum aeternaeque quietis emolumentum
capessendum nobis prodesse confidimus. Quapropter omnibus
fide.

fidelibus sancta Dei Ecclesia nostrisque tam presentibus
 quam & futuris notum esse volumus, qualiter nos ob amorem
 Dei regnique aterni mansionem, insuper etiam pro salute no-
 stri remedioque anima nostra atque amantissime prolis &
 aquiroci nostri Ottonis, ob interventum ac petitionem cara
 dilectissimeque conjugis nostra Adelbeidis Imperatricis Au-
 gusta, atque fidelis Wilhelmi, sancta Moguntina sedis vide-
 licet Archiepiscopi ad sanctum Mauritium in Magdeburg do-
 navimus atque tradidimus quoddam nostra proprietatis pra-
 dium Wulferstede nominatum, in pago Hardegowe, & in co-
 mitatu Titmari Comitatus situm cum omnibus ad hoc rite per-
 tinentibus, hoc est, arcibus, aedificiis, mancipiis utriusque se-
 xus, agris, pratis, campis, pascuis, silvis, aquis aquarumve
 decursibus, molendinis, mobilibus & immobilibus, viis & in-
 viis, exitibus & redditibus, quasitis & inquirendis, cun-
 ctisque aliis omnibus rebus, quae ad hoc aliquatenus dici, no-
 minari, aut accomodari possunt, Deo, sanctoque Martyri
 Mauritio in Magdeburg quam a fundamento in ejus bono-
 rem construximus, nostro jure in ejus jus ac dominium perpe-
 tualiter ibi manendum regia vel Imperiali donatione tradi-
 mus, atque ad opus vel usum coenobitarum ejusdem almi Mar-
 tyris Mauricii deputamus. Ea vero ratione, ut nullus ha-
 redum vel successorum nostrorum de praenominato pradio ali-
 quam deinceps potestatem habeat exercendi, quod velit, aut
 tradendi vel commutandi, sive aliud aliquid faciendi; at-
 tamen si quis eorum hac facere praesumat, omnipotentis Dei
 vindictam, ejusdemque sanctissimi Martyris Mauricii, ad
 cujus honorem hoc idem pradium contulimus, in extremo die
 iudicii incurrat. Et ut hac nostra donationis traditio a
 cunctis fidelibus nostris omnibus succedentibus temporibus
 firma stabilisque & inconvulsa habeatur, hoc nostra regie
 vel

vel Imperialis Majestatis praeceptum inde conscribi iussimus, manuque propria, ut infra videtur, corroboravimus, annu-
 liqui nostri impressione sigillari praecepimus. Datum IX. Kl.
 Octobr. Anno Dominicae Incarnationis DCCCCLXVII. Indi-
 ctione XI. Anno vero regni Domini Ottonis XXVII. Imperii
 vero VI. Actum Romae in Dei nomine. Amen. Signum Do-
 mini Ottonis Magni & Inviictissimi Imperatoris Augusti.
 Luidolphus Cancellarius ad vicem Brunonis Archicapellani
 notavit.

§. XCI. Commodum jam fatis concesserat Bernhar-
 dus Episcopus Halberstadensis, Ottoni in constituenda
 Magdeburgi Ecclesia cathedrali tam adversus, ac successor
 designatus erat Hildewardus, quem alii Hillibardum vel
 Hilliwardum vocant. Hunc igitur Otto Imp. Romam veni-
 re praecepit. Cumque eodem, quod diu latebat, secretum
 tum mentis revolvit, scilicet facturum se urbe Parthenopoli-
 tana Archiepiscopatum semper studuisse, ob spem remunera-
 tionis aeternae, defensionemque communis patriae, seque ad o-
 mnia, quaecumque unquam ab eo expetiisset, promisit para-
 tum, si consentiret sibi hoc perficere votum. Hic autem, ut
 erat sapiens, pia connivebat petitioni, partemque parochia,
 quae sita est inter Oram & Albim & Bodam fluvios, &
 insuper viam quae Frederici dicitur, Domino concessit,
 Sanctoque Mauritio ac Imperatori. Insuper idem charita-
 tive rogatus a Caesare Augusto dedit Domino sanctoque Lau-
 rentio parochiam jacentem inter fluvius Willerbizi & Sal-
 summare, & Vnstrut, & Helmana & foveam, quae est juxta
 Valenhusum. Tali munere Imperator arridens, per ma-
 nus suscepit eundem, curamque ei baculo committens pasto-
 ralem, Accipe inquit, precium patris tui. Verba haec sunt Dit-
 mari Praefulis Mersburgensis lib. II. in Historia Halber-
 stadensis

stadensis jam pridem a nobis explicata. Quod ad fines archidieceleos, post verba *Albim & Bodam fluvios*, ex Chronico veteri Latino Magdeburgensi adde: *Vsque ad ea loca, ubi castra Vnsburg, Wansleve, Ottersleve, cum omnibus pertinentiis & villis, quæ Burgwardi appellantur, versus occidentem longius protenso sine terminantur, cum omni decimatione, banno, subjectione, obedientiis, & omni ecclesiastico ordine, prout Halberstadensis ecclesia visa est eatenus possedisse.* Ceterum ultima Ditmari verba liquido commonstrant, non prius Ottonem Imp. voluisse novum Episcopum confirmare, quam is Magdeburgensia ex sua diocesi manu quasi mittens resignaverit. Merito igitur Gobelinus Cosmodromii ætate XII. cap. XLVIII. hunc Hildewardi consensum in erigenda hac metropolitana Ecclesia prædicat, verbis quantumvis paucis: *Mortuo Bernharδο Episcopo, inquit, successit ei Hildewardus Capellanus Regis qui Regi* (in erectione Archiepiscopatus Magdeburgensis) *consensit.* Ipse quoque Pontifex Johannes XIII. ad hunc consensum provocat in bulla sua de erectione Archiepiscopatus in Synodo Ravennatensi concepta, ac postea in literas relata.

967. §. XCII. Nimirum in hac ipsa Synodo auctoritate Imp. Ottonis anno 1000 CCLXVII. celebrata inter alia quoque actum fuit de constitutione novæ sedis Archiepiscopalis Magdeburgensis: Imperatore id ob vicinorum Slavorum conversionem modis omnibus urgente. Hanc enim præcipuam Ottoni fuisse causam laudata bulla sequentibus restatur verbis: *Cujus, quia is locus quasi ad Sclavos respiciens erat, ob loci congruentiam & vicinitatem Saxonum, ut novæ Christianitatis & catholice fidei, quam multo sudore paraverat, caput, fundamentum, & reparatio esset, Sancta inter-*

intentio erat. Item Ms. Chron. Magdeburgense; ejus
Excerpta debemus Henrico Meibomio: Quo (Bernhar-
do) defuncto cum venerabili Hildewardo pro ipso sacerdotii
officio functo, ipse voti non immemor, ut in bonis repleretur
desiderium suum, Romam profectus in suburbio Ravenna in
ecclesia S. Severi Episcopi & confessoris adunavit Synodum,
in qua presidente Dr. Joanne, sancta & universalis ecclesia
summo Pontifice, astantibusque quam plurimis Italia, Ger-
mania & Gallia Episcopis & Principibus, tantique negotii
exordium arrecta aure & mente prastolantibus, multo labo-
re magnis perculis se multas Slavorum nationum cis flumen
Albia, in confinio Saxonie ad catholicam fidem convertisse,
coram cunctis exposuit, quique adhuc rudes in fide, ne ad
domitum redirent, qualiter corroborari possent, consuluit.
Cujus dignam relationem tantamque fidei confessionem san-
cta Synodus benigna devotione suscipiens, & bonorum omni-
um largitori gratias agens, in singulis provinciis secundum
loci suum & populi quantitatem Episcopos censuit consecra-
ri: quorum predicatione & cura pervigili nutantes possent
in fide stabiliri & adhuc idololatria dediti ad cultum justitie
revocari. Ut vero ad id agendum major firmitas & tutior
in Episcopis esset opportunitas, Archiepiscopum, ad quem ne-
gocium suum & controversiam, si qua orta fuerit, referre
valeant, eis communi deliberatione proponi statuit. Quam
videlicet archiepiscopalem cathedram apud Magdeburg ci-
vitatem potissimum fieri placuit, quod hac in confinio Slavo-
rum loco videretur oportunior, & in ejus propagatione vo-
luntas Imperatoris esset amplior.

§. XCIII. Verumtamen ut omnia pateant clarius,
ipsam illam Papalem bullam, quam Meibomius sub titulo
Erectionis Ecclesia Magdeburgensis in Archiepiscopalem cum

Witichindi monachi Corbejenfis *Annalibus* edidit, integram afferemus.

Dum in Nomine Sanctæ & individue Trinitatis habita-
esset Synodus Ravenna, in ecclesia scilicet B. Severi Episcopi
& confessoris, residentibus Dn. Joanne summo & universali
Pontifice, & pluribus Italia, Germania & Gallie presulibus,
de statu quidem ecclesie tractantibus: adstante etiam innum-
merabili clero & populo, sanctissimus Imperator Caesar Augu-
stus, qui eandem sanctam Synodum ob communem Imperii
sui salutem congregaverat, plurimas Sclavorum nationes
ultra fluvium Albis in consinio Saxonia multo labore & ma-
ximis saepe periculis ad Christum convertisse coram omnibus
retulit. Et quia rudes & nec dum stabiles erant, qui tui-
tione & custodia & cotidiana sollicitatione in fide corroborari
deberent, sanctam Synodum consuluit rogans, ut quos ipse
summo studio Deo mancipaverat, pastoris negligentia ad vo-
mitum redire non sineret. Hujus dignam relationem San-
cta Synodus benigna aure suscipiens, Deo in his omnibus gra-
tias agens, tot Sclavorum populos ad Deum noviter adductos
non nisi per Episcopos, in convenientibus locis in unaquaque
provincia eorum secundum populi quantitatem & rationa-
bilem terra divisionem constituendos, ad hoc animari & eru-
diri posse censuit & ratum aestimavit. Ad quod agendum
ut major firmitas & tutior in Episcopis ordinandis sit opor-
tunitas, archiepiscopum, ad quem negotium suum & contro-
versiam, si qua orta fuerit, quasi ad caput referre & dissen-
tere valeant, eis constitui atque proponi communi delibera-
tione statuit. Et hoc ejus judicio & discretioni, in quo ma-
xima reparanda & confirmanda religionis post Deum fidu-
cia erat, fieri debere omnino judicavit. Est præterea locus
in parochia Alberstadenfis Episcopi, quem Magdeburg dicunt,
in

in confinio Saxonum & Sclavorum, in ripa prædicti fluminis
 Albie: ubi idem serenissimus Cæsar civitatem mirifice fun-
 davit: populi multitudinem adunavit: ecclesias construxit:
 plurimorumque martyrum, beatorum scilicet Mauricii &
 Innocentii aliorumque corpora transtulit: canonicos quoque
 ibi Deo famulantes constituit, ad quorum victum & ecclesia
 utilitatem castra, villas, prædia, decimas, cum universis adia-
 centiis affluenter ex proprio cōcessit. Cujus, quia is locus quasi
 ad Sclavos respiciens erat, ob loci congruentiam & vicinitatē
 Saxonum, ut nova Christianitatis & Catholicæ fidei, quam
 multo sudare paraverat, caput, fundamentum, & reparatio
 esset, sancta intentio erat. Quæ res quia omnibus cogni-
 ta erat, sancta Synodus eundem piissimum Imperato-
 rem summa devotione petiit, ut ejus auctoritate, quia
 Canonicum & acceptabile erat, illic archiepiscopalem
 sedem statui canonica auctoritate annueret, in qua ar-
 chiepiscopus ordinatus ultra flumen Albie Episcopos, qui
 ordinati sunt & ordinandi futuris post temporibus erunt,
 subiectos habeat. Ipse quoque ab eis, qui pro tem-
 pore fuerint, post primum quia Romana sede Archiepiscopa-
 lem benedictionem & pallium suscepturus est, consecratur.
 Ad hæc Imperator precibus & Dei voluntate commotus san-
 ctæ congregationis voluntati paruit, & hoc privilegio Aposto-
 lica sedis corroborari dignum dixit, quod & actum est a sum-
 mo Pontifice, omnibus præsulibus, Italia, Gallie & Germania
 qui aderant propriis manibus corroboratum. Igitur quia
 civitas, ubi Magdeburgensis archiepiscopatus sedes est, sita
 est infra parochiam Alberstadiensis Episcopi rejacet, sine con-
 sensu Episcopi sedis illius, archiepiscopi Magonciensis, cui sub-
 jectionem exhibet, commutationem parochie fieri non posse,
 sancta Synodus decrevit. Eo ergo revoluto anno & altero

dimidio transacto, cum Hattonem archiepiscopum Magun-
ciensem & Hildwardum Episcopum Alberstadensem Raven-
nam convenire contingeret, sanctissimus Imperator si bona
voluntate commutationem parochie Alberstadenensis ecclesie ad
Magdeburgensem fieri vel coram archiepiscopo Ravennate
& Episcopis comprovincialibus eos omni dilectione convenit.
Tunc venerabilis Hildwardus episcopus in presenti omnium
& predicti prefatus Hattonis hoc se pro Deo nullo modo nega-
re & contradicere posse, quia utriusque ecclesie & sua ma-
xime augmentum erat, clara voce respondit, & quod ad in-
numeri populi salutem pertinet ob alicujus decime cupidita-
tem cassari absurdum esse professus est. Supradictis ergo
auditoribus placuit, ut utraque parte ab eis, quibus res co-
gnita erat, commutatio sub exterminatione fieret. Placuit
ergo communis voluntatis consensum inter Dn. Ottonem,
piusimum Casarem Augustum & Hildwardum Alberstaden-
sis ecclesie Episcopum, ut in Dei nomine daret, sicut in pre-
senti dedit ipse Hildwardus Magdeburgensi ecclesie hujus
scripti nexu suo jure habendum, id est, parochiam omnem,
qua rejalet inter fluvios Albeam scilicet, Salam, Horam &
Bodam, usque ad ea loca, ubi castra Vnnesburg, Wantzlewa,
Hoeldeslewa, cum omnibus pertinentiis & villis, quas Burg-
wart vocant, occidentem versus longius finem protendunt
& terminantur, cum omni decimatione & obedientiis, omni-
que ecclesiastico ordine, sicut ecclesia Alberstadenensis hactenus
possidere visa est, & de dominio & jure sua ecclesie in ejus
jus & dominium transfudit atque delegavit. Unde ad vi-
cem recepit pro decimatione ipse Hildwardus Episcopus ad
partem sua ecclesie omnem decimationem in Hosgerwe, sicut
terminatur in fluvio Sala, Willerbeck & Wipperra, & ut eam
abbatia in honore Beati Wipperi in territorio Herolvesfelt
in-

instructa in integrum possedit, quam predictus Dn. Otto serenissimus Caesar ab eadem abbacia ex proprio legali concambio commutavit & ecclesie Magdeburgensi proprietario jure concessit, & quia jam dictus Dn. Caesar ejus fundator & constructor erat, ut omnem in posterum occasionem quod in precio & metu feret, removeret, secundum Deum timendum hominum estimationem & ipsius Alberstadenensis Episcopi liberam arbitrii voluntatem hanc commutationem colligari voluit, & eo modo finita est causa. Vnde presentem notitiam pro securitate, ne unquam in tempore legalis commutatio hac posset solui, jussione Domini Caesaris & petitione Dn. Hildwardi Episcopi Alberstadenensis, Ego Ambrosius Palatinus Cancellarius subscripsi, compleri & dedi. Petrus Archiepiscopus sancte Ravennatis ecclesie interfui & subscripsi. Hatto Mogontinus archiepiscopus interfui & subscripsi. Ego Hildwardus Alberstadenensis ecclesie Episcopus interfui & subscripsi. Vngfridus sancte Virdinensis ecclesie Episcopus & pastor libens subscripsi. Ego Reginoldus Rubilocensis ecclesie Episcopus interfui & subscripsi. Ego Ewerardus sancte Leodicensis ecclesie Episcopus interfui & subscripsi. Ego Adelbertus Lunensis Episcopus interfui & subscripsi. Ego Rupertus sancte Feltrensis ecclesie Episcopus interfui & subscripsi. Ego Albertus sancte Tarvisianensis ecclesie Episcopus interfui & subscripsi. Ego Ganslinus sancte Pataviensis ecclesie Episcopus interfui & subscripsi. Abraham sancte Frisingensis ecclesie Episcopus interfui. Martinus Episcopus sancte Fr episcopus interfui & subscripsi. Vint Episcopus sancte Mutinensis ecclesie consensi & subscripsi. Rudolfus Episcopus *** consensi & subscripsi. Elberich consensi & subscripsi. Ioannes Episcopus Eugubienensis Ecclesie consensi & subscripsi. Ego Lirgiso episcopus sancte ordinata ecclesie con-

consensi & subscripsi. Ioannes Episcopus Callienſis eccleſie
 conſenſi & ſubſcripſi. Luto episcopus ſancta Cluſenſis eccle-
 ſia conſenſi & ſubſcripſi. Albertus Episcopus ſancta Piſen-
 ſis eccleſia conſenſi & ſubſcripſi. Ludini Episcopi conſenſi &
 ſubſcripſi. Hubertus Episcopus ſubſcripſi. Sichelms ſancta Flo-
 rentina eccleſia Episcopus interſui & ſubſcripſi. Adalbertus
 ſancta Bononiensis eccleſia Episcopus conſenſi. Arnolſus Episco-
 pus ſubſcripſi. Ioannes Imolenſis eccleſia Episcopus interſui &
 ſubſcripſi. Liutprandus ſancta Cremonenſis episcopus ec-
 cleſia interſui & ſubſcripſi: his juſte peractis Conſtantinopo-
 lin rediens. Odelricus Perganenſis Episcopus interſui &
 ſubſcripſi. Grimoaldus ſancta Rhegienſis eccleſia Episcopus
 interſui & ſubſcripſi. Antonius Priſciensis eccleſia Episco-
 pus conſenſi & ſubſcripſi. Sigulſus Episcopus conſenſi & ſub-
 ſcripſi. Sigulſus S. Placentina eccleſia Episcopus conſenſi
 & ſubſcripſi. Petrus Episcopus ſubſcripſi.

§. XCIV. Ex hac autem bulla inter alia docemur,
 in Ravennatenſi quidem Synodo de inſtitutione novi Ar-
 chiepiscopatus ſerio fuiſſe diſceptatum, nec minus etiam
 Papam cum pluribus Italia, Germania atque Gallia Præ-
 ſulibus juſtis & æquis Ottonis deſideriis adſurrexiſſe; rei
 tamen ipſius plenam definitionem in ipſius Hildewardi
 Præſulis Halberſtadenſis, ſed & Archiepiscopi Moguntini
 Hattonis, qui Wilhelmo Ottonis filio anno 1000CLXVIII.
 ſuccceſſit, adventum fuiſſe dilatam. Ut adeo quæ ex Dic-
 tamaro de adventu Episcopi Halberſtadenſis Romano repe-
 tivimus, non ante Ravennatenſem Synodum, ſed poſt illam
 ſint geſta. Et conſentit plane Chronicon Magdeburgen-
 ſe: Ceterum quia Præſul Halberſtadenſis Synodo huic non
 adfuit, cauſa clauſulam in ejus adventum diſſerre placuit,
 ut civitatem ipſe a debito ſubjectionis abſolveret, & tunc de-

munis

num privilegium & subscriptio illibata fieret. Anno igitur integro & dimidio evoluta, cum Hatto archipræsul Magontien- sis cum præfate Hildivardo, suo videlicet suffraganeo, eo de- venisset, & Imperator illos pro prædicta causa blanda petiti- one convenisset, Hildivardus Episcopus tam Archiepiscopi con- sensu, quam omnium, qui aderant, consultu, prompta & hi- lari mente pie ejus petitioni annuit. Ne tamen id faceret si- ne ulla remuneratione, recepit ad vicem ab Imperatore in- partem & utilitatem suæ ecclesiæ omnem decimationem in- Hosgowe, ut terminantur in fluviis Sala, Willerbeke & Wip- pera, cum omni possessione, quam de Abbacia in honorem beati Wigberti in territorio Herovelselt constructa, idem Imperator æqua commutatione acquisierat, cujus etiam ab- batie ipse fundator erat: quæ denuo verba sunt laudati Magdeb. Chronici.

§. XCV. Præterea ex hac bulla patet, quod novo huic Archiepiscopatu non alii primum subditi fuerunt E- piscopi, quam qui ultra Albim jam erant constituti: sed quia plures Episcopatus condere volebat Otto, ejusdem conditionis esse iussi, qui impofterum constituerentur. Id enim volunt verba illa: Sancta Synodus eundem piissi- mum Imperatorem summa devotione petiit, ut ejus auctori- tate --- illic archiepiscopalem sedem statui canonica auctori- tate annueret, in qua Archiepiscopus ordinatus ultra flumen Albis Episcopos, qui ordinati sunt, & ordinandi futuris post temporibus erunt, subiectos habeat. Per illos ultra Albim Episcopos quin intelligendi Brandeburgensis & Havelber- gensis, dubium mihi relinquitur nullum, ac perspicue id docent Excerpta vetusti Chronici Magdeburgensis: Impe- rator Otto Magnus (sic habent verba:) civitatem Magdeburg ad honorem & defensionem dilectæ suæ Saxonie Metropolitim &

ecclesie
Piscen-
sis &
Flo-
bertus
Episco-
fui &
us co-
inopo-
fui &
scopus
Episco-
& sub-
sensu

emur,
vi Ar-
etiam
e Præ-
e; rei
wardi
untini
xviii.
x Dic-
repe-
tillam
argen-
non
lacuit,
inc de-
mum

¶ Archiepiscopium facere, cui praefatos duos Episcopatus (Brandenburgensem & Havelbergensem) a se constructos, & alios quos adhuc construere desideravit, subjacere, ibique Deo & S. Mauritio se suaque omnia dare cogitavit.

§. XCVI. Brevi tamen post alii accesserunt Episcopi sic ut Adamus Bremensis lib. II. suffraganeos quinque numeret, Mersburgensem scilicet, Cizensem, Misnensem, Brandenburgensem & Havelbergensem. Magdaburgensi autem Archiepiscopatu subjecta est, inquit Adamus, tota Slavonia, usque ad Penem fluvium. Episcopatus suffraganei quinque, quorum Mersburg & Cicia super Salam flumen condita, Misna vero super Albiam, Brandenburg & Havelberg interius vadunt. Adamum, more suo, exscribit Helmodus lib. I. cap. XI. & Albertus Stadenensis ad an. MCCCLXXI. Posnanensem Episcopum addit ex Ditmaro Gobelinus Persona Cosinodromii aetate VI. cap. XLVIII. Non contemnendus quoque hac de re locus est in fragmento Chronici Magdeb. Latini: *Præterea statuit cum esse Metropolitanum totius ultra Salam & Albiam Slavorum gentis, tunc ad Deum conversa, vel convertende, & ut secundum desiderium Imperatoris in his civitatibus, in quibus olim barbari ritus maxima vigeat superstitio, id est, Cizi, Misni, Mersburg, Brandenburg, Havelberg, Pornam (Posna) in honorem Domini, Episcopi fundarentur, quorum pastores secundum canonicam auctoritatem Magdeburgensi Episcopo fidem & subjectionem debendo sociarentur.*

§. XCVII. Præter illud Ravennatensis Synodi decretum Iohannes XIII. Papa singularem de Archiepiscopalis Magdeburgensis, nec non aliarum eidem subjectarum Ecclesiarum erectione, conscribi fecit bullam, quæ nondum hactenus edita nunc primum in lucem prodit publicam.

Johannes Episcopus servus servorum Dei, Episcopus ur-
bis Romæ, Archiepiscopus, Episcopus, & cunctis timentibus
Deum, omnique cœtui Christianorum notum esse volumus,
qualiter inspirante sancto Spiritu, meritisque Apostolorum
principis Petri, & vasis electionis sanctissimi Pauli, ac
millia millium martyrum Christi, Roma caput totius mundi
& ecclesia universalis ab iniquis pene pessumdata a Domino
Ottone Augusto Imperatore a Deo coronato, Casare & magno
& ter benedicto, anno Apostolicatus nostri secundo, ipsiusque
prænominati nostri spiritualis filii sanctissimi Imperii sexto
erepta est, & in pristinum honorem omni reverentia reda-
cta. Ipso namque anno una nobiscum favente & consen-
tiente invictissimo prædicto Imperatore, acta est magna Syno-
dus Ravennæ XII. Kalend. Maji, convenientibus Archiepi-
scopis & Episcopis circumquaque ex omni Italia, residentibus
nobis in Ecclesia B. Severi Confessoris Christi, & ibi statutis
omnibus rebus Ecclesiasticis, secundum statuta Canonum &
decreta antecessorum nostrorum. Idem sanctissimus Impe-
rator ardentissimo cœpit amore perquirere, quomodo nostra
Apostolica auctoritate a primordio nomen Christianitatis in
aquilonaribus partibus dilaretur. Nos vero ejus animum
in Dei servitio ita mirifice detentum mirantes, commovere ei
dignum duximus, statuentes præsentem & consentiente sancta
Synodo & ipso Imperatore, ut Magdeburg sita juxta Albiam
fluvium, ubi ipso a Deo benedictus Imperator corpus S. Mau-
ritii cum multis Martyribus collocaverat, & mira magni-
tudinis Ecclesiam construxerat, deinceps metropolis sit & nomi-
netur auctoritate B. Petri Apostolorum Principis, & ea qua
predecessores nostri Constantinopolim statuerunt. Ideo quia
filius noster sæpe jam nominatus Otto omnium Augustorum
augustissimus tertius post Constantinum maxime Romanam

*Ecclesiam exaltavit, concessimus, ut non posterior sit ceteris
urbibus Metropolitanis, sed cum primis prima, & cum anti-
quis antiqua inconvulsa permaneant. Suffraganeos vero
eidem metropoli omnes unanimiter præordinavimus Bran-
denburgensem Episcopum & Havelbergensem, iis cun-
ctis, quibuscunque Imperator voluit in urbe Magdeburg
Archiepiscopus consecratur. Postea vero idem Archie-
piscopus & successores ejus habeant potestatem per con-
grua loca, ubi per illorum predicationem Christianitas
creverit, Episcopos ordinare nominatim, nunc & presenta-
liter Merseburg, Cici & Misni, a presenti decima Indictio-
ne perpetualiter confirmamus permanendum. Statuentes
Apostolica censura, sub divini iudicii obtestatione & ana-
thematis interdictionibus, nulli licere nostrorum successorum
atque Pontificum vel alii cuilibet personæ, hac, quæ a nobis
pia intentione statuta sunt, in quocunque convellere, sed po-
tius firma stabilitate inconvulsa manere definimus. Si quis
autem, quod non credimus, temerario ausu contra hoc no-
strum Apostolicum agere præsumpserit decretum, sciat se
anathematis vinculis innodatum, & a regno Dei alienum,
& cum impiis aeterno supplicio deputatum. At vero qui pio
amore observator hujus nostri privilegii exstiterit, benedi-
ctionem a misericordissimo Domino Deo nostro consequi me-
reatur, & vita aeterna particeps atque cum sanctis omnibus
sine fine latetur. Scriptum per manum Stephani Notarii,
regionarii & scriniarii Sanctæ Romanæ Ecclesiæ, in mense
Aprili & Indict. X. Johannes sanctæ Catholice & Apostolicæ
Romanæ Ecclesiæ præsul huic decreto a nobis facto pro confir-
matione subscripsi. Signum Domini Ottonis piissimi Impe-
ratoris. Ego Rudoaldus Patriarcha sanctæ Aquilegensis
Ecclesiæ interfui, consensi & subscripsi.*

§. XCVIII. Veruntamen tum hanc ipsam bullam, tum
ipsius

ipsius Ravennatenſis ſynodi decretum præceſſit ejuſdem
Pape ſcriptum de erectione tam Magdeburgenſis Eccleſiæ
in Archiepiſcopalem, quam Merſeburgenſis in Epiſcopa-
lem: in quo quia non pauca ſunt Antiquitatum Archiepi-
ſcopatus Magdeburgenſis notitiam illuſtrantia, dignum
utique cenſemus, quod integrum afferamus.

*Johannes Epiſcopus ſervus ſervorum Dei Reverendis-
ſimis Conſatribus Archiepiſcopis, Epiſcopis, Abbatibus, Mo-
nachis, Primatibus, cuncto clero & populo in Saxonia, Gal-
lia, Germania, Bavaria conſtitutis. Quotiens ad prove-
ctum novæ Chriſtianitatis conceſſionis firmitatisque privile-
gium a ſancta Romana Eccleſia, cui Deo auctore deſervimus,
expoſcitur, totiens omni diligentia omnique amore impetiri
opera pretium duximus, ne quod erga pia deſideria propen-
ſius impendi convenit, callidi hoſtis invidia ob deſidiam in-
deſinenter ſubripiat. Totis ergo viribus, chariſſimi conſra-
tres, certandum eſt, ut Chriſtianitatem, quam Deus omni-
potens per ſervos ſuos caeleſti trophæo quotidie extendit &
provebit, noſtro quoque per eum adiutorio in eodem ſolidetur
& maneat. Nunc vero Dei opera: te clementia, Chariſſimus
& Chriſtianiſſimus filius noſter Re: Otto, devictis barbaris
gentibus, Avaribus ſcilicet cæterisque quam pluribus, ut ad
deſenſionem Sanctæ Dei Eccleſia triumphalem victorem in-
Imperii culmen per nos a B. Petro Apoſtolorum principe ſuſci-
peret coronam, ſummam & univerſalem, cui Deo auctore
præſidemus, adiit ſedem, quam paterno affectu ſuſcipientes
ad deſenſionem Sanctæ Dei Eccleſia in Imperatorem cum B.
Petri Apoſtoli benedictione unximus. Cumque in Eccleſia
B. Petri Apoſtoli de ſtatu & regimine totius Chriſtianitatis
tractantes, quæ utilia ſunt, utiliter ſecundum Deum tracta-
rentur, præſatus piſſimus Imperator Otto, qualiter Sclavos,*

quos ipse devicit, in catholica fide noviter fundaverat, nostris paternitati innotuit, deprecans & obnixè postulans, ne oves, quas ipse Christo acquisiverat, ob pastoris defectionem, antiqui serpentis versutia damnarentur. Ad hanc itaque petitionem assensum, fratres charissimi, merito prabimus. Totis ergo medullis cordis, prout dignum est, ut novella plantatio super verticem montis in petra, qua Christus est, fundetur, intendamus. Dabit vires, qui neminem vult perire, cujus annuente clementia volumus & per hanc privilegii paginam jubemus, ut Magdeb. Monasterium in regno Saxonium juxta Albiam constructum, quod pralibatus sanctissimus Imperator ob novam Christianitatem construxit, quia vicinius id locorum gentibus est, in Episcopalem (procul dubio leg. Archiepiscopalem) transferatur sedem, quæ per subditos suffraganeos totum Dei gregem regere & gubernare valeat. Volumus, & per hanc privilegii paginam jubemus ut Merseburgense Monasterium, quod ipse piissimus Imperator, qua Ungros prostravit, futurum Dei devovit, in Episcopale debeat (et tollatur) sedem, quæ Magd. sit subdita sedi. Et quia tot gentes sub uno pastore regi minime possunt, volumus & per nostræ auctoritatis privilegium censemus, ut censum & decimationem omnium gentium, quas prædictus piissimus Imperator baptizavit, vel per eum suumque filium aquirvo cum regem, successoresque eorum, Deo annuente, baptizanda sunt, ipsi successoresque eorum potestatem habeant distribuendi, subdendi Magdeburgensi, Merseburgensi, vel cuicunque velint futurae unicuique sedi. Volumus etiam, charissimi Confratres, & ex B. Petri jussione Apostoli præcipimus, ut Mogunciens. Treverens. Coloniens. Salsaburgens. Hamaburgensis Ecclesie Archiprasules Magdeb. Monasterii in Archiepiscopalem & Merseburgensis in Episcopalem translationis

nis sedem, totis cordis corporisque viribus consentanei fautoresque persistant. Cum vero omnipotens Deus per prætatum servum suum invictissimum Imperatorem suumque filium regem successoresque eorum vicinam Sclavorum gentem ad cultum Christianæ fidei perduxerit, per eosdem in convenientibus locis secundum oportunitatem Episcopatus constitui in eisdem per consensum prædictorum quinque Archiepiscopum successorumque eorum ab Archiepiscopo Magdeb. Episcopos consecrari volumus suffraganeos. Sic tamen si præfati filii nostri piissimi Imperatoris sui que filii æquivoci regis successores eorum statuta frangere tentaverint, aut prædictarum Ecclesiarum ceterosque Præsules successoresque eorum Magdeb. Archiepiscopo suisque suffraganeis successoribusque eorum adjuutores, consentanei que non fuerint, anathematis mucrone feriantur, summoque retributore damnationem sine fine recipiant. Omnipotens itaque Deus Serenissimo Imperatori Ottoni suoque Nato, regi æquivoco spiritualibus filiis nostris longævam tribuat vitam, quatenus in hoc seculo tranquille viventes in futuro immarcescibili gloria percipiant palmam. Scriptum per manum Leonis, secretarii Sanctæ sedis Apostolicæ in mense Febr. Indictione quinta.

§. XCIX. Jam quæras hoc loco non immerito, autum temporis, quando Magdeburgum archiepiscopali sede ornatum, simul & dignitatem illam ac Primatus elogium, acceperit. Quod autem ad Primatum illum attinet, eundem tam prærogativam sessionis, quam supremam inspectionem ac sacram jurisdictionem in alios Germaniæ Archiepiscopos comprehendisse volunt.

§. C. Non mihi nunc ignotum est, quid recentiores nonnulli scribant, rerum monumenta non prodere, an Magdeburgensis Archiepiscopus in ullum unquam Archiepiscopum potestatem habuerit: imo jam tum Krantzius Primatus

tus

tus hujus splendorem in dubium vocasse; eo quod nonnulli Archiepiscopi in honore non cedant Magdeburgensi: nec item Archiepiscopi Electores illi cedant locum. Sic enim scribit Metropol. lib. III. cap. XXVIII. *Quomodo vero, & unde consecuta sit hac ecclesia, ut Primas dicatur Germania Archiepiscopus ejus, nec dum comperi: sciens tamen nonnullos Archiepiscopos illi non cedere in honore. Nam Saltzburgeris cum eo contendit de paritate, nec Archiepiscopi electores illi cedunt locum.*

§. CI. Quod itaque ad trigam illam Archiepiscoporum, qui postea Electores facti, attinet, in Excerpto Chronici vetusti Magdeburgensis iidem nominatim excipiuntur, hisque Magdeburgensis Archiepiscopus non praefertur, sed exaequatur. Salisburgensis autem Archiepiscopi cum Magdeburgico controversia (quam tangit Krantzius) tantum abest, ut hujus Primatum tollat, ut potius olim quoque Salisburgensem in Ecclesiastica Magdeburgensi ditione fuisse, donec de eo orta controversia, demonstraret. Atque id etiam pridem vidit, ac luculenter comprobavit antiquitatum Germanicarum callentissimus ac nobilissimus scriptor Bernhardus a Mallincrot: ex cujus eruditissimo de Archicancellaris S. Rom. Imperii libro II. cap. IV. nonnulla afferemus. *Potius arbitror, inquit, cum hactenus, quod meminerim, mihi repertum non sit quicquam de speciali expressa Salisburgensis aequae ac Rhenanorum exceptione, si statuatur, Magdeburgensem Patriarchatum, supra Iuvaviensem istum, jam inde a primava erectione se extendisse, nec minus hodieque se extendere: ac contentionem illam de sessione & praecedentia, de qua Krantzius scribit, quaeque in hodiernum usque diem indecisa permanet, eo primum exortam esse tempore, quo Salisburgensis perpetuo & herc-*

hereditario jure sedis Apostolica Legatus Natus fuit creatus ;
quod contigit sub Gregorio VII. in persona S. Gebhardi, ejus
loci Archiepiscopi. Ut enim Krantzii objectionem effugia-
mus, necesse est aliquot Archi-Episcopos & duos ad mini-
mum novissimam Primati subjectos fuisse ; Salisburgensem ni-
mirum, & Bremensem ; quibus postea temporis Rigensis &
Pragensis accesserunt. Quo pacto Archiepiscopus Magde-
burgensis pro Primatu suo primum quidem duobus, post
quatuor Archiepiscopis praeiussit.

§. CII. Et vero ne quis putet, Primatum illum Mag-
deburgicum veris nullis literarum monumentis nixum ; ut
contrariae sententiae appareat veritas, ipsius Iohannis XIII.
privilegium ad Adelbertum primum Archiepiscopum
Magdeb. hoc ipso nomine perscriptum afferemus.

*Johannes Episcopus servus servorum Dei, dilecto nobis
in Christo confratri Adalberto S. Magdeburg. Ecclesiae Ar-
chiepiscopo in Domino aeternam salutem. Sicut loca, quae ad
salutem maxime populi & gentis ad Deum conversionis fun-
data sunt, privilegio nostrae auctoritatis munimus & decora-
mus, hoc ad profectum & divinae religionis cultum pertinere
nullo modo dubitamus. Igitur quia sedem Magdeb. cui Deus
auctor praesides, nostra tuorumque comprovincialium au-
thoritate Archiepiscopalem esse decrevimus, quem inter ca-
teras Ecclesias ordinem, vigorem, Primatum & equitatem
habere in posterum debeat, Apostolica sedis privilegio muniri
sanximus. Dei igitur omnipotentis auctoritate, & B. Petri
Apostolorum Principis, & nostra, te tuosque successores in-
perpetuum & Ecclesiam tuam omnium Ecclesiarum Archie-
piscoporum & Episcoporum, qui in Germania sunt ordinati,
in sedendo, in judicando, in confirmando, in subscribendo,
in sententiis dandis, omni que Ecclesiastico ordine Primatum*

habere volumus. Eorum vero qui sunt in Gallia, item Mogontiens. Trevirens. & Coloniens. Ecclesia, in omnibus partem honorem & similem vigorem presenti privilegio confirmamus. Ceterum more Romanae Ecclesiae Ecclesiam tuam, duodecim Presbyteros & septem diaconos, & viginti quatuor subdiaconos Cardinales, qui sandaliis & lisis utantur, habere volumus. Super hoc vero eisdem Presbyteris & Abbatibus Ecclesiae Sancti Johannis Baptista in suburbio ejusdem civitatis constructae tunicis uti concedimus. Quibus exceptis & Episcopis super altare in honorem B. Mauritii dedicatum missam celebrare aliquis nullo modo presumat, quod non ad superbiam, sed ad loci sanctitatem speciali reverentia, presenti privilegio munimus & decoramus. Quapropter frater fraterime, Dominicorum salubriter reminiscens mandatorum ita in commissa plebis regimine lucrandisque animabus indigila, ut Redemptori nostro fructum bonae operationis, in quo letari possis, exhibeas. Scriptum per manum Stephani scrinarii sanctae sedis Apostolicae in mense Octobri Indict. XII.

§. CIII. Superpondii loco addamus & alia de hoc Primatu testimonia. Et primo quidem huc referas, quod Benedictus VI. Pontifex ad Archiepiscopos Germaniae scribens, Adelbertum primum Magdeburgensem Archiepiscopum singulariter non modo salutarit Germania Patriarcham, sed etiam Coloniensi Archiepiscopo praeposuerit. Verba Pontificis ita habent: *Dilectissimis in Christo filiis, Ruperto Mogontino, Theodorico Trevirensi, Alberto Magdeburgensi, Patriarchae Germaniae, Gerioni Agrippinensi, Frederico Iuvavensi, Adalduino Bremensi Archiepiscopis --- Benedictus divina gratia Apostolicae sedis Pontifex, servus autem servorum Dei, in Domino salutem.* Repetit hoc epistola
anici-

initium Aventinus Annalium Bojorum lib. I. ac porro ad illud provocat Vita Norberti Archiepiscopi Magdeburgensis scriptor cap. XXXIX. ubi ait: *Vt ex literis Benedicti Papæ VI. ad Germania Episcopos de S. Pilgrino & Passaviensi Ecclesia an. 973. liquet; ubi Albertus Ecclesia metropolitana Magdeburgensis Archiepiscopus, primus Patriarcha Germania nominatur.* Idem facit David Chytræus Saxonie lib. XXXI. (pag. 944.) Deinde vetus illa de fundatione hujus Archiepiscopatus narratio in Ms. Chronico Magdeb. Primatum illum Magdeburgensi Ecclesie tributum ita memorat: *Johannes Papa privilegio apostolica auctoritatis sanxit ac confirmavit, cum in omni ordine ecclesiastico Primatum habere omnium ecclesiarum Archiepiscoporum qui in Germania sunt ordinati, in Gallia quoque Colonienſi, Mogontinenſi, Trevirenſi Archiepiscopis per omnia honore similem esse, crucis signaculum ante se ferre, & inter Cardinales Episcopos Romane sedis consortium habere.* Huc porro spectant verba Wertheri Rolevinckii in Fasciculo Temporum: *Ecclesia Magdeburgensis glorioſe extruitur, & dotatur per Othonem primum, & Archiepiscopus ejus fit Primas Almania.* Vt & Theodorici de Niem libro de Privilegiis & Juribus Imperii: *Imperator Otto Archiepiscopum Magdeburgensem, qui esset pro tempore, per Papam ejus ætatis, Primatem Germania fieri procuravit.* Item laudatus Scriptor vitæ Norbertinæ, qui extat lib. II. Bibliothecæ Præmonstratensis d.l. *Eo quippe Primatu, seu suprema inspectione in omnes Germania Archiepiscopos, olim Otho Imp. nomine primus, de assensu & consilio Pontificis summi & Ravennatis Concilii, Magdeburgensem Ecclesiam ornari fecerat.* Rectissime igitur è manu Schilterus in aureo opere *de libertate Ecclesiarum Germania*

nia lib. III. cap. VII. §. i. scripsit : *Otto Imp. Archiepiscopatum Magdeburgensem ordinavit, & concurrente auctoritate Pontificis Romani Primatus Germaniæ Archiepiscopatus huic tanquam apex quidam superadditus fuit.*

§. CIV. Jam quia potissima ad origines Archiepiscopatus Magdeburgensis pertinentia absolvimus, nunc etiam de primo Archiepiscopo dispiciemus. Animus autem erat Ottoni ad hanc dignitatem evehere *Richarium* Magdeburgensis Ecclesiæ Abbatem tertium, *Othwini* Episcopali Hildesheimensi dignitate aucti successorem : quem propter singularem eruditionem ac prudentiam itineris Romani comitem habuerat. Sed quod litteris clanculum ad Imperatorem scriptis acerbius corripere, Imperator animum ab eo prorsus avertit. Atque hoc est, quod ait *Ditmarus* lib. II. *Imperator vocavit ad se Richarium Magdeburgensis Ecclesiæ Abbatem tertium. Nam Anno 975 Othwinus, tunc Episcopi, præsuerunt. Et volens hunc dignitate sacerdotali decorare, visa quadam epistola, quæ clanculum sibi deferebatur, omisit.* Et pluribus explicant *Annales* Magdeburgici his verbis. *Quibus peractis Caesar latatus, nec minus pro adhuc peragendis secundum Deum sollicitus, accersito Richario, Magdeburgensis cænobii Abbate tertio, eorum Annone Wormaciensi & Othwino Hildensemensi Episcopis secum tunc forte commorantibus, volebat illum officio Episcopatus fungi in ipsa sedis suæ mutatione : sed impediunt quidam occulto consilio, & Imperatori pro secreto hoc delata litera. Confer Meibomii Chronicon monasterii Bergensis.*

§. CV. Iniquo Richarius hanc repulsam tulit animo, deque ignominia, sibi, ut putabat, illata vindicanda totus cogitavit. Verum divina factum est providentia, ut non mul-

multo post de vita decederet, ne forte per imprudentiam ultione doloris religiosa persona admodum indigna se pollueret. *Qui dum se tanto honore privatum intelligens* (hæc verba sunt Annalium Magdeburg.) *minus aquo animo ferret, ac impediendo tam sancto proposito Imperatori quoque pacto obviare proponeret, brevi pulsatus valetudine terrena mutavit cælestibus, successitque in ipsa sedis mutatione Herdigus.*

§. CVI. Sic igitur rejecto Richario, Otto Imp. ADELBERTVM, Trevirensē ad S. Maximinum cœnōbitam, Ruffiæ jam præfectum Episcopum, sed a paganis pulsum, & in Weissenburgensi Abbatia interea commorantem, virum doctrina ac moribus probatissimū ad hoc evexit fastigium. Sic enim Ditmarus lib. II. *Adelbertum Trevirensē, professione monachum, sed Ruffiæ prius ordinatum Præsulem, & hinc a gentilibus expulsū, ad Archiepiscopatus apicem, inclitū patrem, & per omnia probatum anno Dominicæ incarnationis DCCCCLXX.* (vel ipsum Ditmarum, vel librarium in hoc anno fallere, bulla Johannis XIII. quæ mox sequetur, docebit.) *XV. Kal. Novemb. Apostolica autoritate promovit.* Fragmentum Annalium Magdeb. *Erat tunc quidam magni nominis & meriti Adelbertus, qui dudum Treveris de cœnōbio S. Maximini monachus abstractus, & Episcopus consecratus ad prædicandum Rugiæ fuerat destinatus; sed populus exasperatus dura fronte & indomabili corde expulit illum de sinibus suis, contemnens evangelizantem evangelium pacis, quia Dei providentia in terra nostra illi populus committendus erat novæ acquisitionis. Hunc ergo de Weissenburgensi abbatia, quam interim regebat, assumptum per omnia dignum & probatum Cæsar prædictæ Ecclesiæ Magdeburgensis sacerdotio promovit.*

§. CVII. Quod autem consuetudo inoleverat, ne prius defungerentur Archiepiscopali munere, quam singulare pallium a Romano Pontifice consecratum acceperant Praefules, pro eo impetrando Romam missus est Adelbertus, idque non difficulter a Johanne Pontifice impetravit. Sic enim pergit laudatus Annalium conditor: *Illumque Romam pro pallio ab apostolica sede suscipiendo cum literis suis auctoritatis direxit. Sedit eo tempore in clavigeri caelestis cathedra gratia & nomine Ioannes, Papa nominis illius tredecimus, in ordine vero Romanorum Pontificum centesimus tricesimus sextus. Hic igitur benignissime illum suscipiens proprio studio gloriosissimi Imperatoris, quod in amplificatione divini cultus habebat, gaudens, ideoque iustis ejus petitionibus annuens illum apostolica auctoritate, Episcopum fore, ejusque successores decrevit: cui & pallium ad missarum solennia celebranda dedit, & ipse nimia dilectione communitus XV. Kal. Novembr. id est in festo S. Luca Evangelista ordinavit.*

§. CVIII. Ipsa bulla papalis, qua Adelberto praerogativa pallii credita, inter ceteras antiquitates Magdeburgenses a clarissimo Oleario nobiscum communicatas superat, quam lectori minime invidemus.

Johannes Episcopus Servus servorum Dei reverendissimo confratri nostro Adelberto sanctae Magdeburgensis Ecclesiae Archiepiscopo aeternam in Domino salutem. Si pastores ovium solum geluque pro gregis sui custodia die ac nocte ferre contenti sint, ne qua ex eis aut errando pereat, aut feris laniata morsibus rapiatur, oculis semper vigilantibus circumspiciant: Quanto sudore quantoque cura debemus semper pervigilare nos, qui pastores animarum dicimur? Attendamus, & susceptum officium exhibere erga custodiam

Do-

Dominicarum orium non cessemus, ne in die divini examinis
propterea desideria nostra ante summum pastorem negligens-
tia reatus excruciet, unde modo bonoris reverentia sublimio-
res inter ceteros judicamur. Igitur quia gloriosissimus
spiritualis Otto Imperator Augustus civitatem, quam Magde-
burg dicunt, in confinio Saxonum & Sclavorum in ripa flu-
minis Albis, in parochia scilicet Halberstadenfis Episcopi
fundavit, & Ecclesiam inibi construxit, Canonicosque con-
stituit, ad quorum subsidium satis contulit, & innumeram
multitudinem Sclavorum ad divina regionis cultum condix-
it, Confratres Hatto sancta Magunciensis Ecclesie Archie-
piscopus & Hildwardus Halberstadenfis Ecclesie Episcopus
& comprovinciales Episcopi, sicut per consentaneas & peti-
torias literas ab ipsis propriis manibus roboratas, que in prae-
sentia nostra ante corpus B. Petri Apostoli relectae sunt, didi-
cimus, in praedicta Magdeb. civitate Archiepiscopalem sedem
privilegio Apostolica sedis statui ordinaverunt, qua ultra Al-
biam & Salam in congruentibus locis subiectos Episcopos,
qui non ordinati sunt, & ordinandi futuris post temporibus
erunt, habeat, nostrum post Deum iudicio, qualiter eadem Ar-
chiepiscopalis sedes ordinari debeat, deliberandum precan-
tes, ne per invidiam fidei tanta Sclavorum plebs Deo noviter
acquisita callidi hostis, quod absit, rapiatur in sedem. Unde
quia confrater, & coepiscopus noster, clerus & populus sancta
Magdeb. Ecclesie de te olim ad gentes missum ad Archiepisco-
palem sedem promoveri, & eidem sedi inthronizari quarit,
sicut bone memorie predecessorem nostrum Zachariam Pa-
pam, beatum Bonifacium ad gentes destinatum Ecclesie Mo-
gonciensi inthronizasse sciunt, religiosi desiderii nihil tar-
ditatis impendo, sed privilegio nostra auctoritatis dignum
te eis esse Archiepiscopum iudico. Vnde quia ob hoc agen-
dum

dum ad Apostolicam sedem ipse venisti, pro amore beatorum
Mauritii & Innocentii Martyrum & aliorum sanctorum,
qui Magdeb. requiescunt, & predicti spiritualis filii nostri
Ottonis Imperatoris Augusti petitione, qui ejusdem Ecclesia
auctor & fundator est, & quia ad perfectum Christiana re-
ligionis & innumeri populi salutem valere scimus, ipsi pal-
lium tibi ad missarum solemnias celebranda damus, ipsi nimia
dilectione commoti circa te ponimus, & eo te, sicut Archiepi-
scopum Moguncensem & Trevirensensem, uti concedimus.
Præterea statutis his diebus, Natalis Domini, Epiphania,
Resurrectionis Domini, Ascensionis, Pentecostes, Natalitii
Apostolorum, S. Laurentii, & festivitate S. Virginis Mariae
& eorum Sanctorum, qui Magdeb. requiescunt, & in conse-
cratione suffraganeorum tuorum Episcoporum, & dedicati-
onibus Ecclesiarum, in die Natalitii tui, & ita tuis impo-
sitoribus ex auctoritate Apostolica sedis presenti privi-
legio concedimus, & confirmamus, ita tamen ut unusquisque,
qui pro tempore fuerit, ab Apostolica sede, secundum morem
illud recipiat. Itaque vita tua filiis tuis sit regula, in ipsa si
qua tortitudo illis injecta est, dirigantur, in ea, quod imiten-
tur, aspiciant, in ipsa se semper considerando perficiant, ut
tuum præter Deum judicatur esse bene, quod vixerint. Cor
ergo neque prospera, quæ temporaliter blandiuntur, extollant,
neque adversa deiciant, sed quicquid illud fuerit, virtute
patientie devincatur, nullum favor indiscretus inveniat,
districtum malicognoſcant, in fontem apud te culpabilem
suggerio mala non faciat, nocentem gratia non excuset. San-
cta Trinitas fraternitatem nostram gratia sua protectione
circumdet, atque ita in timoris sui via nos dirigat, ut post vi-
ta hujus amaritudinem ad eternam simul pervenire merea-
mur dulcedinem. Scriptum per manum Stephani Regionarii
&

Et scriniarii sanctae sedis Apostolica, in mense Octobri, Et
Indictione XII. Bene vale. Dat. XV. Kal. Nov. per manum
Widonis Episcopi sanctae Sylve Candidae Ecclesiae, Et Bibliote-
carii sanctae sedis Apostolica, anno, Deo propitio, Pontifica-
tus nostri Domini summi Pontificis Et Universalis XIII. Pa-
pe in sanctissima sede B. Petri, quarto, Domino nostro
Augusto Ottone a Deo coronato magno Imperatore, anno
VII. filioq. ejus anno primo, Indict. XII. Dominica In-
carn. DCCCCLXVIII. anno.

Quae quidem subscriptio si se habet recte, Adalber-
tus Archiepiscopalem cum pallio dignitatem non impetra-
vit anno demum hujus saeculi septuagesimo, ut est in Ma-
deriana Dittmari editione, sed anno octavo & sexagesi-
mo, non diu post Ravennatensem synodum.

§. CIX. Ab eodem Pontifice Johanne XIII. Adal-
bertus noster certam accepit bullam de potestate ordinan-
di suos suffraganeos: qua, quod ad illustrandas Archiepisco-
patus Magdeburgici origines pertineat, itidem integram
afferamus.

Johannes Episcopus servus servorum Dei, charissimo
confratri nostro Adalberto sanctae Magdeburgensis Ecclesia
Archipresuli in Domino aeternam salutem. Ita te, frater
charissime, Et Coepiscope noster, vita moresq. tui haecenus
idoneum reddidere, ut multa tibi credere, plura etiam com-
mittere, sicut bono dispensatori, non haesitemus. Igitur
quia ad pastorale culmen plebis tuae Et comprovincialium
tuorum Et nostra post Deum te auctoritas promovit, Et quia
tanta Sclavorum plebs ultra studios Albiam Et Salam scilicet
Deo noviter acquisita paucis pastoribus minime tueri potest,
qualiter Episcopis tuae sedi subjectis parochias rationabiliter
Et caute divides Et distribuas, tua dispensationis Et discre-
tionis

tionis examini committo, & hoc Serenissimi spiritualis filii nostri Imperatoris Augusti, qui ejusdem tuae Ecclesiae fundator & auctor est, cura, diligentia & judicio fieri, per praesentis privilegii munimen statuo & confirmo. Sit ergo ab Apostolica sede, cui, Deo auctore, praesideo, Ecclesia tua concessum, ut ab ejus Rectoribus Episcopi, qui ultra Albiam & Salam constituti & constituendi sunt, post futuris temporibus consecrentur, & ipsi ejusdem tuae scilicet Ecclesiae Archiepiscopus, sicut pro tempore fuerint, consecrent, qui pallium secundum morem Romanae Ecclesiae a nostra sede recipiant. Unde frater charissime, dilectionem tuam admoneo & obtestor, ut animo sis sollicitus, ne aliquid sibi commodi dato aut gratia, quacunque supplicatio personarum in sacris ordinibus vendicet, sed ad hoc officium ille perducatur, quem morum gravitas commendet, & vita praeiterita actio. Oramus autem omnipotentem Deum, ut sua te munitione circumagat, & sacerdotii susceptum officium operibus implere concedat. Actum per manum Stephani scriniarii & Bibliothecarii sanctae Romanae Ecclesiae, in mense Octobri, Indictione statutum duodecima.

§. CX. Quamprimum Adelbertus archiepiscopali pallio ornatus, cum legatis Romanae Ecclesiae, Widone scilicet Episcopo Bibliothecario & Benedicto Cardinali, qui illum cum Hildwardo Halberstatensi Episcopo sedi suae introfuerant, dimissus ad Imperatorem latus remeavit, quem Imperator nihilominus gaudens, utpote beati sui desiderii compos, cum literis commendatitiis Magdeburg destinavit. Illuc ergo ex praecepto Imperatoris Episcopi Marchiones & reliqui Saxoniae Principes convenientes, ipsum honorifice susceperunt, & vocum acclamatione, manuumque elevatione electum cum praefatis Apostolicae sedis legatis celebri ritu introfuerunt.

misaverunt. Adfuit omnis sexus & aetas gaudentium: fuit
prorsus generale tripudium. Narratio hæc est Annalium
Magdeburgensium non contemnenda, illustrans ista Dic-
tari Mersburgensis Episcopi: Tunc (Otto Imp.) mi-
sit eum ad sedem suam cum magno honore, precipiens uni-
versis Saxonia Principibus, ut proximum natale Domini
cum eo essent.

§. CXI. Hoc Ottonis Magni ad Principes Saxoniæ
scriptum ex codice MS. integrum representabimus.

In nomine Sanctæ & Individuæ Trinitatis. Otto divi-
na favente clementia Imperator Augustus. Omnibus fideli-
bus nostris Episcopis scilicet & Comitibus, caterisque compro-
vincialibus nostris eternam in Domino salutem & omne bo-
num. Quoniam augmentum divini cultus salutem & sta-
tum esse regni vel imperii nostri credimus, idcirco cunctis,
quibus posse suppetit, modis hoc amplificare tendimus & de-
sideramus. Igitur in Magdeburg civitate fratrum omni-
um nostrorum noverit caritas, Archiepiscopalem sedem fieri
desiderantes, oportuno vero & jam temporis ad hoc per-
agendum tempus invenientes, consilio venerabilis Archiepi-
scopi Hattonis & Hildewardi Episcopi caterorumque fidelium
nostrorum, virum venerabilem Adalbertum Episcopum olim
Rugis prædicatorem destinatum & missum, Archiepisco-
pum & Metropolitanum totius ultra Albiam & Salam Scla-
vorum gentis modo ad Deum conversa vel convertenda fieri
decrevimus pariter & elegimus, quem & Romam pro pallio
a Domino Papa suscipiendo direximus. Et ut hæc nostra
electio firmior & subnixior fiat, eum vestra caritati dirigi-
mus, & ut a vobis omnibus & vocum acclamatione & ma-
nuum elevatione electus sua sedi inthronifetur, omnibus mo-
dis desideramus. Ne vero hæc ejus electio vel inthroniza-
tio

zio futuris, quod absit, temporibus aliquorum valeat invidia molestari, tres ab illo Episcopos, unum Merseburgensem, alterum Cica, tertium Misna, in presentia legatorum Domini Papae & vestra volumus ordinari, ut hac eadem presentia vestra ante Deum & Sanctos ejus intentionis nostra sit testis futura. Et quia vir venerabilis Buso multum in eadem Sclavorum gente ad Deum convertenda sudavit, inter Merseburgensem & Citicensem Ecclesiam, quam velit, electionem habeat. Altera vero secundum convenientiam nostram in dispositionem Archiepiscopi nostri cedat. Vos autem Marchiones nostros Wigbertum scilicet, Wiggerum & Guntherum fidelitate nobis debita obtestamur & admonemus, ne quid in hac ordinatione Archiepiscopo nostro in vobis obsistat, sed secundum dispositionem nostram & suam, ut vobis direxit, fiat, & quacumque ab illo audieritis, nos velle, sciatis. Ne vero iidem Episcopi, qui ordinandi erunt, pauperes & villanis similes aestimentur, volumus caveatis, & consilio Archiepiscopi & eorum, qui cum illo in Natali Domini erunt, Episcoporum & Comitum, qualiter sustententur, inveniat. Quicquid enim illis impenditur, pro nostra Deo salute offertur, vestraque pro hoc merces apud Deum non minorabitur. Super hoc Domini Episcopi Dudo & Dudolinus in Archiepiscopi nostri electione volumus ut subscribant, & fidem subjectionemque illi promittant. Et ut hac nostra, vestraque post Deum electio firma & stabilis perseveret, chartam vel notitiam hanc in Ecclesia Magdeburgensi perpetualiter mansuram, & eorum, quae praediximus, testem jugiter futuram scribi iussimus, quam & manu propria subtus firmavimus, & annuli nostri impressione signari iussimus.

§. CXII. Egregium, memorabile, ac vere cedro dignum hoc est Ottonis M. ad Principes Saxoniae tam sacri,
quam

quam civilis ordinis missum præceptum : utpote de variis rebus accurate nos erudiens. Ut enim taceam, hanc scripturam pro genuina primi Magdeburgensis Episcopi Adalberti confirmatione Imperatoria habendam ; eadem porro monstrat, quomodo paroeciani per acclamationem & manuum elevationem consensum suum testantes Præfulem recipere consueverint : nec minus quomodo Comitibus & Marchionibus commissa fuerit cura providendi, ne quid in sustentandis deesset Episcopis, eaq; de re consilia singulartiter sint agitata. Præterea ex eadem docemur, quo pacto novi Episcopi suis Archiepiscopis fidem ac subjectionem publica voce promiserint. Deniq; nec illud est indignum observatu, Bosoni optionem ab Imperatori esse relictam, in eligenda sive Mersburgensi sive Cizensi episcopali diœcesi : cui tamen priorem placuisse, sequens historia monstrabit series. Quæ cum ita se habeant, merito magnas iis debemus gratias, qui hanc quoque scriptionem una cum ceteris diligenter conservarunt : nec minores ut Cl. Oleario agamus, æquum est, quippe qui singulari cura describi fecit hæc literarum monumenta, ac porro tam benevole nobis eorum fecit copiam.

§. CXIII. Sic igitur in ipsis Christi Natalitiis novus Archiepiscopus novos cathedrali Ecclesiæ suæ subiectos consecravit Episcopos, Merseburgensem, Misnensem, & Cizensem. Ditmarus iterum : *Archiepiscopus autem a clero & omni populo magnifice susceptus, in his festivis diebus consecravit Bosonem Merseburgensis Ecclesiæ pastorem, Burckardum Misnensis Ecclesiæ provisorem, Hugonem Episcopum Cizensem.* In fidem porro suam suorumque successorum suscepit Havelburgensem, Brandeburgensem & Posnaniensem jam ante consecratos Episcopos. *Havelburgensis Ecclesiæ custodem,*

ait Ditmarus, his Tudonem cooptavit prius consecratum. Omnes hos, inquam, consecravit, subjectionem sibi suisque promittentes successoribus, disposita singulis quibusque parochia speciali. Additus est his confratribus Brandenburgensis Ecclesie pastor Ditmarus (Dudolinus) ante hos unctus, et Jordan Episcopus Posnaniensis. Fragmentum Chronici Magdeb. Vbi ad confirmationem sui idem Archiepiscopus in presentia eorumdem (Saxonie Principum) Nativitatem Domini secum celebrantium Bosonem monachum Merseburgensi, Burchardum Misnensi, Hugonem Cyzensi, Ecclesiis primos Episcopos ordinavit, Dudo quoque Havelbergensis et Dudelinus Brandenburgensis Episcopi prius quidem Moguntino Archiepiscopo subiecti, sed tum agente Imperatore, a debita sui obedientia absoluti, Magdeburgensi Ecclesie et ejus Archiepiscopo cum prefatis confratribus fidem et subjectionem promiserunt.

S. CXIV. Quod vero Brandenburgensis et Havelbergensis Episcopi sedi hactenus paruerant Moguntinae, et jam in novam Magdeburgensem transferebantur archidioecesi, opus erat Archiepiscopi Moguntini consensu; quem etiam Hatto sequenti diplomate professus est.

In nomine sancte et individue Trinitatis Hatto divina auxiliante clementia sancte Mogonciacensis Ecclesie Archiepiscopus. Quia sollicitudo pastorum in augmento gregis probatur, nec tantum Ecclesiis nostris praeesse, quantum prodesse jubemur, Idcirco nos onus nobis impositum in plura dividendum censuimus, ut dum in plures participatur, ab unoquoque nostrum, jugum Christi, quod suave, et onus ejus quod leve est, equius et portabilius portetur. Ad dilatandos quippe fidei Christianae terminos et Sclavorum indomitas gentes ultra Albiam et Salam jugo Christi subdandos in Magdeburg sedem Archiepiscopalem fieri, et in Merseburg Episcopum

Episcopum Magdeburgensi Ecclesie subijciendum, & ab eius Archiepiscopo ordinandum Archiepiscopali nostra auctoritate censuimus & instituimus. Episcopos vero ultra Albiam, Brandenburgensem scilicet & Havelbergensem nostra hactenus Ecclesia subiectos a debita nobis obedientia absolvimus, & praescripta Magdeburgensi Ecclesiae ejusque Archiepiscopo obedituros aequè permittimus & consentimus. Ne quam vero sancta Magdeburgensis Ecclesia futuris, quod absit, temporibus a nostris successoribus inde molestiam patiantur, Cartam hanc consentaneam conscribi iussimus, & in praesentia Serenissimi Domini Augusti Imperatoris vel venerabilium Episcoporum, quorum nomina inferius inferentur, legi vel recitari, & subscriptionibus corroborari & confirmari rogamus. Ego Hatto Sanctae Moguntinae Ecclesiae Archiepiscopus manu propria confirmavi & subscripsi. Ego Everardus Sanctae Leodicensis Ecclesiae Episcopus consensi & subscripsi. Ego Reginaldus Sanctae Rubilocensis Episcopus consensi ac subscripsi. Odelricus Pergami Episcopus interfui & subscripsi. Hubertus Episcopus subscripsi. Milo Episcopus subscripsi.

§. CXV. Atque haec pro tempore in historia Adelberti sufficiant: quibus addideris, quod ab excessu primi Mersburgensis Episcopi Bosonis, cum Otto Caesar successorem designasset Gisilerum, Adelbertus noster eundem Magdeburgi consecraverit. Sic enim scribit Ditmarus lib. II. Cum primus Ecclesiae pater nostrae expiraret, intercessione Annonis Episcopi Wormaciensis, Imperator Gisilero moribus & natura nobili Episcopatum dedit. Hic consecratur in Magdeburg ab Alberto Archidiacono, Junio mense. Quae restant alia, alibi, Deo volente, afferemus. Nunc denuo ad enarrandam ac celebrandam Ottonis Magni adversus novum hunc Archiepiscopatum munificentiam posthincin revertimur.

§. CXVI.

§. CXVI. Anno igitur DCCCCLXVIII. mense Octobri Ravennæ subsistens prædium Bodenhufanum cathedrali Ecclesiæ Magdeburgensi donat sequenti diplomate.

In Nomine Sanctæ & Individuæ Trinitatis. Otto divina favente clementia Imperator Augustus. Noverit omnium nostrorum tam presentium, quam & futurorum industria, qualiter nos interventu dilectæ conjugis nostræ Adelheidis filiique & Coimperatoris nostri Ottonis tale nostræ proprietatis prædium, quale nos in Bodenhufen usque ad hanc diem habuimus, cum omnibus appenditiis suis tam in mancipiis, quam in edificiis, terris cultis & incultis, pratis, pascuis, silvis, aquis, aquarumque decursibus, molendinis, in mobilibus & immobilibus, exitibus & redditibus, quæ sitis & inquirendis, Sancto Mauritio in Magdeburg liberaliter offerimus, & Archiepiscopis illius Ecclesiæ perpetualiter concedimus, ut teneant & possideant, & suis usibus, sicuti res Ecclesiasticas, juxta libitum adjungant. Et ut hoc nostræ munificentie munus eidem Ecclesiæ fidelibus nostrisque verius credatur, hanc cartam scribi, & annuli nostri impressione signari jussimus, quam & propria manu subter firmavimus. Data VII. Non. Octob. Anno Dominicæ Incarnationis DCCCCLXVIII. Indictione X. Anno vero regni Domini Ottonis XXXIV. Imperii autem VII. Actum Ravenna in Domno feliciter. amen. Signum Domini Ottonis Magni & Invictissimi Imperatoris Augusti. Ludigerus Cancellarius ad vicem Haddonis Archicapellani recognovi.

§. CXVII. Eodem porro die Magdeburgensi Archiepiscopatu offerit dominium monasterii in Bebera a Bilingo Comite exstructi, una cum castello & villa adjacente. Sequitur ipsa diplomatis formula.

In Nomine Sanctæ & Individuæ Trinitatis. Otto divina

na

na favente clementia Imperator Augustus. Noverit omnium
fidelium nostrorum tam presentium, quam & futurorum in-
dustria, qualiter nos interventu dilectæ conjugis nostræ
Adelheidis, filique & Coimperatoris nostri Ottonis, Monaste-
rium, (hic omissus locus, quem ex inscriptione diplomatis
restituimus:) quod Bilingus Comes in pradio vel fisco nostro
Imperatorii juris a fundamento in honorem beati Johannis
Baptiste sanctorumque Apostolorum Petri & Pauli constru-
xit, cum castello & villa, & omnibus appenditiis, vel pro-
prietatibus, quas prædictus Bilingus de suis eidem monaste-
rio contulit & tradidit, tam in mancipiis, quam in ædificiis,
terris cultis & incultis, pratis, pascuis, silvis, aquis, aqua-
rumve decursibus, molendinis, mobilibus scilicet & immobili-
bus, exitibus & redditibus, questis & inquirendis Sancto
Mauritio in Magdeburg liberaliter offerimus, & Archiepi-
scopis illius Ecclesiæ perpetualiter utendum concedimus, ut
teneant & possideant, & suis usibus illud, sicuti res Ecclesia-
sticas, juxta libitum adjungant. Et ut hoc nostræ munificen-
tiæ munus eidem Ecclesiæ firmum & stabile per successura
tempora permaneat, & a Sanctæ Dei Ecclesiæ fidelibus no-
strisque verius credatur, hanc cartam conscribi, & annuli
nostri impressione signari jussimus, quod & manu propria
subtus firmavimus. Dat. VII. Non. Octob. Anno Dominica
Incarnationis DCCCCLXVIII. Indictione XI. Anno autem
regni Domini Ottonis XXXIII. Imperii vero VII. Actum Ra-
venne in Domino feliciter, Amen. Signum Domini Ottonis
Magni & Invictissimi Imperatoris Augusti. Ludigerus
Cancellarius ad vicem Haddonis Archicapellani notari.

§. CXVIII. Nec minus Otto Imp. eodem die Abbatæ
Angeranzæ a Mechtilde matre sua quondam exstructæ do-
minium Archiepiscopatus Magdeburgensi dedicavit. Nos

M

(sic

(sic habent ipsa verba diplomatis apud Leuberum num. 1609.) *promonitu Adelheida dilectae conjugis nostrae, Abbatiam, cui nomen est Angerin, quam beata memoria domina genetrix nostra Mathilt in honorem Sancti Dionysii martyris Christi construxit, ob remedium & absolutionem animarum domini genitoris nostri Heinrichi regis, Dominaque genitricis nostrae, pro statu quoque & incolumitate regni vel Imperii nostri, filiique & coimperatoris nostri Ottonis, Sancto Maurilio in Magdeburg liberaliter offerimus, & Archiepiscopis illius Ecclesiae perpetualiter utendam concedimus. Eandem donationem Ravennae statim confirmavit Otto II. ac superat in codice Olearii ipsa, qua id fecit, scriptura, ex qua praecipua adscribemus. Notum sit omnibus fidelibus nostris, tam presentibus scilicet, quam & futuris, qualiter nos Antecessorum nostrorum, Imperatorum scilicet & Regum, qui in construendis Ecclesiis Dei studiosius laborabant, easque immunitatibus & privilegiis roborabant, exempla sequentes, sedem Archiepiscopalem vel Ecclesiam S. Maurilii in Magdeb. nostris etiam privilegiis roborari decrevimus. Unde precibus Adelberti Archiepiscopi nostri dilecti permoti, privilegia vel praecepta, seu quaecunque donaria Domini genitoris nostri piissimi Imperatoris Augusti Ottonis sua Ecclesia in Magdeburg collata, nostra etiam autoritate roboramus & confirmamus, & liberali munificentia in perpetuum juxta Sancto Maurilio transfundimus atq. donamus. Abbatiam quoque in Angern, quam idem Dominus genitor noster Sancta Magd. Ecclesia pro remedio animae suae obtulit, nos etiam Imperiali nostra autoritate eidem Ecclesiae donamus, concedimus, & privilegii nostri tuitione Archiepiscopis illius Ecclesiae cum omnibus suis appendentiis perpetualiter servitutam confirmamus & roboramus.*

S. CXIX. Finiente Octobri Otto Imp. privilegio
 Anconæ dato Abbatiam Weissenburgensem in pago Spi-
 rensi sitam Archiepiscopatu Magdeburgensi conjunxit;
 sicquidem ut monachis libera eligendi Abbatis maneret
 potestas, non tamen absque voluntate ac consensu Magde-
 burgensis Archiepiscopi. Integrum hoc diploma, cujus
 excerpta attulerat Meibomius (pag. 130.) excudi fecit Leu-
 berus: (num. 1610.) ex quo potiora huc transcribere ope-
 ra pretium censemus. Cum beatissima memoria Johannes
 Papa summus Romana sedis Pontifex nostra serenitatis pro-
 posito, virum venerabilem Adalbertum Roma transpositum
 in primi Archiepiscopatus apicem Sancta Magdeburgensi Ec-
 clesie Deo ac gloriosissimo militi ejus sanctoque martyri Mau-
 ritio constructa, promovendo consecrasset, nuntiis ac literis
 multimode nobis a se missis rogavit, ac Dei Sanctique Petri
 Apostolorum Principis jussu commovit (MS. commonuit)
 ut quando id novum Archiepiscopium inter gentiles ac Chri-
 stiana fidei dogmate jam nondum perfecte excultos situm vi-
 deatur, abbatia quadam Wizenburg vocata, nostro juri
 propria, inter veros & Christiana fidei perfectos sita, eandem
 Ecclesiam illuc proprie tradendo sublevaremus. Cujus nos
 petitioni, nec non venerando jussui humiliter obsequentes,
 jam dictam abbatiam Wizenburg in pago Spyrensi sitam ad
 Ecclesiam in urbe Magdeburg Deo & Sancto Mauritio
 constructam nostra Imperiali potentia firmissime tradimus,
 & in proprium & perpetuum usum ex nostro jure in hujus
 Ecclesie jura largiendo transfundimus, cum omnibus ejus-
 dem Abbatie regalibus justisque appertinentiis, eo tenore,
 ut a nullo unquam alta vel humilis persona inde non retra-
 henda perpetuo sub manu Archiepiscopi eidem Ecclesie defer-
 vitur a permancat. Insuper etiam concessimus, & jure Im-
 pera-

peratorio constituimus, ut monachi in hac abbazia Deo sub
regula servientes liberam inter se habeant Abbates eligendi
potestatem, & semper sub voluntate & consensu Magdebur-
gensis Archiepiscopi hac fiat electio. — Data II. Kal. No-
vemb. Anno Dominica Incarnat. DCCCCLXVIII. Indictio-
ne XII. Anno vero regni Domini Ottonis XXXIII. Imperii
autem VII. Actum Ancona, in Dei nomine feliciter.
amen.

§. CXX. Denique hoc ipso anno DCCCCLXVIII. Im-
peratorem monasterium prope Magdeburgum in monte,
quod exin *Bergense* vulgo audit, S. Johanni sacrum, jam
consummatum, possessionibus etiam & proventibus an-
nuis sufficienter dotatum, Archiepiscopo Magdeburgensi
subjecisse, ut ille inspector collegii, ephorus, & *ἐπιστάτης*
esset perpetuus, in *Chronico* hujus *Monasterii* annotavit
Henr. Meibomius.

969. §. CXXI. Anno DCCCCLXIX. Otto Imp. pradium
Hunoldeshufanum in Hassia situm Ecclesiae Magdebur-
gensis adscripsit. Præceptum hac de re confectum & Pa-
piæ signatum affero.

*In Nomine Sanctæ & Individuæ Trinitatis. Otto Dei
gratia Imperator Augustus. Noverit omnium fidelium no-
strorum tam presentium, quam futurorum industria, quali-
ter nos ob spem divinæ retributionis, more Antecessorum no-
strorum Regum vel Imperatorum, qui munificentie suæ do-
nis Ecclesias ditaverunt, pro statu Regni vel Imperii nostri, &
pro incolumitate nostra dilectæq. conjugis nostræ Adelheidis fi-
lii, & Coimperatoris nostri Ottonis, instinctu & monitu ve-
nerabilis Episcopi Annonis quoddam pradium Hunoldeshu-
sen nominatum, situm in provincia Hassorum, quod idem
venerabilis Episcopus in beneficium habere videtur, sancto*
Manno

Mauritio Martyri Christi in opem & supplementum operis Magdeb. incepti cum omnibus appendiciis & utilitatibus suis tam in edificiis, quam in mancipiis utriusque sexus, pratis, pascuis, silvis, aquis, aquarumve decursibus, molen- dinis, mobilibus & immobilibus, viis & invius, exitibus & re- ditibus, terris cultis & incultis, quasitis & inquirendis, Imperiali nostra munificentia in perpetuam proprietatem transfundimus & donamus, ut Archiepiscopi illius Ecclesia secure & inoffense teneant & possideant, & suis, ut Eccle- siasticas res, usibus adjungant. Et ut hoc autoritatis nostra donum firmum & stabile permaneat, hanc cartam conscribi & annuli nostri impressione signari iussimus, & manu pro- pria subius firmavimus. Datum VII. Kal. Augusti, Anno Incarnationis Dominice DCCCCLXIX. Anno Imperii Domi- ni Ottonis VIII. Filii autem ejus tertio. Actum Papiæ in Dei nomine. amen. Signum Domini Ottonis Junioris invictissi- mi Imperatoris Augusti. Ludigerus Cancellarius ad vicem Hattonis Archicapellani recognovi & subscripsi.

§. CXXII. Initio anni sequentis Otto Imp. adhuc subsistens Papiæ præceptum conscribi fecit de bonis in Guddenstein Archiepiscopatu Magdeburgensi dedican- dis: ac sequitur ejusdem formula.

In Nomine Sanctæ & Individuæ Trinitatis. Otto divina favente Clementia Imperator Augustus. Noverint omnes fideles nostri tam presentes, quam & futuri, qualiter nos interventu dilectæ conjugis nostræ Adelheidis filique & Coimperatoris nostri Ottonis, pro salute & remedio anima- rum nostrarum, pro statu quoque regni vel Imperii nostri, Deo sanctoque Martyri Mauritio, quicquid hactenus in Guddenstein habere visi sumus, tam in edificiis, quam in mancipiis utriusque sexus, terris cultis & incultis, pratis,

M 3

pascuis

pascuis, aquis, aquarumve decursibus, piscationibus, molen-
dinis, mobilibus & immobilibus, exitibus & redditibus, qua-
sitis & inquirendis, cum omni utilitate liberaliter offerimus,
& in jus perpetuum transfundimus & donamus, eo scilicet
tenore, ut Archiepiscopus sanctæ Magdeb. Ecclesiæ suique
Successores teneant & possideant, & suis juxta libitum, ut
res Ecclesiasticas, usibus adjungant. Et ut hoc liberalitatis
nostre munus eidem Ecclesiæ per successura tempora firmum
& stabile permaneat, & a nostris fidelibus verius creda-
tur, cartam hanc conscribi, & annuli nostri impressione si-
gnari iussimus, quam & manu propria subtus firmavimus.
Datum X. Kal. Febr. Anno Dominicæ Incarnationis DCCCC-
LXX. Indictione XIII. Anno regni Serenissimi Regis Ottonis
XXXV. Imperii scil. sui in Italia VIII. Actum in civitate Pa-
piensi infra Palatium, in Christi nomine, amen. Signum Domi-
ni Ottonis Magni & Invictissimi Imperatoris Augusti. Luit-
gerus Cancellarius ad vicem Archiepiscopi & Capellani re-
cognovi & subscripsi.

§. CXXIII. Sequenti autem die aliud conscriptum
est præceptum de donatione municipii Sputne ad Salam-
fiti: quod itidem cum benevolo lectore communicamus.

In Nomine Sanctæ & Individuæ Trinitatis. Otto di-
vina favente gratia Imperator Augustus. Noverit omnium
fidelium nostrorum tam presentium quam futurorum indu-
stria, qualiter nos pro remedio & absolutione animæ nostræ,
& pro statu & incolumitate regni vel Imperii nostri, dile-
ctæque conjugis nostræ Adalbeidis, filiique & Coimperatoris
nostri Ottonis, municipium Sputne dictum in orientali parte
Sala fluminis situm, cum omni burgiwardo suo, quicquid no-
stri juris inibi esse videtur, ex toto & ex integro cum omnibus
appenditiis suis, tam in ædificiis, quam in familiis, vel man-
cipiis

cipiis utriusque sexus, terris cultis & incultis, pratis, pascuis,
 aquis, aquarumque decursibus, viis & invius, exitibus & re-
 ditibus, quæsitis & inquirendis, Sancto Mauritio Magdeb.
 in perpetuam possessionem liberali munificentia offerimus &
 donamus. Et ut hoc largitatis nostræ donum eidem Ecclesia
 firmum & stabile permaneat, hoc autoritatis nostræ prae-
 ceptum conscribi & annuli nostri impressione signari iussimus,
 quod & manu propria subtus firmavimus. Datum IX. Kal.
 Febr. Anno Dominica Incarnationis DCCCCLXX. Indictio-
 ne XIII. Anno Imperii Domini Ottonis IX. Filii autem ejus
 III. Actum Papia. In Dei nomine amen. Signum Domini
 Ottonis Magni & Invictissimi Imperatoris Augusti. Ludi-
 gerus Cancellarius ad vicem Ruperti Archicapellani notavi.

§. CXXIV. Eodem die Imp. Otto quicquid prædii
 habuit in villa Bornsted, toties laudatæ Magdeburgensi Ec-
 clesiae resignavit sequenti diplomate.

In Nomine Sanctæ & Individua Trinitatis. Otto di-
 vina favente clementia Imperator Augustus. Noverit omni-
 um fidelium nostrorum tam presentium, quam futurorum
 industria, qualiter nos interventu dilectæ conjugis nostræ
 Adelheidis filiique carissimi Coimperatoris & coequivoci no-
 stri Ottonis, quidquid prædii habere visum sumus in Brunningi-
 stede, in pago Northuringa, in Comitatu Geronis Comitæ,
 quem hactenus Folcmarus Colonienfis Ecclesiæ Archiepiscopus
 in beneficiū habuit, nostra ex parte cum omnibus appenditiis
 suis, mobilibus & immobilibus, terris cultis & incultis, viis &
 invius, exitibus & redditibus, quæsitis & inquirendis, velo-
 minibus utilitatibus ad idem prædium jure pertinentibus, ad
 opus & servitium sancti Mauricii Martyris liberaliter in per-
 petuam proprietatem in Magdeburg tradimus & donamus,
 ut Archiepiscopi illius Ecclesiæ omni contradictione remota

inoffense teneant & possideant, & suis, ut Ecclesiasticas res,
juxta libitum usibus adjungant. Et ut hoc nostra auctorita-
tis praeceptum vel munificentiae nostrae donum firmum &
inconvulsibile maneat, per successura temporum curricula,
cartam hanc conscribi, & annuli nostri impressione signari
jussimus, quam & manu propria subtus firmavimus. Data
VIII. Kal. Febr. Anno Dominicae Incarnationis DCCCCLXX.
Indictione XIII. Anno Imperii Domini Ottonis VIII. filii au-
tem ejus IV. Actum Papiae in Dei nomine amen. Signum Do-
mini Ottonis Magni & invictissimi Augusti. Ludigerus ad-
vicem Ruperti Archiepiscopi recognovi.

§. CXXV. Ac iterum eodem die conscriptum fuit
privilegium de praedio Retha, & lito quodam Archiepiscopi
patui Magdeburgensi dedicatis. Illius formula ita se habet.

In Nomine Sanctae & Individuae Trinitatis. Otto di-
vina providente clementia Imperator Augustus. Notum
sit omnibus fidelibus nostris tam presentibus quam & futu-
ris, qualiter nos ob spem divinae remunerationis, pro statu
quoque & incolumitate regni vel Imperii nostri, pro sanitate
etiam nostrae dilectaeque conjugis nostrae Adelheidis filiique
& Coimperatoris nostri Ottonis quoddam praedium Retha
nominatum in confinio Vulde & Wisare situm, quod Erp-
Domino genitori nostro regi Heinricho concambii jure tradidit,
cum omnibus appendiciis suis, tam in mancipiis, quam in edi-
ficiis, pratis, pascuis, silvis, venis (forte: venationibus) pesca-
tionibus, aquis, aquarumve decursibus, molendinis, mobilibus
& immobilibus, terris cultis & incultis, viis & inviis, exitibus
& redditibus, quasitis & inquirendis, vel omnibus utilitatibus
illuc jure pertinentibus, & quendam nostrae Imperatoriae pro-
prietatis lidum Opoldum nuncupatum cum omni sua familia,
petitione & interventu nostri carissimi Episcopi Annonis, qui
idens

idem pradium in beneficium habere videtur, ad opus & servitium sancti Mauricii Martyris liberaliter in perpetuam proprietatem tradimus & donamus in Magdeburg, ut Archiepiscopi illius Ecclesie omni contradictione remota inoffensi teneant & possideant, & suis, ut res Ecclesiasticas, juxta libitum, usibus adjungant. Et ut hoc nostre autoritatis preceptum vel munificentie nostre donum stabile & inconcussum permaneat, cartam hanc conscribi, & annuli nostri impressione signari iussimus, quam & manu propria subtus firmavimus. Data VIII. Kal. Febr. Anno Dominice Incarnationis DCCCCLXX. Indictione XIII. Anno Imperatoris Domini Ottonis IX. Filii autem ejus III. Actum Papie in Dei nomine amen. Signum Domini Ottonis Magni & Invictissimi Imperatoris Augusti. Ludigerus Cancellarius ad vicem Rodberti Archicapellani notavi.

§. CXXVI. Venit etiam in manus nostras diploma Papie conscriptum de bonis in villis Wikkere & Norenstede monasterio S. Iohannis prope Magdeburgum (id ipsum est Bergense) donatis: quod integrum ut afferamus, operæ pretium fuit visum.

In Nomine Sancte & individue Trinitatis. Otto divina favente clementia Imperator Augustus. Noverint omnes fideles nostri, tam presentes scilicet, quam & futuri, qualiter nos interventu dilectæ conjugis nostre Adalbeidis, filique & Coimperatoris nostri Ottonis, pro statu vel incolumitate regni & Imperii nostri, quoddam pradium, quod Guntramus fidelis noster ex suo sueque conjugis proprio in villis Wikkere & Noranst. nominatis nobis tradidit, ad monasterium S. Iohannis Baptiste, quod in suburbio Magdeburg situm, & cum omnibus appenditiis & utilitatibus, sicut idem Guntramus attenus possidet, tam in mancipiis,

N

quam

quam edificiis, & tertia parte unius Ecclesia, vineis, pratis, pascuis, silvis, aquis, aquarumve decursibus, exitibus & redditibus, quasitis & inquirendis, in pago & Comitatu Kunigesundra, cui Numat Comes præesse videtur, ad opus Monachorum in præfato monasterio Deo sub regula S. Benedicti servientium liberaliter obtulimus, ut teneant & possideant, & suis, ut res monasticas, juxta libitum, usibus adjungant. Et ut hoc munificentia nostra munus firmum & stabile permaneat, & a nostris sanctæque Ecclesiæ Dei fidelibus verius credatur, cartam hanc conscribi, & annuli nostri impressione signari jussimus, quam & manu propria subtus firmavimus. Datum XVI. Kal. Febr. Anno Dominice Incarnationis DCCCCLXX. Indictione XIII. Anno Imperii Domini Ottonis Imperatoris Augusti majoris IX. Filius autem ejus III. Actum Papia in Dei nomine feliciter. Amen. Signum Domini Ottonis Regis Magni & Invictissimi Imperatoris Augusti. Ludigerus Cancellarius ad vicem Haddonis Archicancellani notavi.

97.

§. CXXVII. Exeunte anno DCCCCLXXI. Ravennæ denuo commoratus Otto Imp. ibidem conscribi ac signari fecit præceptum de prædio Koteriz Metropolitanæ Ecclesiæ Magdeburgensi donato. Diploma integrum his est conceptum verbis.

In Nomine Sanctæ & Individuæ Trinitatis. Otto divina favente gratia Imperator Augustus. Noverit omnium fidelium nostrorum tam presentium, quam futurorum industria, qualiter nos ob spem divinæ remunerationis, pro statu quoque & incolumitate regni vel Imperii nostri, pro sanitate etiam nostræ dilectæque conjugis Adelheidis, filique & Coimperatoris nostri Ottonis, quoddam prædium Cbotirodizi nominatum in pago Nortburinga, in Comitatu Huodonis Comis

Comitis situm, cum omnibus appendiciis suis, pratis, pascuis, silvis, aquis, aquarumque decursibus, mobilibus & immobilibus, terris cultis & incultis, viis & invisiis, exitibus & redditibus, quæsitis & inquirendis, vel omnibus utilitatibus illuc pertinentibus, ad opus & servitium Sancti Mauricii Martyris liberaliter in perpetuam proprietatem tradimus & donamus in Magdeburg: ut Archiepiscopi illius Ecclesie omni contradictione remota inoffense teneant & possideant, & suis usibus, ut Ecclesiasticas res, juxta libitum adjungant. Et ut hoc nostre autoritatis præceptum firmum & stabile permaneat, cartam hanc conscribi, & annuli nostri impressione signari jussimus, quam & manu propria subius firmavimus. Data Kal. Decembris. Anno Dominice Incarnationis DCCCCLXXI. Indictione XIV. Anno Imperii Domini Ottonis XI. Filii autem ejus V. Acta Ravenna in Dei nomine. Signum Domini Ottonis Magni & invictissimi Imperatoris Augusti. Willigisus Cancellarius ad vicem Roberti Archicapellani notavi.

§. CXXVIII. Atque hæc sunt magnificæ Ottonis I. donationes, quas quidem multo cum labore secundum seriem annorum distinximus. Supererant nonnullæ aliæ; sed quia in annorum nota suos habent scrupulos, earum summam hoc loco separatim annotare volumus.

Et primum quidem quicquid in his quatuor locis Hardestorp, Otterslebe, Saldorp, Immwadinge, in reliquis vero villis infra scriptis, Koboldsdorp, Trumpscz, Mendesleve, Michamdorp, Winischesconburg, Frofa, Pridelifti, Rodaldsdorp, Limdesdorp, Wedingi, Glinde, Biscatesdorp, Plochvisci, Thioteresdorp, in usus monachorum canoniæ Magdeburgensis jure perenni in proprium donat.

Deinde instinctu & monitu Friderici Sanctæ Magun-
tinsis sedis venerabilis Archiepiscopi, Adaldagique Ar-
chiepiscopi, nec non Bernhadi Halberstadensis Ecclesie Epi-
scopi, quandam curtem Hebesheim nominatam, in pago Der-
lingun, in Comitatu Brunonis situm, in presentia ejusdem
Brunonis Comitis filiique ejus Ludolphi, Geronis Marchio-
nis, Christiani Comitis, nec non Lotharii & Friderici Co-
mitum, cum omni integritate, universisque appendiciis aut
utilitatibus, vel acquisitis, vel acquirendis, Deo Sanctoque
Martyri Mauritio in Magdeburg regali sua munificentia
in perpetuum transfundit, & ad opus vel usum fratrum
ibidem Deo Sanctoque Mauritio, suo videlicet patrono ser-
vientium deputat.

Porro ob interventum chara conjugis sue Adelbeidis,
atque fidelis filii Wilhelmi S. Moguntina sedis venerabilis
Archiepiscopi, ac Geronis Marchionis, quasdam sue pro-
prietatis villas Pressitz, Moser, Nedeliz, Puciani nomina-
tas, ultra Albiam fluvium in pago Moritzani dicto, &
in Comitatu predicti Geronis Marchionis sitis, cum
omnibus earum appendiciis, — Deo omnipotenti San-
cto Martyri Mauritio, suo scilicet patrono in Mag-
deburg, ac regia sua vel Imperiali preceptione perpetuali-
ter ibi manendum tradit atque transfundit.

Præterea ob amorem Dei, regnique æterni mansio-
nem, insuper etiam pro stabilitate regni vel imperii sui,
nec non pro salute remedioque anima sue, dilectæque
conjugis Adelbeidis, atque amantissima prolis & æquivoci
sui Ottonis, quandam sue proprietatis villam Musfchbi no-
minatam, in pago Derlingen, & in Comitatu Ditmari Co-
mitis sitam cum omnibus utilitatibus hanc rite adspicienti-
bus a suo jure in jus sanctissimi Martyris Mauricii, sui videli-
cet

et patri in Magdeburg perpetualiter ibi manendum,
absque ulla hereditum vel successorum suorum contradictio-
ne transfundit atque donat.

S. CXXIX. Anno 1000 CCLXXII. Ottonem Imp. 972.
Mechtildæ matris aliorumque Principum nunciata fune-
ra ex Italia retrahunt in Germaniam. Quamobrem, sub-
ditis sibi cunctis hostium cuneis (Ditnari Mersburg. hæc
sunt verbalib. II.) arduam Alpium transcendit viam, Bava-
riam invadens regionem, ibique cunctis sapienter disposi-
tis, recto itinere ad Magdelurgensem pergens civitatem
palmas ibidem festivo duxit honore. Dominicam Pal-
marum diem solemni ritu Magdeburgi Ottonem cele-
brasse, designare voluit Ditmarus: id quod factum est
anno 1000 CCLXXIII. Pro remedio autem anime sue
(sic pergit Ditmarus) tradidit postera luce ineffabilia Domi-
no munera, invictissimoque ejus duci Mauritio, in prædiis,
in libris, ceteroque apparatu regio, confirmans omnia legi-
tima advocatorum traditioneque scripturarum, in præsentia
et laude Imperatricis et filii, atque sub omnium testimo-
nio Christo fidelium.

S. CXXX. Atque hoc eodem anno nongentesimo 973.
tertio & septuagesimo, Nonis Maji Imperator Otto Mem-
lebiæ in Thuringia ad Unstrutum fluvium, supremum
diem obiit, ac Magdeburgi in templo cathedrali a se
constructo splendide sepultus est. Witichindum Annal.
lib. III. de hoc excessu & sepultura loquentem audiamus.
Tertia feria ante Pentecosten loco devenit, qui dicitur Mi-
mileve. Proxima nocte juxta morem diluculo de lecto con-
surgens, nocturnis et matutinis laudibus intererat. Post
hæc paululum requievit. Missarum deinde officiis cele-
bratis, pauperibus juxta morem manus porrexit, paululum

gustavit, iterumque in lecto requievit. Cum autem hora esset, processit latus, & bilaris ad mensam resedit. Peracto ministerio vespertinis laudibus interfuit. Peracto cantico Evangelii astuare atque fatigari cepit. Quod cum intellexissent Principes circumstantes, sedili eum imposuerunt. Inclinantem autem caput, quasi jam defecisset, refocillaverunt, expetitoque sacramento divini corporis & sanguinis, & accepto, sine gemitu cum magna tranquillitate ultimum spiritum cum divinis officiis pietati creatoris omnium tradidit. Transportatur inde in cubiculum: & cum esset jam sero, nunciatur populo mors ejus. Populus autem pro ejus laude & gratiarum actione multa locutus, memoravit cum paterna subiectos rexisse pietate, ab hostibus eos liberaffe, superbos hostes Avaros, Saracenos, Danos, Sclavos armis vicisse, Italiam subjugasse, delubra Deorum in vicinis gentibus destruxisse, templa ministrorumque ordines constituisse, multaque alia bona invicem conferentes regali funeri insitebant. Mane autem jam facto, licet jam olim inunctus esset in Regem, & a beato Apostolico designatus in Imperatorem, spei unica totius Ecclesie, Imperatoris filio, ut initio, certatim manus dabant, fidem pollicentes, & contra omnes adversarios sacramentis militaribus confirmantes. Igitur ab integro ab omni populo electus in Principem, transtulit corpus patris in civitatem, quam ipse magnifice construxit, vocabulo Magdeburg. Itaque defunctus est Nonis Maji, quarta feria ante Pentecosten, Imperator Romanorum, Rex gentium, divinarum humanarumque rerum multa ac religiosa seculis relinquens monumenta. Paulo brevius Dittmarus lib. II. Tertia feria ante Pentecosten ad Mimmleben veniens, postero die ad mensam latus sedebat.

Qua

Qua finita cum jam vespera cantaretur, infirmari cepit
 & inclinari. Quem qui astabant proxime suscipientes,
 deposuerunt, refocillatusque divino celeriter viatico, oran-
 tibus pro exitu cunctis, debitum persolvit natura Nonis
 Maji IV. feria. Sequenti vero nocte viscera ejus soluta
 in Ecclesia Sancta Maria sunt tumultu: corpus autem
 ejusdem aromatibus conditum ad Parthenopolim transla-
 tum, ibique honorabiliter atque lachrymabiliter susce-
 ptum, marmoreoque impositum sarcophago sepultum est
 ab Archiepiscopis Gerone atque Adelberto, ceterorumque
 auxilio Episcoporum clerique totius. Errasset igitur Her-
 mannus Contractus, si Imperatorem non modo Magde-
 burgi sepultum, sed etiam mortuum tradidisset. Sane
 in Pistoriana editione hæc legas: Otto Imperator Nonis
 Maji subitanea morte apud Parthenopolim obiit & se-
 peliuitur. At vero in Vratislana quæ reperiuntur, rectius
 ita habent: Otto Imp. Nonis Maji subito mortuus, apud
 Parthenopolim, id est, Megedeburg, ubi ipse Archiepiscopum
 fecerat, sepultus est. Porro sepultura Ottonis Magde-
 burgicæ meminerunt Adamus Bremensis lib. II. Helmol-
 dus Chron. Savor. lib. I. cap. XIV. Marianus Scotus, Got-
 fridus Viterbiensis, Otto Frisingensis, Conradus Abbas
 Vrpergensis, Albertus Stadenensis, Gobelinus Persona,
 Theodoricus Engelhusius in Chronicis Universalibus,
 Tritthemius in Chronico Hirsaugiensi, Krantzius Metro-
 pol. lib. III. cap. XXXI. ubi addit: Magdeburgensis me-
 mores conditoris sui, statuam ei insignem cum geminis
 uxoris, grata animi signa, usque in hodiernum conser-
 vant in foro publico sue civitatis. Denique afferam quæ
 idem habet Saxoniæ lib. IV. Ottonis corpus magnis lu-
 gentium exequiis a filio Rege translatus est in civitatem,
 quam

quam ipse extruxit, Magdeburgensibus, ubique honorifice tumu-
 latur. Extat hodie sepulcrum ejus in crypta. Ajunt, qui
 aetate nostra viderant, corpus ejus post annos supra quin-
 gentos ita balsamo stare firmatum, ut delut in sella consi-
 deat illasum. Cujus tumulus ut magnifice renovetur, expo-
 scunt egregia illius Principis in Saxonia primum patriam,
 deinde in omnem Germaniam, demum in omne Imperium &
 universam Ecclesiam catholicam merita. Romanum enim
 imperium ab illo magnifice propagatum, exquisitum honorem
 & perenne memoriale suo, iure deposcit, ut ejus in terris me-
 moria permaneat diuturna, & (si fieri possit) sempiterna:
 quem ad meliora regna Rex transtulit immortalis. Monu-
 mento Imperatorio sequentes versiculos ferunt o-
 lim fuisse inscriptos:

TRES LVCTVS CAVSÆ SVNT HOC SVB MAR-
 MORE CLAVSÆ
 REX, DECVS ECCLESIE, SVMMVS HONOR
 PATRIÆ.

F I N I S.

